

no 48. all
20. 60. 60. 60.

40 3226

John Frederick
blanket weaving

M 15540



Palat

Complet

DUKE
UNIVERSITY
LIBRARY

Treasure Room

Notwendige warhaffte

verantwortung / beständige ablehnunge
vnd wiederlegung der vngegründten bezichtigung vnd
auflagen / damit der Durchlauchtigst Dochgeborne
Fürst vnd Herr / Herr Augustus Hertzog zu Sach-
sen / Churfürst zc. vnd Burggraff zu Magdeburgk /
von Hertzog Johans Friedrichen von Sachssen / als
der erklereten Echter / Wilhelmen von Grumbachs /
vnd seiner anhenger / Auch öffentlicher Landfriedbre-
cher vnd Strassenreuber Receptatorn vñ Schützern /
in der Antwort / welche er den 12. tag Julij nechstuor
schienen / des Reichs Gesandten vffim Schlos Grim-
menstein zu Gotha gegeben / Auch in den Schrifften /
die er an etzliche fürneme Chur vnd Fürstengethan /
Vnd hernach durch den Druck hin vnd wider aus-
gesprengt / zu der Römischen Key. Mayt. auch
seiner Churf. G. höchsten verachtung vnd
verunglimpfung one allen grundt vnd
warheit / vnnerschuldter sachen
beschwert vnd verleumbdet
worden.

Anno

M. D. LXVII.

Faint, illegible text, likely bleed-through from the reverse side of the page.

LIBRARY OF THE
MUSEUM OF NATURAL HISTORY

RBR
A 923 N

Es hat vnlang-

Est Herzog Johans Fries-
 derich der mitler von Sachssen/ze.
 des heiligen Römischen Reichs
 Churfürsten/Fürsten vnnnd Stenden / Rechten
 vnnnd Botschafften / so vormüge eines zu Augs-
 spurg auff Jüngst gehaltenem Reichstage/ges-
 machten gemeinen Beschlusses / mit Instruction
 vnd befehlich zu seiner Fürsilichen Gnaden abge-
 fertigt/eine schriftliche Antwort gegeben/dorin-
 nen S. F. G. zu ihrer vnnnd der erklereten Ehtere
 entschuldigunge/vnder andern spöttlichen vnnnd
 vorachtlichen antastungen der Keyserlichen
 Matestat/von wegen beschlossener vnnnd Publis-
 cirter Acht wider Grumbachen / vnnnd desselben
 Mitehtere/den Durchlauchtigsten Hochgebors-
 nen Fürsten vnd Herren / Herrn Augusten Her-
 zogen zu Sachssen ze. Churfürsten ze. als einen
 wissenschaftlichen vorschüßer / befürderer vnd liebhas-
 ber/Landfriedbrüchiger thaten/auch selbst Land-
 friedbrechern / zum beschwerlichsten angezogen/
 vnd sonstien dorinnen beziehtigt/das S. Chur-
 G. nicht alleine Seiner Fürsilichen Gnaden/das
 Spiel zugeschanzt/sondern auch in a-ere wes-
 ge/cklicher vnerfindlichen auflagen vnd ausge-

sprenghen Vrgichten halben / gegen der Key.
May. vorunglimpfft / vnd beschwert habe / Laute
vnd inhalts derselben antwort / vnd der Gesand-
ten vbergebenen schrifften / dorbey es S. F. G.
nicht bewenden lassen / sondern balde darauff an
die Erbeinungs / auch andere Chur vnd Fürsten /
ein schreiben / vormüge benurwarter Copen / mit
Numero 1. mit vberschickung der in druck gegeb-
nen antwort / vnd zugehörigen Copen ausge-
hen lassen / dorinnen Seine F. G. Hohermeltem
Churfürsten zu Sachssen zumessen / das S.
Churf. G. wider S. F. G. vnd die iren / ganz ges-
chwinde vnd gefehrliche Practiken treiben / In-
sonderheit aber sich bestleiffigen / durch mancher-
ley vnerfindliche vorbringen / S. F. G. bey der
Röm. Key. May. in ganz beschwerliche vngnad /
des gleichen bey andern Seiner F. G. Herrn vnd
Freunden / in merckliche argkwahn vñ vordacht /
vngünlicher erdichteter hendel zufüren / vñnd also
an allen ohrten / Vnfreundtschafft / widerwillen /
vnd missvorstand / wider Seine Fürsiliche Gna-
de / ganz vnvorschulter weise zuerregen / Vñnd
das gewislich an deme / das der Churfürst / sich
durch allerhand wege / vñnd auffgeraffte vrsach-
en Seiner Fürsilichen Gnaden / müßigen
vñnd nötigen wollte. Auch an deme
nicht

nicht genug habe / das S. Churf. G. seiner F. G.
gnedigen lieben Herrn vnd Vatern / auch S. F.
G. vnd derselben Freundlichen lieben Brudern/
Herzog Johans Wilhelmen zu Sachssen / ꝛc.
von irem Stand vñ Vhralt Väterlichen Churf-
fürstenthumb / Land vnd Leuten / mehrer theils
hat bringen helffen / vnd dieselbige nachmals be-
sitzt / sondern numehr weiter fortfare / S. F. G.
zum eussersten / nach Ehren / Leib / Leben / vnd
den wenigen vberigen gelassenen Bröcklein seiner
F. G. armen Lande vnd Leute / zutrachten / ꝛc.

Wiewol es nu vmb berürte Herzog Johans
Friederichs Antwort dermassen geschaffen / das
durch dieselbige / nicht alleine der Churfürst zu
Sachssen / ꝛc. zum höchsten an S. Churf. G.
Ehren / vnd Fürstlichen wurden vorleset / sondern
auch der Röm. Key. May. Person / vnd des gans-
zen Reichs Hohheit vnd Reputation / Ja Irer
Key. May. Hochlöbliche in Gott schlaffende vor-
fahren / vnd Herr Vater vnter der Gruben nicht
seind vorschont worden / In deme / das weiland
Ihrer Key. May. Kriegs Expedition vnd obfies-
gung / als eine durch meuterey vnd vorrehterey /
gepracticirete Niederlage angezogen / Vnd sons-
ten irer Key. May. ausgegangenen Mandaten /
A iij schriften

schriften vñ handlungen halben / wider die ihzige
vnd vorige Key. May. vnd die zu Augspurg ein-
hellig beschlossene Achts erklerunge / vnerfindt-
liche fürwendungen vund deutungen geschehen /
Doher diese sache / nicht alleine S. Churf. S.
sondern das ganze Römische Reich betreffen
vnd angehen thut / daruon sich auch S. Churf.
S. keins weges abzusondern bedacht / sondern
mit vnd neben der Key. May. Churfürsten / Für-
sten vnd Stenden des Reichs / alles was zu vor-
tretung des Heiligen Reichs Reputation / sich
disfalls eigent vnd gebürt / zubefordern vnd zu-
thun geneigt / So erfordert doch darüber S.
Churf. S. vnuormeydenliche Ehren notturfft /
das ihenige / so Herzog Johannis Friederich one
alle gegebene vrsach / vñnd aus lauterem heffigen
vnd vnbestendigen gemüt / wider S. Churf. S.
ausgegossen vñnd in druck gegeben / in sonderheit
zu widersprechen / vnd mit grund vñnd warheit
abzulehnen.

Dann ob wol S. Churf. S. gar in keinen
zweiffel stellen / S. Churf. S. Person / Fürstlich
herkommen / handel vñnd wandel / sey der Röm-
schen Key. May. auch allen Ehr vnd friedlieb-
den Churfürsten / Fürsten vñnd Stenden des
Reichs /

Reichs / vñ sonst meniglichen vermassen bekant /
Das S. Churf. G. aller solchen vnerfindlichen
auflagen / nicht alleine ganz vnschuldig / sondern
auch S. Churf. G. öffentlicher gewalt vnd vns-
recht doran geschehe / Dargegen aber S. Churf.
G. Herzog Johans Friederichen nachzusagen /
mehr vrsach hetten / das Sein F. G. an weiland
Keyser Ferdinando / vnd itziger Key. May. durch
vorachtung vnd hindansetzung / Irer Key. May.
Nichts Penal Mandaten vnd Reichsabschiede /
An dem Churfürsten zu Sachsen aber / von we-
gen nicht haltunge geschwornener Erbeinunge / Erb-
vorbrüderung / der auffgerichteten hochbetwerteten
Capitulation vnd Vortrege / so er vorgessen / vnd
darwider gehandelt / brüchig worden / Vnd den
Churfürsten vnuorschulde an S. Churf. G.
Ehren / Wirden vnd Fürslichen leumut angetas-
set / vnd wider die öffentliche warheit beschuldige
hat / Das S. Churf. G. / S. F. G. nach Ehr /
Leib / Leben / Landen vñd Leuten getrachtet ha-
be / wie solchs hernacher in specie sol erweist vnd
ausgefüret werden.

Damit es aber gleichwol bey denen / sonder-
lich so des Reichs / vnd ein zeit hero zwischen irer
Chur vñ Fürslichen Gnaden ergangenen sachen

vnnnd schrifften nicht berichtet / das ansehen nicht
habe / Als ob S. Churf. G. mit stillschweigen
vnd nicht vorantworten / das ihenige / dessen S.
Churf. G. bezüchtigt / schuldig weren / Vnd sich
der aufgaben von Erpracticirter Recht vnd Bn-
gnad / bey der Röm. Key. May. Von Heinrichen
von Staupitz angezogenen reden / Auch vom
Bischoff zu Meissen / vnnnd dann von Anno / 11-
47. geschehenen überzuge oder Brandschakunge/
Lehlichen den angegebenen erzwingenen felsch-
lichen Brgichten / vnnnd was deme mehr anhen-
gig / nicht Fürslich vnd nottürfftig vorantwor-
ten könten. Als haben S. Churf. G. nicht vmb-
gehen sollen / oder mügen / der Key. May. / Churf-
fürsten / Fürsten vnnnd Stenden des Heiligen
Reichs / einen beständigen vnnnd gegründten Kes-
genbericht / auff Herzog Johans Friederichs den
Reichs gesandten gegebene / vnnnd numehr ge-
druckte antwort vnd andere schriffte / belangende
der Ehtere Grumbachs / vnnnd Wilhelms vons
Etein / Mörderische anschlege wider S. Churf.
G. / zuthun.

Dann ob wol S. Churf. G. dessen zum lieb-
sten oberhaben / vnnnd damit verschont gewesen
were / Vnnnd wol bekennen müssen / das es S.
Churf.

Churfürsilichen Gnaden zum höchsten zuwider/
das die Römische Keyserliche Majeſtat/ Chur-
fürſten / Fürſten vnd Stende hiemit bemühet
werden ſollen / Dieweil aber Seine Churfürſt-
liche Gnade / zu ſolcher Verantwortung vnd
vortretung ihrer Ehren/ von Herzog Johannis
Friederichen / ſo hoch verurſacht vnd genötigt
ſein / So ſtellen auch ſeine Churfürſiliche Gna-
de inn keinen zweiffel/ Es werde dieſelbige Nie-
mandts darumb vordencken / Sondern das es
Seine Churfürſiliche Gnaden/ keinen vmbgang
haben mügen/ erkennen vnd vrtellen.

Vnd weil ſich Seine Churfürſiliche Gna-
de / inn ihren gewiſſen vnd ſonſt frey wiſſen/ das
ſie ſieder Anno zc. Sieben vnd vierzig / vnd
Anno zc. Vier vnd funffzig / auffgerichteten Ca-
pitulation/ geſchwornen Vortregen/ Erbeinunge
vnd Erbuorbrüderung/ wider dieſelben nicht ge-
handelt / ſondern ſich gegendero Bettern / in allen
dingen freundlichen/ Betterlich/ friedtfertig / vñ
nachbarlich erzeiget/ Vnd nicht alleine alles das
gethan/ was ſolche Vortrege/ Erbeinung/ vnd
Erbuorbrüderunge/ vermügen vnd inn ſich hal-
N v ten/

ten/sondern auch zu allerley beschwerungen vnd
zundtigungen/so seiner Churfürslichen Gnade/
von Herzog Johannis Friederichen zu mehrma-
len/mit beschwerlichen reden/schriften/thätliche-
en eingriffen / vnd andern begegnet/freundliche
gedult gehabt / vnd Seine Fürsliche Gnade/
mit freundlichen schriften / der auffgerichteten
Vortrage vnd Erbeinunge erinnert / vnd von
dero unbefügten fürnemen abzustehen/ermanet/
Wie solches Seiner Fürslichen Gnaden / selbst
bewust/vnd im fall der not zuerweisen vnd dar-
zuthun ist / So haben sich Seine Churfürsliche
Gnaden / bisher nicht genugsam verwundern
können/was Herzog Johannis Friederichen / zu
solchen unbefügten fürnemen / schmehen vnd
schelten Seiner Churfürslichen Gnaden Pers-
son/ verursachen möchte/bis das Seiner Chur-
fürslichen Gnaden / obbemelt schreiben/ an die
Chur vnd Fürsten zuhanden kommen/ dorinnen
Seine Fürsliche Gnade/sich ausdrücklich erkle-
ren/das es dero vmb die einmal eingezogene vnd
verlorne/vnd von Seiner Churfürslichen Gna-
den/Fürslich Ererbete Land vnd Leute/ vnd als
so vmb das zuthun ist / das Seine Fürsliche
Gnade/geru vrsach suchen wolte / ein loch durch
die

die geschworne Vortrege zumachen/ vnnnd dieselben Lande vnd Leute widerumb an sich zubringen.

Damit es aber nun nicht darfür angesehen werde/ Als ob der Churfürst zu Sachsen bedacht/ Seiner Fürstlichen Gnaden / mit gegen schmeihen/ vnd Recrimination zubegehenen/ oder derselben etwas aus hitzigem vnd bewegtem gemüte auffzurücken / vnnnd vnbillich zuzumessen/ (welchs dann Seiner Churfürstlichen Gnaden gemüt/meinung vnnnd gelegenheit nicht ist) So haben Seine Churfürstliche Gnade / alleine warhafftige Extract / aus den auffgerichteten geschwornen Vortregen/ Erbeinunge/ vnd Erbuorsbrüderunge/ von wort zu wort hieher setzen lassen/ daraus zubefinden / wess sich Herzog Johans Friederich / gegen Seinen Churfürstlichen Gnaden vorschworen/ vorschrieben / vorseigelt vnnnd vorbriefft/ vnd wie sich dasselb alles mit deme / so Seine Fürstliche Gnade/ darauff wider Seine Churfürstliche Gnade geredt/ geschrieben / vnnnd gehandelt/ vorgeleiche.

Vnd

Und anfanglich: so ist

nicht alleine den Chur vnd Für-
sten / sondern fast menniglich im Deuschlande
bewust / welcher gestalt / Anno .zc. Sebenvnd
vierzig / von Weilandt Keyser Carolo dem fünfs-
ten / Hochlöblicher gedechtnis / eine Capitula-
tion auffgericht / dorinnen vnder andern diese
Wort zubefinden / Und sollen damit al-
le Speen vnd Irrungen / welcherley
die seind / so Herzog Moriz hievor
gegen dem Gefangenen oder seinen
Kindern / odder sie gegen ihme ge-
habt haben / oder noch haben möch-
ten / gantzlichen auffgehebet sein. Wel-
cher Capitulation Herzog Johans Friedes-
richs Herr Vatter / nicht weniger als Chur-
fürst Moriz / Fürslich vnd standthafftig / bis
an Seiner Fürslichen Gnaden / Christlich
ende vnd abschied von dieser Welt / nachkom-
men

Volgendes

ZUlgendes / nachdem es Gott der Allmechtige /
dermassen geschicket / das nach tödellichem ab-
gang Churfürst Moritzen / S. Churf. G. Land
vnd Leute / auff den ihigen Herzogen Augustum /
Churfürsten / vorfelle vnd vorerbet / Vnd also S.
Churf. G. mit auffrichtigem Ehrlichen Titul vnnnd
ankunfft der Lande Herr worden / Vnnnd S. Churf.
G. dero Vettern / ober die obberürte Capitulation
nichts mehr zugeben oder einzureumen schuldig ge-
wesen / Hat sich doch S. Churf. G. durch des alten
Herzog Johans Friederichs / gebornen Churfürsten
freundliche Vetterliche suchung vnd bit / auch anderer
Potentaten / Chur vnd Fürsten / gütliche vnderhand-
lung / Anno zc. 54. dahin bewegen vnd vormügen
lassen / das sein Churf. G. aus lauterm freundlichen
willen vnd vetterlichen zuneigung / so sein Churf. G.
zu S. F. G. als einem alten war vnd standhaftigen
Fürsten getragen / seiner F. G. vnd dero Sönen / noch
eine statliche anzal / von S. Churf. G. auffgeerbten
Landen gegeben / abegetreten / vnnnd gutwillig zufo-
men hat lassen / Welchs sein Churf. G. auch des al-
ten löblichen Fürsten / vnnnd beider seiner F. G. Söne /
Herzog Johans Wilhelmens / vnd Herzog Johans
Friederichens des Jüngern / seliger gedechtnis / halben /
(weil sich dieselben gegen seiner Churf. G. vetterlich
vnd danckbarlich erzeigt / Vnnnd Herzog Johans
Wilhelm noch thut) nie gereuet / Vnd Herzog Jos
hans

Hans Friederichs des mielern halben / eben so wenig
gerewen solte / wann sein F. G. sich gleicher gestalt /
wie dero Brüdere / gegen seiner Churf. G. gehalten.

Was nu in demselben Anno 2c. 54. auffgerich-
ten / vnnnd von Vater vnd Sönen vnderschriebenen
vnnnd gestiegelten Vortrage / ißiger Herzog Johans
Friederich zu Sachsen 2c. bewilligt vnd zugesagt /
das weistet der eingang vnd beschlus / desselben haube
vortrags aus / In denen worten / Erstlich sollen
vnd wollen wir einander genßlichen vor-
zeihen / vnd allen widerwillen / wie sich
der bisshero zugetragen / fallen lassen /
Einander ehren / lieben / freundlich met-
nen / vnd einer dem andern in seinem ob-
liegen / Netig vnd behülfflich sein. Gleich-
er gestalt / hat sich sein F. G. in dem dazumal auffge-
richten beyvortrage auch vorpfflichtet / nach laut die-
ser wort / Ferner haben wir bedacht / wie
freundlich sich unsere vorfarn zusammen
gehalten / vnnnd haben vns derhalben
freundlich vorglichen (wie wir vns dan
hiemit Krafft dis briffs / voreinigen vnd
vorglei-

vorgleichen/ Das wir vnſere Erben vnd
nachkommen/ gegen einander / alle ſachen
die zu widerwillen oder gezencke vrsach
geben möchten/ wollen vormeiden.

Hernacher Anno 21. 55. Haben ire Chur vnd
F. G. neben den andern vorwanthen Erbeinigungs
Chur vnd Fürſten / die alte Erbeinung vnd vorbräu
derung der Heuſer/ Sachſſen/ Brandenburg vnd
Hessen / mit einander vornewert / Welche auch ihr
Chur vnd Fürſt:G. von allen teilen in der Perſon zu
halten geſchworen / Vnd ſiehen in derſelbigen Erbein
igung dieſe wort/ Wir geloben/ das wir vn
ſere Erben vnd nachkommen/ alle vnſere
lebetage einander brüderlich / freundlich
vnd gütlich meinen / Ehren / fürdern/
vorantworten / vnd vnſer einer des an
dern ſchaden warnen/ vnd ſein beſtes mit
worten vnd wercken vngefehrlich vnd
getrewlich fürnemen ſollen vnd wollen.

Item / Wir ſollen vnd wollen auch
einander mit leib vnd gut/ Landen vnd

Leuten/trewlich beholffen vnnnd beraten
sein/zu allen vnser jzliches nöten vne ge-
ferde.

Item/Es sol auch vnser keiner des an-
dern Feinde/Echter vnd Reuber/in sei-
nen Landen/Schlossen/Stedten vnnnd
Gebieten/wissentlich vnnnd mit vorsatz/
nicht hausen/hegen/schirmen/noch dehn
einigerley zulegung / fürderung / hülff
noch rat thun/noch durch seine gezwenge
vnd Landwere nicht komen lassen/heim-
lich noch öffentlich / oder den seinen ge-
statten das zuthun inn keinerley weise/
vnd ine auch kein gleit geben noch geben
lassen.

Bei solcher auffgerichteten geschwornen Erbeis-
nung/ vnnnd Erbuorbrüderung/ haben sich ire Chur
vnnnd Fürst. G. dazumal auch eines neben abschieds
vorglichen/darinnen mit hellen klaren worten vorse-
hen/ Das ire Chur vnd F. G. die Echter
vnd Reuber in iren Landen/nicht hausen
noch

noch hegen wollen / Sondern das dieselben eingezo-gen vnnnd angehalten werden sollen.

Wie sich nun Herzog Johans Friederich nach Stödtlichem abgang S. F. G. Herrn Vaters / vnd sobald sein F. G. als der elter Herr / in die Regierung getreten / auff die erste Capitulation vnd folgende Vortrege vnd Erbeinigung erzeigt / darvon könte der Churfürst zu Sachssen zc. beständigen gutten bericht thun / vnnnd allerley anzeigen / daraus zu spüren / wie bald der Vortrege vorgessen / vnnnd man sich zu seiner Churf. G. genötigt hat.

Aber sein Churf. G. wollen zu seiner F. G. vn- glimpff / diese ding nicht scherffen / sondern alleine dasjenige erinnern / was Notorium vnnnd aller welt wis- sentlich / kunt vnd offenbar ist / daraus meniglich hin- der sich zugedencken / wie bald man die Vortrege vnnnd oben angezogener Clausulen / hindan gesetzt / vnd sich gelüsten lassen vneinigkeit / misztrawen vnd widerwil- len anzurichten.

Vnd damit es mit souiel besserem schein vnd vn- normarckter zuginge / hat man den anfang mit der Religion gemacht / also / das man Leute bestellet vnd angenommen / welche wider Churfürst Moritzen / auch volgens wider den ihigen Churfürsten / vnnnd dero Lande / Kirchen vnd Schulen schreiben / dieselbe als

abtrünnige von der wahren Christlichen Religion/
mit gedruckten büchern schmehen/schelten/ vnd in al-
ler welt/ als Mammalucken vnd vorsefcher der Re-
ligion / ausschreien vnd vorkennen haben müssen/
Nicht der meinung/ das Gottes Ehre vnd die aus-
breitunge seines alleine seligmachenden Worts / dor-
durch gesucht/ gefördert vnd gepflantzet würde (wie
denn durch solch boshaftig/ giftig vnd ehrgeitzig ge-
sucht gezeuete / derselben auffgeworffenen vnd auff-
rührischen Theologen zugeschehen / vnmöglichen ge-
wesen/ vnd sich hernacher auch also befunden hat)
Sondern damit der Churfürst/ bey dem gemeinen pö-
fel seiner Churf. G. vnderthanen/ vnd sonsten mens-
niglichen im Reich vorhasset gemacht/ Vnd etwan
bey zufallender anderer Occasion / von iren eigenem
leuten vorfolget / vnd durch einen auffruhr/ von Lan-
den vnd leuten vortrieben würden.

Vnd solchs ist nicht alleine bey den Theologen
geblieben/ sondern es hat auch Herzog Johans Frie-
derich zugeschehen/ das der Churfürst/ vñ seiner Churf-
G. Lande/ von etlichen seiner F. G. Rethen vnd Die-
nern/ heimlich vnd öffentlich/ mit einer Ehrwürdigen
gedruckten lesterschrift / seind geschmehet vnd ange-
tastet worden/ Vnd als man hinder den tichter/ Do-
ctor Basilius Mönner zu Thena komet / vnd wider
denselben / vormöge der Erbeinung/ bey seiner F. G.
ansuch

ansuchung gethan / sein F. G. denselben / nicht alleine
im keine straff genomen / sondern auch zum höchsten
entschuldiget vnd geschützt hat / Man geschweiget /
das zu derselben zeit / vnd noch niemants bey seiner F.
G. mehr gnade erlangt / dem wer nur von S. Churf.
G. vppig vñ beschwerlich gereth oder geschrieben / sol-
ten es auch gleich schalcksnarn sein / so sonderliche
Treuere ertichtet / vnd seiner F. G. eine hoffnung ge-
macht / der Lande Herr wider zuwerden.

Als man aber gesehen / das es der Theologen ge-
zencke vnd Condemnation nicht haben thun / noch sich
sein Churf. G. von Landen vnd Leuten wollen schrei-
ben lassen / vnd also die bestalten auffrürischen schreier /
zu nichts zugebrauchen gewust / Sondern man selbst
vor derselben Pharisaischen Theologen Bann / nicht
sicher sein können / Ist man ihrer nicht alleine müde
worden / sondern hat sie auch aus dem Lande (wie
nicht vnbillig / als die mit nichts anders dann auff-
rhur vmbgangen / vnd das ihenige / darzu sie sich be-
stellen lassen / nicht ausrichten können) vortrieben /
Das dises also geschehen / ist fast ganzem Deutsche
Lande wissentlich.

Nach solchem / vnd weil es auff denselben weg /
nicht angehen wollen / hat Herzog Johans Friederich
auff andere mittel gedacht / Vnd was mit Bücher
schreiben nicht hat ausgerichtet werden wollen / durch
die

die / so sich zu mort vñ blutuorgiessen haben brauchen
lassen / vnd von der höchsten Oberkeit vorbannet vnd
in die Acht gethan gewesen / zuuorsuchen bey sich ents
schlossen / Vnd derhalbē Wilhelm von Grumbach /
Wilhelm vom Stein / vnd andere / so von Wellandt
Keyser Ferdinando hochlößlicher gedechtnis / von
wegen der Landfriedbrüchigen plünderung der Stad
Würzburg / in die Acht erklet / an sich gezogen / diesel
ben zu geheimen Rethen vñnd Dienern bestellet vñnd
angenomen / Vnd ist nu ekliche Jar hero seiner F. G.
Stadt vnd Vestunge Gota / eine herberge der Echter
vnd Keuber / vnd also Asylum bannitorum et Nebus
lonum gewesen / des man sich auff der forigen vnd ihla
gen Key. May. Acht / ausgegangene Mandata / der
Erbeinung Chur vñ Fürsten gethane schickungen vñ
schreiben / vñ die offenbare Notorietet / im gantzē Rō
mischen Reich / vnd andern Königreichen / beruffen vñ
ziehen thut.

So wirt auch gereth / das sein F. G. ehrliche vnd
getreue Landschafft / sein F. G. vndertheniglich ers
sucht vnd gebeten / das sich sein F. G. der Echter ents
schlagen / vnd dieselben dem Keyser zuwider / vnd ober
der Erbeinungs Chur vnd Fürsten so freundliche ers
innerung / nicht ferner schützen / hausen oder hegen sol
te / Welcher gestalt auch sein F. G. von dero Brudern
Herzog Johans Wilhelmen / zum offtern / so schrift
lich so mündlich / zum freundlichsten ermahnet vñnd
gebeten

gebeten worden / sich der Landfriedebrecher vnd
Echtere / genzlichlichen zuentschlahen / vnd der höch-
sten Oberkeit Beuehlich / auch seiner F. G. nahen
Blutsfreunde / als Pfaltz / Sällich / Pommern /
Hessen / getrewen erinnerunge statt zugeben / vnd
in deme S. F. G. vnd dero Erben / Gemahl / vnn-
ganke Landschafft zubetrachten / Das ist seiner
F. G. am besten bewust / vnd bezeugens die ergans-
gene Schrifften vnd Handlungen.

Damit es aber auch ober solch Notorium /
noch etwas mehr vnd scheinlicher / in Specie / dar-
gethan werde / wie man dieselben Leute / wider S.
Churf. G. bestellet vund auffgehalten / So hat
solchs menniglichen / aus nachfolgendem kurtzen
vnd warhafftigen Bericht / zuuornemen.

Es ist dem Churfürsten zu Sachsen ꝛc. zu
mehrimalen / von vielen gutherzigen Leut-
ten / auch Fürsilichen vñ andern Hohes vnd
niedrigs Standes Personen / vortraulicher Be-
richt einkommen / Inn was Practicken dieselben
Echter / vund sonderlich Grumbach / wider Sein
Churf. G. vund dero Lande vnd Leuthe stände /
Vnd das S. Churf. G. ire sachen in acht haben /
vnd nicht trawen solten / aus vrsachen / Dieweil
S. Churf. G. die Echtere / das sie aus der Aecht
gebracht / bey der forigen Kay. May. ausgesonet /

E vnd

vnd ire böse Achtsfachen zum vortrage gerichtet
würden/ vorhindern solten.

Sein Churf. G. seind auch von denen/ so
Grumbachs Brieffe gelesen/ vnd in die Franckö
sische Sprach gesetzt haben/ berichtet/ welcher ge
stalt er vil vnerfindliches dinges/ von S. Churf.
G. in Franckreich gelangen lassen.

Darüber auch mit eingefallen/ das S. Churf.
G. angelanget/ Als solte S. Churf. G. vntrewer
vñ meynendiger Forstknecht/ George Zübel/ nach
S. Churf. G. inn der Heiden bestellet sein/ vnd
mit etlichen viel Pferden/ an heimlichen vorge
nen örtern/ auff S. Churf. G. gehalten haben/
Darzu ime Grumbach Rath vnd vorschübe lei
sten würde.

So hat S. Churf. G. auch Wolff Mülich
berichtet/ welcher gestalt Grumbach/ etwan ein
Schreiben an ihnen gethan/ darinnen er Sein
Churf. G. vor einen vntrewen Mann gescholten.

Item noch ein ander schreiben/ darinnen erze
let/ wie das er Grumbach/ nach der Schlacht
vor Siefershausen/ auff S. Churf. G. / als Sie
wider aus Dennemarck kommen/ vnd von Zella
ausgezogen/ einen halt bestellt gehabt/ Dieweil
aber S. Churf. G. dazumal gewarnt were wor
den/ so wolte er doch seiner Churf. G. / der hassen
souiet

soutel bestellen / das sie ime lekhlichen nit entgehen
soltten / welche beide Brieffe ime zu der zeit / als er
durch anstiftunge Grumbachs vnd anderer / in
Herzog Johans Friederichs vngnade komen / mit
gewalt weren genomen worden.

Dieses alles hat S. Churf. G. aus Fürst-
lichem gemüht vorachtet / bis auch S. Churf. G.
von Graff Gänthern von Schwarzburg / zu
welchem S. Churf. G. (nach erster anzeigung
eines vom Adel / deme es der Graff an S. C. F.
G. zubringen / zweymal vormeldet) ire ansehen-
liche Landt vnd andere Kette gegen Leipzig ge-
schickt / berichtet / Das sich Grumbach gegen S.
G. ausdrücklichen erkleret / das er S. Churf. G.
nach Leib vnd Leben trachten wolte / Vnd das
S. Churf. G. ime / zwischen derselben zeit vnd
Weinachten / nicht fürgehen solten / Wie dann
auch der Graff dasselbe hernacher / als er auff der
Ray. May. begeren in Ungern gezogen / mit sei-
ner eigen handschrift vnd Pexschafft zum ober-
flus bezeuget hat / laut derselben Copey / Numes-
ro 2. hierbey zubefinden.

Wann es dan S. C. F. G. dafür gehalten / das
S. Churf. G. ober die vorigen warnungen auch
diese von Gott zugeschickt würde / vñ das sich S.
Churf. G. erinnert / was er massen Grumbach dem
L ij Mördes

Mörderischen anschlag auff Bischoff Melchiorn
zu Würzburg / gemacht / vnd desselben fürnembs-
ter anstifter gewesen / Alles nach laut / der inn-
druck gegebenen verkunden vnd vorgichten. So
hat S. Churf. G. / mit Rath dero fürnembsien
Rethe / zu gründlicher erkündigung derer dinge /
dohin geschlossen / das sie Herzog Johans Frieder-
ichen dessen freundlichen berichten / vñ Grumbach-
chen in S. F. G. gegenwart / solcher bedraulicher
mörderischen Wort halben / beschicken lassen wol-
te / wechß auch also erfolgt / Das nemlich
S. Churf. G. drey Irer Land Rethe vnd Ober-
sten / neben einem Notario gegen Gotha geschickt /
aldo dieselben am 27. tag Nouembris / des vor-
schienen Fünff vnd sechzigsten Jars / Grumbachen
in beysein Herzog Johans Friedrichs / von wegen
des Churfürsten angesprochen / vnd vormeldet /
Das S. Churf. G. der obgesakten bedraulichen
Wort / von jme berichtet / vñ dero halben erkles-
runge begerten / ob er dessen gestendig / Darauff
er eine zum teil weitleufftige antwort gegeben /
Wie dieselbige durch den Notarium Instrumen-
tirt / laut des Instruments / Numero 3. Aber
doch endlich mit diesem beschlus / Er gestände der
Reden nicht / er würde es denn überweisen.

Damit es nu Grumbach nicht dar für hielte /
als

als ob S. C. F. G. mit beweifung nicht gefasset/
oder iren ansager zuormelden/bedencken trügen/
So haben S. Churf. G. Herzog Johans Frie-
derichen/des Grauen zu Schwartzburg/als des
ansagers vnd zeugen Person/folgents in einem
ganz freundlichen schreibē/namhaftig gemacht/
Vnd sein F. G. auff die Vortrege/ Erbeinigung/
vnd des heiligen Reichs abschiede/vnd den hoch-
vorpeenten Landfrieden/freundlich ersucht vund
gebeten/Wie Key. May./Churfürsten/Fürsten/
vnd Stende/aus benuorwarter Copen/mit A.
zuornemen.

Vnd waren S. Churf. G. der gewissen zu-
vorsicht/sein F. G. würden sich / in betrachtung
der geschwornen Erbeinigung/vnd nach gestalt des
Echters Grumbachs person/alsbale freundlich
vnd Betterlich darauff erzeigen/ vnd den gehors-
sam legen der Key. May./die Endliche vorpflicht-
tung vnd vorbündnis mit S. Churf. G. / vnd
den andern Erbeinigungs Chur vñ Fürsten/mehr
bey sich / als des Echters Person/gelten lassen.

Was aber sein F. G. vor bloffe antworten/
zu entschuldigung Grumbach/vnd vorfleinerung
des Graffen/darauff gegeben/das weisen die Co-
peien mit B. vnd C. aus/darauff S. Churf.
G. wider an sein F. G. geschrieben/nach laut der
Copen mit D.

Dann weil Grumbach ein Echter / welches
Herzog Johans Friederich one das zuhause
nicht gebüret / Der Graffe aber seiner Ehren un-
bescholten / vnd derhalben bey S. Churf. G. be-
glaubiget / So ist S. Churf. G. gelegenheit nicht
getwesen / sich mit Herzog Johans Friederich
oder Grumbachen / in weitleufftige Disputation
einzulassen / sondern haben S. Churf. G. nicht
vnbillich des Echters halb / auff die Erbeinunge
gedrungen.

Hierumb ob wol Herzog Johans Friederich /
abermals an S. Churf. G. / nach inhalt der Cop-
ey mit E. geschrieben / so haben doch S. Churf.
G. sein F. G. widerumb beantwortet / vormüß
der Copey mit F. Doraus menniglich zuorne-
men / Wie getrewlich / Beterlich vnd freundlich /
es S. Churf. G. mit seiner F. G. gemeinet / Vnd
das S. Churf. G. nicht ein beschwerlich oder bö-
se wort / an seine F. G. geschrieben / vngeachtet /
Das S. Churf. G. grosse ursach darzu gegeben
worden.

Es hat aber dasselbe schreiben auch nichts ge-
holffen / sondern ist Herzog Johans Friederich /
auff voriger seiner F. G. meinunge vnd nichtigers
entschuldigung des Grumbachen bestanden /
laut der Copey mit G. / vnangesehē / das Grum-
bach von der itzigen Kay. May. Churfürsten /
Fürsten

Fürsten vñ Stenden des Reichs / einhelliglich ins die Acht erklert / vnd sein F. G. ernstlichen Mandiret worden / die Acht zu Exequiren / vnd Grumbachhen zur straff gefencklichen einzuziehen.

In mittel dieser Wechfelschriften / vnd weil der Churfürst zu Sachsen auffm Reichstage zu Augspurg ist / tregt sich zu / das einer inn S. Churf. G. Landen / Hans Behem genant / die beyren halben gefangen wird / Welcher als bald freywillig vnd unbefragt bekant vnd ausgesagt / das er Grumbachs junge / vnd von iure vnd Wilhelm vom Stein / bestellet gewesen sey / auff den Churfürsten zuwarten / S. K. F. G. zuuorkundschafften / vnd wo möglich zuerschiessen / Welche des gefangenen aussage / S. Churf. G. von deren Ketten gegen Augspurg ist überschickt worden / laut der Copey / Numero 4.

Darneben sich dann auch zugetragen / das ein Oberster Christoff von Zetwitz / welcher inn Herzog Johans Friederichs dienst gewesen / S. Churf. G. in scharfften zuerkennen gegeben / Es trügen sich sachen zu / doran S. Churf. G. Leib vnd leben gelegen / welche er S. Churf. G. vnderthienigst eröffnen vnd anzeigen wolte / do es S. Churf. G. gnedigst von ihme wolten anhören /
Darauff

Darauff S. Churf. G. inen zu sich legen Augspurg erfordert / die weil aber S. Churf. G. von dannen gegen München vorruckt gewesen / ist der selbig Oberste (welchen S. Churf. G. zuuorn nie gesehen oder erkant) zu S. Churf. G. gegen Starnberg in Bayern gefolgt / Vñ seiner Churf. G. des Grumbachs Mörderische anschlege / nach der lenge vormeldet / vñ sonderlich / das er mit ime gereth vnd gehandelt / weil ime die Landtart der örter omb die Haarwiese / do dazumal sein Churfürstliche G. auff der Jagt gewesen sein sollen / bekant / so solt er sich darzu gebrauchen lassen / da mit sein Churf. G. gefangen / vnd in ire der Echter gewalt gebracht werden möchte / Alsdann Herren vñnd Knecht geholffen würde / zc. Wie die Copey seiner aussage (welche er mit eigener handt vnderzeichnet vnd besiegelt hat) mit H. ausweist.

Do nu sein Churf. G. widerumb glücklich zu iren Landen / vnd ins Hofflager gegen Dresden ankomen / seind S. Churf. G. von deren Rechten ferner bericht worden / was der obgnante gefangene Hans Behem / vñnd dann noch ein fürnemer StrassenReuber / Philip Plasse genant / der Stadt Erfurt Feind / welcher aus schickung Gottes auch zuhafften bracht / in der güt vñnd scharffen

scharffen frage bekant vnd ausgefagt / vnd nemlich / Das auch derselbige freywillig gestanden / waser massen mit jme vnterredung gehalten / seiner Churf. S. mit helffen nachzutrachten / zuuorwes gelagern vnd zufangen / inmassen sein Churf. S. solche Plassens aussage / in beysein viel Gerichts Personen / vnnnd anderer statlichen zeugen / durch einen Notarien auffzeichnē / jme etlich mal widers umb fürlesen vnd Instrumentiren lassen. Nachdeme aber auch Hans Behem vnter anderm / auch Herzog Johans Friedrichs meldunge gethan / So haben S. Churf. S. (nach gehabtem Rath) beschlossen / seiner F. S. dieselben vrgichtē / wie sie gefallen / zuüberschicken / Damit (ob wol S. Churf. S. demselben) souiel S. F. S. Person belangete / ganz vnd gar keinen glauben zugesellet / wie dann auch sein F. S. derwegen von seiner Churf. S. mit keinem Worte seind beschuldiget worden) dannoch sein F. S. ersüren / was chre vnd gutten glimpffs sein F. S. von den Ethern / durch ire Mörderische vnthaten / erlangte / vnnnd also sein F. S. souielmehr vorursacht würdē / der Key. May. zugehorsamen / vnd des Churfürsten freundlichen vnd billichen suchungen / stadt zuges ben.

Vnd hat der Churfürst an sein F. S. / neben vberschickung solcher Vrgichten gesckrieben / nach

D

inhalt

inhalt der Copen mit J. Ob nun in demselben
zubefinden / das ire Churf. G. seiner F. G. zuge-
messen / Als ob sie seinen Churf. G. nach Leib vnd
leben ständen / Das lest S. Churf. G. Kay.
May. Chur vnd Fürsten / vnd alle vornünftige
menschen erkennen vnd vrteilen.

Das es aber nicht / vñ ein eitel vngegründtes
erdichtes fürgeben sey / das weist der Buchstabe
aus / Vnd viel mehr ist aus S. Churf. G. schrei-
ben / so an seine F. G. so bald / vnd ehe dann S. F.
G. den Churfürsten beantwortet / auff denselben
Brieff erfolgt / vñ die Copen mit R. signiret / klar
vnd offenbar / das S. Churf. G. an solcher vn-
warhafftigen bezüchtigung / gewalt vnd vn-
recht geschehen / Des sich S. Churf. G. auff den
hellen Buchstaben ires so ganz freundlichen /
Bitterlichen vnd auffrichtigen schreibens / referie-
ren thut / Welch lezt S. Churf. G. schreiben aber
seiner F. G. wie hernach gesagt werden soll / vn-
terschlagen vnd gegen den Reichsgesandten vnd
andern / bey welchen sein F. G. den Churfürsten
vorleumbdet / vorschwiegen hat.

Solches ist also der gegründte warhafftige
Bericht / vñnd seine Churf. G. können es alles /
wie es erzelet / mit den ausgegangenen Wechsel
schriften /

schrifften/ auch andern Brkunden / vnd mit vles
len lebendigen ansehnlichen beglaubten zeugen /
im fall der not belegen / beweisen vnd dartzun.

Daraus haben Key. May. Churfürsten/
Fürsten vnd Stende des heiligen Reichs / auch
menniglichen zuschliessen / Ob der grundt dieser
sachen alleine auff einer einzelichen vñ vordecktis
gen Person vnbesonnener vñ vngegründeter nach
rede / vnd zweier Vbelthäter von jnen abgenötig
ter Vrgichten / siehe vnd haffte / Eintemal die
dinge nicht alleine durch des Graffen Person/
sondern auch durch Christoffen von Zetwitz / als
zweier vnbescholtener / wolbeglaubter Zeugen zu
erweisen / Welche beide jren bericht / nicht alleine
mit blossen worten ausgesagt / sondern zum off
tern widerholet / vnd mit eignen handschrifften
bekennet vnd gestellet / Vnd weil auch zweier
vbelthäter vrgichten / gütliche aussagen / vnd be
harliche bekentnisse darzu komen / So hat men
niglich zuerachten / das solche Beweis mehr dann
gnugsam vnd oberflüssig.

Vnd wiewol Grumbach vnuorschambt vor
geben darff / der vbeltheter Behem / sey jme gantz
vnbekant / vnd nie inn seinem Dienste gewesen /

So ist es doch mit lebendigen Leuten zu beweisen/
welche neben demselben Hans Behemen/etliche
Jahr bey Grumbachen gedienet haben/ vnd dem
Churfürsten / durch eine ansehnliche Person/
namhaft gemacht worden sein/ Gleiche
vntwarheit ist es / das er in seinen gedruckte schriff-
ten vorgiebet/der Churfürst habe desselben Hans
Behemen Bekentnis wider jnen/mit vnerhörter
marter erzwungen/ Dann es mit den Gerichts-
Personen/auffgerichteten Instrumenten/ vnd Ge-
zeugknüssen vieler ehrlicher Leutte / welche dar-
bey gewesen/genugsam dargethan/ das derselbe
vbeltheter/diebstals halben einkomen/ Vnd man
sich nicht hette treumen lassen/ das er Grumba-
chs diener oder bestelter mörder gewesen / Do ers
nicht unbefragt freywillig/vnd ehr dan man jnen
peinlich angegriffen/selbst gesagt vnd bekant het-
te.

Das Fegenspiel aber/das nemlich Hertzog
Johans Friedrich neben Grumbachen vñ andern
seinen blutdürstigen vnd vnsinnigen rathgeberem/
seinen eigenen Secretarien / Hans Rudolffen/
welcher des orths ober dreissig Jahr gedienet/
vormeinets vordachts halben/als ob er mit dem
Churfürsten zu Sachsen/vnd seiner Churf. G.
Rethen vnd Secretarien/gepracticiret/ gefeng-
lich einziehen/vñ ausdrücklich auff S. X. F. G.
vnd

vnd dero Kette peinlich befragen / vnd jemmerlich
zurmartern hat lassen / Das bezeuget die gantze
Stadt Gota / vnd des Secretariens Sone vnd
Vorkwanthen erbermliche Schrifften vnd Sup-
plicationen / Vnd hat aber Herzog Johans
Friedrich in solchem / so wol dem Secretarien / als
S. Churf. G. vnd deren Ketten / gewalt vnd
vnrecht gethan / Im betrachtung / das sich sein
Churf. G. nicht eigentlich zuerinnern / das Sie
Hans Rudolffen die zeit ires Lebens rechtschaf-
fen gekennet oder angeredt hetten / Es were dan
vngeschrlich vor 10. oder 12. Jahren auff Herzog
Johans Friedrichs ersten Beylager zu Weimar /
da man sein Churf. G. mit irer Harnischkammer
in seine Behausung einfurtret hat / geschehen / So
hat auch derselbe Secretarius / sein Churf. G.
oder dero Ketten vnd Secretarien / nicht alleine
nichts geoffenbaret / geschrieben oder zuerkennen
gegeben / das jme nicht gebüret / oder sein Churf.
G. zu gutem gereicht / wie es jme dann auch nie
zugemutet / Sondern viel mehr wider sein Churf.
G. na. gehandelt / weil er gewöniglich vor andern
Herzog Johans Friedrichs dienern / alle hefftig-
ge vnfreundliche vnd vngeschickte seines Herren
Brieffe mit eigener handt vnterzeichnet / Vnd
also einen sonderlichen widerwillen gegen Seiner
Churf. G. erweist hat.

Aber vber diß vnd nach zu mehrer bekrefftigung/hat Grumbach nauilicher zeit/Herzog Johans Friedrichen / eine entschuldigungs schrieffe vbergeben/die S. Churf. G. / von seiner F. G. zugeschickt / darinnen er bekennet / das er gegen Zetwizen / vnnnd viel andere / die wort von dem nachtrachten auff der Haarwiesen / one heil geredt. So schreibet auch Grumbach in einer andern vormenten entschuldigunge / diese wort / **D**o der Churfürst ihnen vnnnd seine gesellen / bey der Keyser. May. nicht auffsonen helfen / vnnnd von ihrer verfolgung nicht abstehen würde / So habe sich S. C. F. G. nichts gewissers zuorsehen / dann das man sich wider S. C. F. G. etwas solches vnterstehen werde / etc.

Nun weis man je wol / was solche vnd der gleichen Bekantnis / so in vbelthaten von dem miszhendlern selbst gescheen / vor krafft vnd wirkung haben / Nemlich / Ob gleich dieselben mit vmbstenden vnnnd Conditionen qualificirt / vordeckt vnd vormentelt werden / das doch die vnerwiesene

wiesene Qualiteten/Conditionen vnd vmbstehende daruon gethan/abgesondert/vnd die that als blos für sich/oue anhang lauter bekant/geachtet vñ auffgenommen wirdet/So wissen auch vorstendige Leute wol/was solche ausdrückliche bestrawungen auff sich tragen/vmnd was sie für vormutungen beschenes vñd künfftigen fürhaltens in sich halten.

Hierüber vnd ferner/hat sich bey dieser der Echter Receptation auch zugetragen/das in des Churfürsten Landen/zum offtern Raub vñd Nord begangen/S. Churf. S. vnd frembde vnderthanen geplündert/beraubet/vmnd auff den strassen vmbbracht seind worden/Die Echter aber eine gute zeitlang nicht haben betreten warden mügen/Bis durch schickung Gottes/eklich vñd sonderlich oberwenter Philips Plasse gefencklichen eingezogen/welche auff ire mitgesellen bekant/vnd sonst mehr beweis an tag komen ist/Vñd seind ekliche vnter denselben gewesen/so sonsten auch wider S. Churf. S. gehandelt/Welche sich alsbalt gegen Gota zu Herzog Johans Friederichen begeben/vmnd doselbst nur williglich auff vnd angenommen/vmnd iren sichern ab vnd zuzug gehabt/vnd noch haben.

Ob es sich aber mit den Vortregen vnd geschwornen Erbeinigungne / nach laut der obgesetzten Clausulen vorgleiche / darinnen klerlichen vorsehen / Das keiner des andern Feinde / Echter vnd Rauber / hausen oder hegen solle / Das stellet S. Churf. S. Röm. Key. May. Churfürsten / Fürsten / vnd allermenniglich zuermessen / anheim.

An diesem / vnd das sein F. S. den Churfürsten dermassen vbergeben / vñ dakegen die Echtere Rauber vnd Mörder / seinen Churf. S. zuwider gehaufet vnd geheget / S. Churf. S. aber anders nichts darwider gethan / dann das sie sein F. S. der Vortrege / Erbeynung vñ Erbuorbrüderung / freundlich vnd glimpfflich erinnert / vnd das ihenige bey S. F. S. der Reuber vnd Mörder halben gesucht / das Heyden vnd Türcken einander nicht zuvor / agen pflegen / Hat es sein F. S. auch nicht bewenden vñnd bleiben lassen / sondern / damit ja nichts an cufferster verfolgunge vñnd verkleinerunge S. Churf. S. Person mangelte / vnd was thatlich nicht gescheen können / mit schmesehrifften volbracht vnd geendet würde / So hat sein F. S. sein Churf. S. / wie zu anfang dieses Besichts gemeldet / in der antwort / welche sein F. S.
des

des Reichs gesandten zu Gota gegeben / vnd
dann in dem Aufschreiben an die Chur vnd Für-
sten / dessen Copen mit L. Hirben zubefinden / zum
beschwerlichsten vorleumbdet / Vnd nicht alleine
die Echtere wider des Reichs einhelliglich be-
schlossene vnd Publicirte Acht / vnd der Kay.
May. darauff erfolgte Peenal Mandata / als
sein F. G. Kethe vnd Diener (denen doch Kay.
May. / Churfürsten / Fürsten vnd Stende des
Reichs / Leib / Ehr vnd gut aberkant / vnd durch
die Publicirte Acht vnd Oberacht / menniglichem
erleubet / wider sie / ire leibe vnd gut zuhandlen)
vorantwortet / vorthedinget vnd zum tapffersten
entschuldiget / gelobet / vnd gleich als lebendige
Heiligen gepreiset / Sondern auch dorneben die
Kay. May. sampt dero Herrn Vatern / ganz
spöttlich / vnd des ganken Reichs Acht vorachts-
lich angezogen / Vnd in sonderheit den Churfür-
sten / als einen fürnemen wissentlichen förderer
vnd handhaber der Landfriedbrüchigen thaten /
vnd selbst Landfriedbrechern bezüchtiget / Vnd
mit solchen vnd vnerfindlichen Auflagen in die
Leute gebildet / Das / Wo S. Churf. G. der
dinge schuldig / dieselbe ires Fürstlichen herkom-
mens / vnd Churfürstlichen Standes / nicht al-
leine nicht würdig weren / sondern auch billich ein-
anders vordienet hetten.

E

Dieweil

Wieweil sich aber S. Churf. G. dessen allen
Gott lob rein vnd vnschuldig wissen / Vnd Her-
zog Johannis Friederich wider S. Churf. G. zu
ewigen zeiten / das wenigste Pünctlein dieses sei-
nes fürgebens nicht erweisen / noch S. Churf.
G. Fürsliche Ehre vñ guten namen / mit grunde
vnd bestande beschmitzen wird können / So erfor-
dert auch S. Churf. G. vnuormidenliche Ehren
notturfft / das sie auff solche Herzog Johans-
Friederichs Antwort / vñ derselben inhalt / souiel
S. Churf. G. Person betrifft / Vnd dann auch
auff sein F. G. gethanes schreiben / an die Chur
vnd Fürsten / hiermit vor der Kay. May. / Chur-
fürsten / Fürsten vñ Stenden des Reichs / In
der ganzen weiten Welt / sagen / das solchs Vn-
fürslich vnd vnerfindlich / wider S. Churf. G.
geschrieben / vñ außgebreitet / Vnd also S.
Churf. G. doran gewalt vnd vnrecht geschicht.

Vnd wiewol nit von nöten were / solchs stück-
weise auszuführen / Vñ das ihenige / so S.
Churf. G. von seiner F. G. zur vnbilligkeit zuge-
messen / zu widerlegen / Weil auß voriger erze-
lung gnußsam vnd augenscheinlich zubefinden /
Wie sich Herzog Johans Friederich zu Seiner
Churf. G. genötiget / vñ der geschwornen Erb-
einung vnd Vorträgen zuwider gehandelt / So
kñnnen

könnten doch S. Churf. G. nicht umgehen/ von
allen / so seine F. G. zu irer vund der Echter vor
meinten erdichten beschönunge vnd behelff / Aber
zu S. Churf. G. vnerfindlichen vorleumbdunge/
färgetwandt / einen kurtzen vnd warhafftigen Bes
richt zuthun.

Vnd anfanglich / das sein F. G. in der oft auß
gezogenen Antwort vnd andern schrifften / vnges
scheucht fürgeben dürffen / Die Acht sey wider
Grumbachen vnd seine gesellen / von S. Churf.
G. vund der Echter widerwertigen erpracticiret /
Vnd der Churfürst / habe sein F. G. in ganz bes
schwerliche vngnade / bey ihrer Kay. May. ge
bracht / Were wol zuuorwundern / das es mit des
nen Leuten auch so weit komen / das sie sich nicht
schemen / solche dinge zureden vnd zuschreiben / so
nicht allein Keyser / Königen / Churfürsten / Für
sten vnd Stenden / sondern auch dem Gemeinen
Mañ vnd aller Welt anders bewust / do man es
an jnen nun souiel Jar hero nicht gewonet.

Vnd ist dem Churfürsten / des Hauses zu
Sachsen ehre vnd herkomens halben / fürnem
lichen mehr bekümmerlich / Das S. Churf. G.
das erleben / vund in irem geschlechte erfahren ha
ben sollen / Das ein Fürst Sächsisch geblüts /
seines Fürsilichen Standes / so weit vergeffen /
das er sich mit vnd neben denen / so irer Ehren /

~~1613~~ vñ iedens vorläßig erkant / vnd vom gan-
gen heiligen Reich in die Acht erkleret / wider die
ordentliche Obrigkeit auffgelehnet / vnd sich ders-
selben Ehtere nicht anders als Eides vñ Stan-
des genossen angenommen / dieselben geehret vñnd
hochgesagt / Aber die Kay. May. vñnd alle seiner
F. G. Vortwante vbergeben / Sonderlich aber
den Churfürsten zu Sachsen / als seiner F. G.
Bluts vnd Erbeinungs vortwanten / zum höch-
sten gemehret / Vnd an S. Churf. G. wolherge-
brachten Fürstlichen namen vnd Leumut / one als
len grund vorlezt hat.

Wie es aber mit beratschlagung / von straff
der Auffrührer / Auffwiger vnd Landfriedbres-
cher / auff dem Reichstage zugegangen / Das wei-
set der Röm. Kay. May. beschehene Proposition /
darinnen ire Kay. May. der Churfürsten / Fürsten
vnd Stende Raht vñ gutbedäncken der Ehter /
vnd Landfriedbrüchigen Pländerung der Stad
Würzburg halben ausdrücklich / vnd mit stadt-
licher ausführung / begeret / augenscheinlich aus /
Vnd ist allen Stenden des Reichs / dem weni-
gen so wol als dem höchsten wissentlich / wie es
mit beratschlagunge der Acht ergangen / dieselbe
des Reichs gebrauch nach / aus einem Raht in
den andern referirt / vñnd endelich von allen
Stenden eintrechtiglich dermassen / wie sie Pub-
licirt /

Ueirt / bewilliget vnd beschlossen ist worden / So
weist es auch der Kay. May. erst Ausschreiben
des Reichstags an die Chur vnd Fürsten aus /
Was jr Kay. May. derhalben an jr Chur vnd F.
G. gelangen hat lassen.

Das nun Herzog Johans Friederich / mit
seinen ehrlichen Leuten / wie sie seine F. G. nennet /
der Kay. May. / den Churfürsten / Fürsten vnd
Stenden zumessen darff / Sie haben die Ache
nen selbst vnd irem vorigen erbieten vnd zusagen /
zu wider ergehen vnd erpracticiren lassen / Sol-
ches lest der Churfürst das heilig Reich vorant-
worten / Was S. Churf. G. derhalben auff der
Kay. May. Proposition / in Ketten vñ auff offe-
nem Reichstage gehandelt vnd mit bewilliget /
dessen tragen S. Churf. G. keinen schew / Vnd
wissen das sie doran irem Ampt vnd pflichten
nach / Christlich / auffrichtig vnd Fürslich ge-
handlet.

Es hat auch keines Practicirens bedorfft /
Weil der Landfriedbruch öffentlich für augen /
vnd Grumbach neben andern langst vor ange-
stalttem Reichstage / von der vorigen Kay. May.
in die Acht gethan gewesen / Vnd die vorletzten
vnd beschedigten Stende / die Kay. May. vmb
vornemerung der Acht vñ Execution derselben /
zum flelichstern ersucht vnd gebeten haben / Das

aber dem Churfürsten aufgelegt wirdet / S.
Churf. S. habe wider Herzog Johans Friederichen / bey der Kay. May. ganz geschwinde gefaheliche Practiken getrieben / vnd sein F. S. bey derselben / in beschwerliche vngnade gebracht / Ist ein lauter vngrund / Vnd wird sonderzweiffel / die Kay. May. wann es von nöten / seine Churf. S. derwegen selbst gnedigst entschuldigen vnd verantworten / Eintemal jr Kay. May. wissen / vnd seiner Churf. S. schriften dasselbe ausweisen / Welcher gestalt sich seine Churf. S. in der sachen vorhalten.

Vnd wiewol seine Churf. S. sich selbst zuerkünnern / Was sie dero Bettern vnd Vorwandten Blutsfreunden / zuthun set vldig / sich auch vngerümbt gegen Herzog Johans Friederichen vnd andern Chur vnd Fürsten / bishero dis fals aller gebür erzeigt haben / So wissen doch auch seine Churf. S. dargegen / das sie Gott vnd der hohen Oberkeit mehr vorpfflichtet / vnd sich wider dieselbe vmb Priuat / Vorwandtnüs oder Adfection willen / nicht setzen / sondern in deme jr Eide vnd pfflicht / damit sie der Kay. May. vnd dem Heiligen Reich verbunden / betrachten sollen / Wie dann auch jr Kay. May. in den Erbainigungen / vnd Erbuorbrüderungen ausgenommen / vnd Feinvorbündnüs wider dieselbe gelten sol / kan vñ mag.

Eouiel

Souiel dann die fernere beschwerliche anzles
hunge betrifft / das dem Churfürsten / von Hein-
richen von Staupitz seiner Churf. S. Diener / die
fürsichende Pländerung der Stadt Würzburg /
solle angezeigt / vnd seine Churf. S. derer dinge
wol zufrieden gewesen sein / ime auch glück vñ heil
darzu gewünscht / vnd alles gefallen haben las-
sen / Vnd es also zuuor vñ hernacher wol gewußt /
wissentlich vorhenget vnd beliebet habe / Darauff
sagen seine Churf. S. vor ire Person / das solches
auff seine Churf. S. mit lauterem vngrundt ge-
redet vnd geschrieben ist / Wolten sich auch gegen
Staupitzen / do er dessen gestände / Oder das er
es von seiner Churf. S. geredet oder geschrieben /
oberwiesen würde / gegen ihme mit solchem ernst
zuerzeigen wissen / das er S. Churf. S. vngnad
doran zuspüren / vnd andere darob ein abschew
haben solten.

Das es aber auch Staupitz / als er in legens-
wart der Durchlauchtigen Hochgebornen Für-
sten vnd Herren / Herrn Blichen / Herzogen zu
Meckelburgk / vnd Herren Ernstien / Herzogen
zu Braunschweig / auch vñeler vom Adel darumb
besprochen vnd zu reden gefaszt worden / nicht ge-
standen / Des zeuhet sich seine Churf. S. auff
hohermelte Fürsten / vnd dero vom Adel wissens-
schafft vnd gezeugnuß / Vnd dan auff die schrift-
liche

liche Antwort / so Staupitz seiner Churf. S. mit
N. signirt gegeben / Auch die Brieffe / welche er
an Herzog Johans Friederichen selbst / vnd dem
Echter Grumbachen zu zweymalen geschriben /
vnd sich entschuldiget / deren Copey mit N. hier
neben auch zubefinden / Vnd weil er in derselben
diese wort gebraucht / Wer mir solchs nach
sagt / der leuget vnd dichts mich an /
als ein Ehrnloser vnd verzweiffelter
Bösewicht / etc. So wird ein jeder Ehrlie-
bender wol wissen / Was er von dero angegebenen
vntwarhafftigen bezüchtigung seiner Churf. S.
Person / halten solle / Vñ sol ob Gott wil an seiner
Churf. S. zu keinen zeiten gespüret / vielweniger
mit grunde dar gethan werden / das sie an Lando
friedbrüchigen thaten / ein gefallen tragen / oder
dieselben wissentlich vorhengen / befördern vnd
anstifften sollen.

Das aber auch weiter dorgegebt / wie nicht allein
Grumbach / sondern auch vieler Chur vnd Für-
sten vnderthanen vñ Lehenleute / bey dem Bärk-
burgischem einmal gewesen / Solchs entschuldiget
Grumbachen vnd seine Mitechtere nicht / sondern
er ist souiel mehr sträfflich / Weil er nun viel Jar
hero / mit besondern fleis dahin getrachtet / Das
er die Zungen gesellen vom Adel vñ sonst andere /
mit

mit vorfleinerung der Obrigkeit / großem erbiten
vnd geschmierten worten / an sich gezogen / diesel-
ben vorfüret / vñnd zu seinen Landfriedbrüchigen
thaten / vnberuost der Obrigkeit / beredt vnd misz-
braucht hat.

Daher er dann auch als der anfinger vñnd
haupt Echter / neben denen / so gleichen gewalt mit
ime gehabt / andern zum abschew vñ exempel / vñnd
also zu erhaltunge des heiligen Reichs Hoheit
vñ gehorsam / Auch friedens / ruhe / disciplin / zucht
vnd erbarkeit / billich gestrafft wirdt.

Vnd haben andere / so sich solcher hendel be-
fließen / oder noch beflüssigen / gleiche straff vñnd
ernstes einsehen der Key. May. zuerwartē. Dara-
unter dann seine Churf. S. niemandes / auch die
shenigē nicht / so sich S. Churf. S. Lehenspflicht
oder Dienstes rümen / ausnemen / oder dem Reich
zufwider vorschonet wissen / Sondern der Key.
May. die straff der öffentlichen Landfriedbrecher
vnd Echter / so nicht bey irer Key. May. gebür-
lichen ausgesönet / heimstellen.

Hierumb Hertzog Johans Friedrich keine ver-
sach gehabt / den Churfürsten / durch S. F. S.
vngegründtes argwönigk einbilden vnd bezichti-
gen / bey der Key. May. vñ Stenden des Reichs /
zuuorunglimpfen vñnd vordächtig zumachen /

S Oder

Oder seiner F. G. unzimliche / obermächtige / ungeschorfam / vnd vorbrechungge gegen der Key. May. mit S. Churf. G. vormeinlich zubeschönen.

Aus was vorbittertem gemüte es aber geschehe / vnd wie S. F. G. die geschworne Erbeinigungge darunter bedacht / Das stellen S. Churf. G. Röm. Key. May. / Churfürsten / Fürsten / vnd sonst allen unpartenischen Ehrliebenden Leuten / zuermessen anheim.

Vnd wann S. Churf. G. gleich mit gleichzalen / vnd Herzog Johans Friedrichs Person vnd handlungen / wie dieselben qualificirt vnd geschaffen / an tag geben solte / Würde sein F. G. mit mehrern grunde allerley zuhören haben / das derselben wenig rühmblich.

Aber S. Churf. G. wollen ihrer selbst / vnd des Hauses zu Sachssen / darinnen verschonē / zc. Weil S. Churf. G. Gottlob wissen / das sie im ganzen Reich / anders dann Herzog Johans Friedrich dieselbe mit vngrundt bezichtiget / erkant vnd im werck befunden worden.

Es lest sich auch vielleicht Herzog Johans Friedrich bedüncken / S. F. G. haben dem Churfürsten / mit anziehung der handlung / so sich zwischen S. Churf. G. vnd dem Bischoffe zu Meissen / von wegen S. Churf. G. Lehennans vnd Dieners / Hansen von Karlewitz zugetragen / einen
treffen

treffentlichen sios gethan / vnd etwas sonderlichs
fürbracht / Dardurch S. F. G. vngbürlichen
Receptation / vndt der Echter Landtfriedbruch /
einen schein gemacht / vnd farbe angestrichen wor-
den / Vnd darff S. F. G. one scham setzen vnd sa-
gen / das der Einfall vnd Pländerung zu Würz-
burg / mit nichten ein Landtfriedbruch sey.

Aber was dasselbe anlanget / mag Herzog
Johans Friedrich wissen / das S. F. Gnad dem
Churfürsten zu keinem Vormänden gegeben / das
S. F. G. / S. Churf. G. ziel oder mas fürschrrei-
ben solte / Wie sie irer Landstende vnd Lehenleute
jrrungen vnd gebrechen / vortragen / vorgleichen /
vnd darinnen vrteilen oder weisunge thun solle /
Doher es dann auch nicht von nöten / an diesem
orte / vnd gegen den Reichs Etenden / von sachen /
die das Reich nichts angehen / viel wort zuuorlies-
ren.

Aber zu kurkem warhafftigen Bericht vnd
darthuung S. F. G. zugenöttigtē widerwillens /
ist es an deme / Das der Bischoff zu Meissen / mit
eklichen des Churfürsten Lehenleuten / eines Tes-
taments halben / so des Bischoffs Vorfar / einer
von Karlewitz / etwan Bischoff zu Meissen / auff-
gericht / Vñ S. Churf. G. vnderthanen / als sei-
nen Freunden / ekliche summen geldes bescheiden /
so inen der izige Bischoff / mit folgen lassen wollen /

in irrungē geraten/ Vnd seind gleichwol die dinge
so weit gereicht/ das auch ehliche thatliche begin-
nen mögen darüber ergangen sein.

Dieweil sich aber seiner Churf. G. vnder
thaner / Hans von Karlewitz zu Zuschendorff/
dieser sachen mehr dan die andern / denen das Le-
gatum im Testament gegeben/ vnterfangen vnd
angenomen/ auch dem Bischoffe etwas hart zu-
gefakt/ Ist dorauß erfolgt/ das die vorige Rō.
Key. May. Keyser Ferdinandus/ gedachte Hans
von Karlewitz/ durch ein Mandat aufferlegt/ die
eingenomene stück widerumb abzutreten/ Vnd
von wegen hinweg getriebenes Viehes/ vnd an-
derer zugefügter beschedigungē/ abtragē vnd wi-
derferungē zuthun/ Jedoch mit dieser angehen-
gen Clausula Justificatoria/ Wo er dessen nicht
schuldig zusein vormeinet/ vnd derhalben einige
erhebliche vrsachen fürzuvenden hette/ das er am
Keyserlichen Hofe/ vnd für irer Key. May. Presi-
denten vnd Hofe Rethen / erscheinen solte/ Die
vrsachen/ warumb er dem Mandat nicht zupari-
ren schuldig/ fürzubringen / Auch der sachen vnd
allen iren Terminen/ bis zu irer entschafft/ aus zu
warten.

Wie nun berurte sachen zwischen dem Bi-
schoff vñ dem von Karlewitz/ in einem solchen Pro-
cess gehangen/ vñ ehe es zu einiger ferner Citation
Ladung/

Ladung / Mandat / Inhibition oder dergleichen
gereicht / Ist ein Vortrag zwischen jnen beyden /
auffgerichtet / Vnd ist der Karlewitz in einige Ache
niemals gethan oder erklet worden / Sonder
die Key. May. hat den Proces wider Karlewitz /
auff des Bischoffs selbst ansuchen vnd bitten /
genzlichen fallen lassen.

Was aber die Person anlanget / so in der Key.
May. Landen / in einer namhafftigen Stadt / ei
nen Geistlichen gefangen / vñ auff einem Rutzsch
wagen weggefurt / Damit ist es also geschaffen /
Das S. Churf. G. vnderthaner / Georg vö Kar
lewitz genant / mit einem Thumbherren zu Budis
sen / eins Geistlichen Lehens halben streitig gewe
sen / Vnd als berurter Karlewitz / den Thumbher
ren gefangen vnd weggefurt / seind des Karle
witzens zwene diener / mit dem Thumbherren auff der
Rutzschen / in seiner Churf. G. Landen antreffen /
die diener gefencklichen angenommen / Auch in seiner
Churf. G. Ampt Radeberg / gelegt worden / Er
aber der Karlewitz ist domals entkōmen / vnd hat
nicht kōnnen antreffen / vnd zuhafften gebracht
werden /

Damit sich nun S. Churf. G.
in denen dingē also erzelgeten / damit zuempfinden /
das S. Churf. G. ober solchen hendeln kein ge
fallen trügen / haben sich S. Churf. G. gegen der

vorigen Key. Maieſtat Keyſer Ferdinando / nicht
allein erbotten / wider die gefangenen / Rechtmeſſi-
ge ſtraffergehen vnd volnſtrecken zu laſſen / Son-
dern haben auch dieſelbige auff der Key. May.
begeren / aus S. Churf. G. Landen / inn Behem
gefenecklichen führen / vberantworten vnd folgen
laſſen / Damit ire May. derſelbigen ſelbſt gefallen
nach / auff die vordiente ſtraff / wider dieſelbigen
Rechtmeſſig vnd ſchleunig / procediren vnd vor-
fahren mügen.

Als auch die Röm. Key. May. den flüchti-
gen Georgen von Karlewitz / damals in der Cron
Behem / vnd deren angehörigen Incorporirten
Erblanden / vnd nicht in des Römischen Reichs
Nacht erklet (wie dan auch die Nachts Mandata
nicht inn der Key. May. Reichs / ſondern Behe-
miſchen HoffCantzley vorfertiget vnd ausge-
en) haben ſein Churf. G. gleichwol denſelben /
nicht allein wiſſentlich oder öffentlich / in iren Lan-
den nicht geduldet / ſondern auch die Nachts erkle-
rung / in iren Stedten vnd Landen / auch an S.
Churf. G. Hofe / publiciren / vñ das Nachts Mand-
dat / an dem Thor S. Churf. G. Schloſſes / dar-
innen S. Churf. G. damals perſönlich geweſen /
vnd Hoſlager gehalten / anſchlagen / Auch ſich
auff ſeiner Freunde vnd anderer hitlichs anſuch-

en/nicht dahin bewegen lassen/das sie einige für
bitte vor ihnen thun wollen/ Das also sein
Churf. G. nicht wissen/was sie zu denen dingen
mehr thun sollen/ Inmassen dann auch die vorige
Keyserliche Manestat / mit S. Churf. G. ganz
wol zufrieden gewesen / Auch sich derentwegen/
vber S. Churf. G. mit dem geringsten/in schrifts
ten oder sonsten nicht beschwert/ Es ist aber
auch darstieder / vmbd noch bey leben der vorigen
Key. May. erfolgt / das derselbe Georg Karles
witz / auff ehliche mittel ist ausgesönet worden/
Dohet die Behemische Aecht/die sich dann laut
des Buchstabens/one das auff das heilige Rös
mische Reich/nicht erstrecket/ erlöschet/ Der
wegen S. Churf. G. ihnen auch seithero / vnd
noch/solcher Aufföhnung vmbd gefallener Aecht/
in iren Landen zudulden/so gros bedencken nicht
gehabt/ Sintemal er in der Key. May. Landen/
auch sicher vnd frey wandlet/vnd er von niemans
des derhalben mehr besprochen oder belanget
wirdet.

Das aber sein Churf. G. den Stolpen/so
etwan des Bischoffs zu Meissen gewesen / besitz
en/des haben sein Churf. G. Rechtmessige Tittel
vnd Ankunfft/ Vnd es belanget solcher handel/
diese des von Karlewitz sache gar nicht/ Ist auch
von

von derselbigen gencklichen abgesondert / Es helet
sich aber im grunde damit also / Als der Bis
schoff zu Meissen / durch beforderunge des Chur
fürsten / zu der Bischoflichen Dignitet komen / hat
er sich gegen seiner Churf. G. widerumb danck
barlich erboten / Sich auch inn sonderheit ecklicher
Punct vnd Artickel halben (die ime selbst vñ dem
Stift zu Meissen / nach itziger gelegenheit / mit
zum besten gereichen) aus seinem freien gutten
willen / mit eigenen handen vorschrieben / Solche
zusage hat der Bischoff bald nach erlangter Bi
schofflicher Wirde / in ecklichen Punctē / sonderlich
en auch in Religion sachen / durch viel hin vnd wi
der gesuchte ausflüchte / auffgezogen / auch in eck
lichen Artickeln / deren zuwider gehandelt. Deros
wegen sein Churf. G. nicht vmbgehen können /
inen derhalben mehr dan ein / gütlichen zuerin
nern / Auch lezlichen durch S. Churf. G. Kette /
nach aller notturfft bereden / vnd ihme allerley zu
gemüt führen zulassen / Darauff dann weiter er
folget / das der Bischoff ein vnbedechtiges schrei
ben / an S. Churf. G. gethan / darinnen er nicht
allein seine vorige zugesagte Artickel hinderziehen
vnd denselbigen nicht nachzukomen / sich erkleren
wollen / Sondern auch S. Churf. G. herter dan
sich gebüret / angezogen. Wie sich S. Churf. G.
aber hinwider in Schrifften vornemen lassen / das
sein

S. Churf. G. die gepürliche mittel anstellen vnd
fürnehmen würden/so nach gelegenheit vnnnd her
kommen dieser sachen/dienstlich vnnnd notwendig
sein möchten/ Als hat der Bischoff den Stols
pen selbst verlassen/daruon gezogen/vnnnd sich zu
der vorigen Key. May. begeben. Vñ nachdem er
der Key. May. allerley klagen/wider S. Churf.
G. einbracht/ Ihre May. aber als ein gerechter
Keyser/von S. Churf. G. ein legenbericht erfors
dert/Haben sein Churf. G. denselbigē irer May.
schriftlichen gethan/ Darauff hat ihre May.
kein hart oder ernst Mandat/Gebot/Inhibition/
oder vngnedige schreiben/darinnen sie S. Churf.
G. sachen/mit dem geringsten vnbillichten/son
dern allein eine ganz gnedige vorbit des Bischoffs
halben/an sein Churf. G. ausgehen lassen/ Wie
dann auch irer Key. May. zu vngnedigem mis
fallen/keine vrsache gegeben worden.

Hernacher ist auch weiter erfolgt/das ihre
May. dieser sachen wegen einen gesandten/Hans
von Schlieben/irer Key. May. Hauptman im
Oberlausitz / zu S. Churf. G. abgefertiget /
Welches werbungē ganz glimpfflich/auff eine zu
künfftige Handlung/die auff dem Reichstage für
zunemen/vñ auff etliche des Bischoffs demütige
liche erbietten/vnd der Key. May. gnedigste vor
bit/gerichtet gewesen.

Vnd als S. Churf. G. dogegen dem Gesandten eine schriftliche Antwort / darinnen sich seine Churf. G. auff des Bischoffs vormeinete klagen / vngeacht das dieselbige nicht mit vberschieft worden / nicht alleine gnugsam entschuldiget / sondern auch S. Churf. G. gemät / wessen die des Stifts halben gegen der Key. May. dem heiligen Reich / auch auff den Religion frieden gesinnet / vnderthenig vnd gebürlich erkleret / vbergeben vnd zustellen lassen / Der Gesandte auch solchs der Key. May. widerumb einbracht / Hat es die vorige Key. May. dabey wenden vñ bleiben lassen / Vnd S. Churf. G. in solchen sachen ferner nichts an gemuetet / vielweniger sonsten Mandiret oder auffserleget.

Wie aber der Bischoff seinen vnflug oder vngrund vormarckt / vñ sich selbst erkant / Hat er an S. Churf. G. Kethschickung gethan / sich zum demütigsten erboten / vnd sie vmb eine vorblt / bey S. Churf. G. einzulegen / ersucht.

Nachdem dann S. Churf. G. endlich darzu / von wegen des Bischoffs selbst demütig vnd freywillig bitten vnd erbieten / sich bewegen lassen / So ist dorauß erfolgt / das der Bischoff auff einen bestimmbten tag / aus der Key. Mayestat selbst Hofflager / darinnen er desselbigen mals gewesen /

zu .S. Churf. S. gegen Dresden komen / Vnd
als doselbst des Bischoffs vorschriebene vnd zus
gesagte Puncten vnd Artikel / für die handt ge
nommen / Ist die handlung lechlichen auff eine Aus
wechsellunge also gerichtet / Das der Bischoff
seiner Churf. S. das Ampt Stolpen vbergeben /
Dargegen sein Churf. S. ihme vnd dem Stifte /
viel städliche Dörffer / Forberge / Zins vnd Eina
kömen / im Ampt Mülbergk / neben beiden Sted
lein / eingercumet vnd geeigent / Vnd es hat im
Summa / der Bischoff vnd das Stifte / durch
solche Auswechsellunge / souiel / vnd fast mehr an
Gütern / Zinssen / Fröhnen / Nutzungen vnd ge
wissem Einkommen erlanget / als er hieueorn /
je zum Stolpen gehabt / oder dasselbige Ampt er
tragen mag.

Es ist auch der Bischoff mit solcher Aus
wechsellunge / ganz wol zufrieden vnd begnügig
gewesen / vnd darfür danck sagung gethan / Vnd
sich wider domals / noch auch darfieder jemals /
mit dem geringsten darüber nicht beklaget odes
beschweret.

So hat auch gemelter Bischoff / durch seine
sonderlich darzu vorordente Rethen / den Vnder
thanen des Ampts Stolpen / Eidt vnd pflicht
erlassen / Vñ dieselbige an sein Churf. S. gewisem /
Dergleichē haben sein Churf. S. es mit der ober

gebung vnd anweisung der Vnderthanen/hin
beiden Stedlein vñ Dörffern des Amptes Müls-
berg/ gegen ime vnd dem Stifte / auch halten las-
sen.

Es ist aber auch dabey nicht alleine blieben/
vnd diese auswechsselunge also durch anweisung
vnd huldigung der vnderthanen/ vñ mit auffrich-
tunge des Wechsselbrieffs / mit vnterschreibung
vnd besiegelung/ anderer mehr schriftlichen In-
strumenten vnd vorkunden/ Auctorisiret /solemnis-
firt vnd volnuzogen worden/ Sondern es hat das
ganze Capittel zu Meissen/ mit gnugsamer wiss-
schafft dieser sachen gelegenheit / vnd der Güt-
ter werden/ zustandes / nutzungen vñ einkommen/
vnd dorauß gehaltenem Rath/ darein Consentirt
vnd bewilliget/ In massen sie dann einen sonder-
lichen Consensbrieff/ darinnen die vrsachen solch-
er irer bewilligunge / städtlich vnd ausführlich ge-
sagt vnd einvortreibt / mit des Capittels Insigell
vorfertigen / vorsigeln / vnd seiner Churf. S. zu-
stellen lassen/ Wie solchs alles im fall der not-
turfft / allenthalben mit schriftlichen Vorkunden/
zubescheinen vnd darzuthun.

Darüber vnd noch zu mehrer bekräftigunge/
hat der Bischoff diese Auswechsselung/ an die vor-
rige Key. May. selbst auch gelangen lassen / Ire
May.

Majestat die handlung mit den umbstenden vnd
anziehung der vrsachen / genugsam berichtet /
Darbey hat es ire May. beruhen lassen / dieselbige
bey irem leben zum wenigisten nicht widerfochten/
noch den Churfürsten oder Bischoff / derenhalben
angezogen / oder sich in etwas beschwert / Der
gleichen ist von dieser itzigen Key. May. auch ge
sehen / Dann ire Majestat / noch auch das heilig
Reich / solche ding wider sein Churf. S. mit dem
geringsten nicht fechten oder streiten / Es ist auch
darzu keine vrsach vorhanden / Sintemal durch
solche handlung / der Key. May. vnd dem Reich /
gantz nichts entzogen noch benomen worden / son
dern alle gebürende Hoheiten / gehorsam / steuer /
vnd andere gerechtigkeiten / beide / S. Churf. S.
vnd des Bischoffs halben / ihrer May. vnd dem
heiligen Reich / vorbehalten sein / auch darvon ge
bürllich vnd gehorsamlich geleistet werden.

Aus dieser erzehlung / vnd gründlichen war
hafftigen Bericht / haben nun die Rō. Key. May.
Churfürsten / Fürsten vnd Stende des Reichs /
auch menniglich / vornänfftig zuermessen / mit
was grunde S. Churf. S. zugemessen wirdt /
Als solten sein Churf. S. den Stolpen / anderer
gestalt nicht / dann durch die ihenigen / so Seine
Churf. S. an irem Hofe halten / vnd den Bischoff
G iij . . . aus

aus zugenötigten Ursachen beuehdet / erlanget
haben / Dann wasergestalt sich die dinge zugetra-
gen / vnnnd wie Seiner Churf. S. der Stolpen
vom Bischoff selbst ausgewechßelt / angewie-
sen / vnnnd freywillig vbergeben worden / Solchs
es alles ist nicht alleine aus S. Churf. S. Be-
richt / sondern auch aus der Key. May. an S.
Churf. S. ausgegangenen Schrifften / Instruc-
tionē / auch aus des Bischoffs selbst Anweisung
Brieff / vñ des Capittels Consensen / Vollmäch-
ten / vnd andern / klerlich zubefinden.

Ferner so hat man doraus leichtlich zuschlies-
sen / Obes war sey / das S. Churf. S. diener / so
S. Churf. S. noch teglich am Hofe halten / vnd
mit S. Churf. S. auff diesem Reichstage gewes-
sen / nochmals in der Key. May. Acht sein / vnd
nichts destoweniger vnbefestiget vñ vnbdranget
bleiben / Dann das Hans von Karlewitz / so sich
mit dem Bischoff seiner eigenen sachen halben ein-
gelaßen / niemals in die Acht kōmen / vnd desselbi-
gen sachen alleine auff einer Citation vnd folgens
dem Proces gestanden / vnd gleichwol alsbaldt /
ehe der Proces vorfüret / vertragen worden / Be-
findet sich aus der Key. May. selbst eigener aus-
gegangener Citation / vnd andern darzu gehörig-
en Schrifften / So haben auch Key. May.
Chur vnnnd Fürsten / gleicher gestalt vernomen /
das

Das der Churfürst den andern Karlewitz / so den
Thumbherren von Budissen / auff dem Rutzsch
swagen wegt gefüret / zu der zeit als er in der Behe
mischen Aecht gewest / bey seiner Churf. G. nicht
auffgehalten / sondern die Aecht wider ihnen (auff
die zwischen der Cron Behem vnd Marggraff
thumb Meissen auffgerichtete Erbeinunge) öffent
lichen anschlagen / vnd anders wider seine Die
ner fürnehmen lassen / so S. Churf. G. dis fals
gebüret / Vnd weil die Aecht durch die Aussönung
niemals erloschen vnd gefallen / So mögen S.
Churf. G. je seinet halben nicht beschuldiget noch
angezogen werden / Wann er gleich iho inn seiner
Churf. G. dienst oder Landen angetroffen / oder
er auch auff diesem Reichstage / vnter S. Churf.
G. Hoffgesinde gewesen.

Zu diesem allem haben auch Key. May.
Chur vnd Fürsten / aus oberzeltem Bericht / gne
digst vñ freundlich zuuormercken / Ob S. Churf.
G. mit einigem bestande könne nachgesagt oder
auffgelegt werden / Das S. Churf. G. den Bis
choff zu dem Vortrag vnd Auswechffelunge ge
nötiget vnd gezwungen / Auch seine eingenomene
Lande / wie sie genant (welche doch noch nicht gar
ein ganz Amt sein) one widerstattung besitzen
vnd inne haben / Dann wasermassen der Bischoff
bey S. Churfürstlichen G. selbst ansuchē lassen /
Auch

Auch sich zu S. Churf. G. aus der Key. May. selbst Hofe begeben / Vnd mit was gutem willen vnd danck er die Auswechffelunge angenommen / S. Churf. G. den Stolpen selbst anweisen lassen / vnd den Consens von dem Capittel ausbracht / Solchs alles darff ferner keiner weiterer oder mehrern beweisung oder ausfärung / So ist auch der Bischoff noch diesen heutigen tag / ganz wol damit zufrieden.

Es vorwundert aber den Churfürsten nicht wenig / das eben Herzog Johans Friedrich zu Sachsen / so S. Churf. G. Blutsuorwandter vñ Anwartender Lehensfolger sein wil / die sachen / so der Part wider sein Churf. G. nicht sichtet / sondern damit wol begnügig ist / Vnd derwegen sein Churf. G. auch von der Key. May. vñ dem heiligen Reich / mit dem geringsten nicht belanget worden / wider S. Churf. G. aus sonderlichen angemassen widerwillen vnd one not / anziehen / vñ S. Churf. G. eins solchen beschuldigen mag / welches sie von der Key. May. vñ allen Stenden des Reichs / oberigk sein / Dessen S. Churf. G. auch niemandes mit einigem bestande oder grunde auflegen / vnd viel weniger wider sie erweisen oder darthun kan.

Vnd vielmehr befrembdet Hochgedachten
Churfürsten /

Churfürsten / vnd gehet S. Churf. G. nicht vnbillich zu gemüet vnd herzen / Das gedachte Herzog/diese seiner Churf. G. handlung/ die sie gegen der Kay. May. vorantwortet haben/auch nachmals gegen dem Reich vnd menniglichen/ vorantworten können /daruon er doch auch wider wort noch weise/ wider anfang / mittel noch ende weis/ Grumbachs Mörderischen Landfriedbrüchigen hochsträfflichen Achts sachen / vorgeleichen / vnd Seiner Churf. G. als weren sie mehr straffwürdig / des Grumbachs fürziehen darff/vngeachtet/wie auch Grumbach seine Eysde vnd pflicht wider seinen Lehenherren gebrochen/ Was er gestalt er auch die Mörderische that wider Bischoff Melchior angeifftet / vnd hernach den ganz beschwerlichen Landfriedbruch/ mit einnehmung vñ plünderung der Stad Würzburg/bezangen/Vnd derhalben nun zum andern mal von der Kay. May. vnd dem ganzen heiligen Römischen Reiche / mit einhelliger bewilligung aller Stende/in die Acht erkleret/ auch dardurch aller ehren entwehret/vnd in die höchste schande vnd vnehr gefakt worden.

Ein Churf. G. wollen aber diese vnd andere hochuorleßliche iniurien vnd schmach/ damit sie zur höchsten vnbilligkeit belegt worden/die Sie

2 auch

auch zu gemüt gezogen/gebürlichen zuehfern/ vnd
auff wege zugedencken wissen / so zu errettung
irer Churf. G. Fürstlichen Ehren / vnd wolher
gebrachten Leumuts vnd Namens/dienstlich/
notwendig vnd nachleszlich sein mögen. Vnd
hat zwar Herzog Johans Friedrich/ S. Churf.
G. bey den Leuthen zuuorunglimpffen/ im vor
dacht vnd nachrede zusetzen/ iho erst/ vñ mit dieser
Stolpischen sache/nicht angefangen/ Sondern
dasselbe in viel andere wege mehr erweistet/ Dana
er sich wol zuerinnern/das er im vorschienen 65.
Jare am 3. Aprilis/seiner Kette einen kegen Erf
furt geschickt / vnd dem ganzen Rath daselbst an
zeigen hat lassen/ Wie das er nicht alleine durch
gemein geschrey/sondern auch viel schriefften/be
richtet were/das der Churfürst im fürhaben/die
Stadt Erffurt in seinen gewalt zubringen/vnd
derselben mechtig zuwerden. Welchs er aber nur
aus der lufft gefangen/vñ also wider S. Churf.
G./die jr solches nie in sin genommen/ertichtet hat/
Wie solchs aus deme wol abzunemen/ Das ders
selbe Gesandte D. Heinrich Husanus/den Cres
denz/so er an Rath zu Erffurt gehabt/vñ offent
lich vorlesen lassen/nach gethaner seiner werbung/
widerumb von inen gefordert/vñ nicht hinter sich
hat lassen wollen.

Nachdem aber Herzog Johans Friederich
nicht

nicht new / solche ungegründte dinge zureden vnd
auszugeben / wie dan Churfürsten / Fürsten / vnd
sonst menniglich vnvorborgen / was er vorschie
ner zeit den Graffen zu Schwarzburg / ecklicher
ermordeten Franckösischen Gesandten halben /
so doch Gottlob noch am leben / öffentlich bezeich
tiget / So mus man dieses vnd anders / an sei
nen ort stellen / vnd redliche Leute / was darvon zu
halten / vrtheilen lassen.

Was dann zu Grumbachs vorantwortunge
mehr mit eingezogen / Als solte er dem Bischoff
vnd dem Stifte Würzburg nichts entzogen / vnd
alleine durch den auffgerichtten Vortrag / das sei
ne gesucht / begeret vnd erlanget haben / Item / das
der Bischoff selbst ober eckliche viel wochen / nach
einnemung der stadt Würzburg / mit wolbedäch
tigem muthe / mit städtlicher vorbetrachtung / vñ
gantz zeitigem vnüberaltem Rath / one einigen
zwangk oder drangk / den vorigen auffgerichtten
Vortrag vornwert / bestetiget vnd bekräftiget
habe / zc. Lassen S. Churf. G. die armen beraub
ten vnd geplünderten Leute / Edel vnd vnedel /
Mann vnd Weibs personen / Frauen vnd Junck
frauen / so bey zeit des Einfals in Würzburg ge
wesen / reden vnd besagen / wess das Stifte von
solchem Grumbachischen Landfriedbruch gebese

fert/ vnd ob es dardurch gereichert/ So ist es zwar auch aus des Bischoffs zu Würzburg auffschreiben/ welchs sein F. G. wider Grumbachen Publicirt/ wol zunemen / dorben S. Churf. B. es bleiben lassen/ Doneben haben ire Churf. B. aus bemeltem seines des Bischoffs zu Würzburg auffschreiben/ noch auch aus andern berichten/ so dem heiligen Reich oftmals fürbracht / niemals vorstanden/ das der itzige Bischoff in den Würzburgischen Vortrag bewilliget/ vielweniger denselben vornauert/ bestetiget vnd bekräftiget habe/ Seine Churf. B. aber lassen solches fürgeben / den Bischoff zu Würzburg selbst vorantworten / Tragen doch gleichwol doneben die fürsorg / es werde der Bischoff / deren vñ Grumbache angegebener wolbedächtigen muts / städtlichen vorbetrachtung / ganz zeitigen vnübereilten Raths / vornewerunge / bestetigung vnd bekräftigung / vnd also eins mit dem andern / nicht gestendig / vnd auff Grumbachs seiten die beweisunge / schwer vnd miszlich sein.

Weiter / vnd damit je nichts dohinden bleibe / vnd alle galle vom hertzen geschüttet / vnd wider den Churfürsten ausgegossen werde / So suchen sein F. G. alte vorglichene sachen herfür / so sich Anno zc. 47. in weiland Keyser Karls Kriegs / Expedition vnd obsigung / wider seiner F. G. Her-

ren Vater zugetragen/ Vnd verschonen ire F. G.
nicht alleine nicht des fromen löblichen Keyfers
Caroli / auch Keyfers Ferdinanden / beiden im
Gott ruhenden Keyser / vnd dann ißiger Kay.
May. auch Chur vnd Fürsten / so dozumal bey
der Niederlage / vnd auffgerichter Capitulation
gewesen / Sondern dürffen es auch vorgeszlich/
für eine vorrhäterliche erpracticirte Niederlage
vnd Capitulation anziehen / Do sich doch dieselbe
Niederlage / dem Kriegsgebrauch vnd herkom-
men nach / in offenem felde zugetragen / Vnd were
dazumal Herzog Johans Friederichen wol an-
gestanden / das er auff seines Herren Vattern
Leib besser / dann geschehen / gewartet / vnd sich
bey demselbigen finden hette lassen.

Welcher gestalt aber die Capitulation / durch
die Key. May. dozumal ganz gnedigst / auffrich-
tig vnd Keyserlich gemacht worden / Vnd Her-
zog Johans Friederichs Herr Vater / dieselbige
vnterschrieben vnd besiegelt / das weist dieselbige
aus.

Was dann die angezogene Brandschatzung
anlanget / so dazumal durch den Churfürsten /
im Lande zu Thüringen geschehen sein sol / helt es
sich damit also / Wie die Röm. Key. May. Her-
zog Johans Friederichen den Eltern gefangen /

vnd aus dem Veldt lager für die Bestung gegen
Wittenberg rucken wollen/ seind ihre May. den
sechsten tag nach der Niederlage / zu Domnatzsch
ankommen/ vnd doselbst Kriegs Rath gehalten/
Nachdem Thumbs hirn zur selbige zeit mit seinem
Kriegsuolck/ noch auff den beynen gewesen/ darzu
allerley rede vnd geschrey/ von Graff Albrechts
von Mansfelds fürhaben gegangen/ Auch vber
solchs alles/ Herzog Johans Friedrich der Mit-
ler / von seinem Herren Vatter aus dem Veldt / in
die Bestunge Wittenberg / vnd von dannen gegen
Gotha geflohen/ Herzog Johans Friedrichen des
Eltern Landtschafft / der Key. May. / noch auch
Churfürst Moritzen / nicht gehuldiget vnd vber-
geben gewesen/ Vnd man also nicht gewust/ wess
man sich vñ allen orten zubefaren haben möchte/
So ist bedacht/ vnd von der Key. vnd Kön. May.
selbst geschlossen worden/ das ein Kriegsuolck in
das Landt zu Döringen zuuorordnen/ so daselbst
auffachtunge haben vnd wehren solt/ damit derer
örter nicht etwan ein new Kriegsuolck zuhauff
lauffen/ vnd versamlet werden könte/ Solche
vorordnung / ist auch von der Key. May. selbst
angestellet vnd befohlen/ Vnd ist darzu der Chur-
fürst/ so one das im Lager mit gewesen / vnd neben
S. Churf. G. Otto von Diszkaw/ mit ecklichem
Kriegsuolck / auch der Key. Mayestat selbst eigen
Regiment/

Regiment / darüber Don Piro de Colonna / Key.
Commissarius / vñ Hans Walter von Hirnheim
Oberster / abgefertigt worden.

Es ist auch domals vnd zur zeit solcher abfer-
tigung / die Capitulation nicht allein nicht auff-
gericht / sondern auch daruon noch kein Tractat
oder handlung gepflogen worden / Vnd hat sich
vor Wittenberg drey ganzer wochen hernacher
verzogen / ehr berurte Capitulation behandelt /
bewilliget vnd beschlossen worden / Dannes sich
auch damit ein gute zeit auffgehalten / das die
Key. May. Herzog Johans Friedrichen des mit-
lern bewilligung / so inn der Bestung Gotha geles-
gen / auch erfordert.

Mittler zeit / seind S. Churf. S. mit dem
Kriegsuoelck / neben der Key. May. Obersten im
Landt zu Döringen / aus vorordnung vnd beuhe-
lich der Key. May. gelegen / vnd weil es an gelde
gemangelt / haben die geordenten zwene Obersten
Hans Walter von Hirnheim / vnd Diskaw / eine
Brandtschakunge angelegt / daruon wider Chur-
fürst Moritz seliger löblicher gedechtnis / noch
auch der itzige Churfürst / ganz nichts eingeno-
men oder bekommen / Sondern dasselbige ist zu be-
zalung des Kriegsuoelcks gebraucht.

Solche

Solche Brandschakung ist auch ekliche viel
tage / vor dem Beschlus der Capitulation / nicht
alleine angelegt / sondern eingemahnet / vnd zum
mehrern teil einbracht worden.

Als auch hernacher die Key. May. dem
Churfürsten die Capitulation zuerkennen ges
ben / Vnd S. Churf. S. abgefordert / Seit S.
Churf. S. neben den Obersten / vnd dem Kriegs
volck / alsbalde auffgebrochen / Vnd ist solcher
Abzug aus dem Lande Döringen vngesche
lich nicht ober drey tage nach dem dato der Capi
tulation geschehen / So gar nicht haben Seine
Churf. S. sich auff der Key. May. beföhlich / do
mit geseumet.

Aus diesem warhafftigen Bericht / so der
Churfürst auch noch heutigs tags / mit lebendis
gen Kriegsleuten / vund andern städtlichen anse
henlichen Personen zubeweisen hat / Ist nu kler
lich zubefinden / Das S. Churf. S. solchen zug
ins Land zu Döringen / nicht vor sich fürgen
men / sondern das derselbe durch die Key. May.
selbst beföhlen vnd verordnet worden / Inmassen
es dann auch irer May. sonderliche hohe not
turfft gewesen / Eintemal es der Key. May. das
zumal erachtens / an deme nicht genugsam war /
Das Herzog Johans Friederich der Elter ge
fangen genommen / sondern ire May. auch seiner
Landes

Landt gewisß sein / vnd dieselbigen in henden haben
wollen / ehe ihre May. mit dem Eltern Herren
Capitulieren ließen / Darzu auch ire Mayestat
deste mehr bewogen worden / die weil nicht allein
Thumbshirns Kriegsuolck / dozumal noch bey
einander / sondern auch noch etliche Fehnklein
Knechte / im Landt zu Döringen / darüber Georg
Kreiß Oberster / lagen / Welche dann nach der
Niderlage in die Bestung Gotha / rucketen.

Ferner erscheinet auch aus solchem allem /
das die verordnung berurts Kriegsuolcks / vnd
was darunter mehr ergangen / nicht nach der Ca-
pitulation / sondern ein gute zeit zuuorn angestel-
let vnd fürgenomen worden / Vnd das man nach
beschlossener vnd volnzogener Capitulation / als
balde auff der Key. May. befehlich abgezogen.

Mit was bestande kan dann dem Churfür-
sten / Herzog Johans Friedrich zumessen / das S.
Churf. G. zu der zeit / als seinem Herren Vatter
die Aufföhnunge begegnet / vnd die Capitulation
albereit auffgerichtet gewesen / vnd alle gnade /
fried vnd sicherheit / durchaus verkündiget / seine
des Herzog Johans friedrichs / vñ seiner Brüder
Landt vberzogen / vnd eine beschwerliche Brand-
schakunge / von ihnen solten genomen vnd abge-
drungen haben.

J Mit

Mit was vormessenheit/darff dem Churf.
auch bemelter Herzog aufflegen/ Als solten
S. Churf. G. solches der Key. May. Capitula-
tion/vnnd dem Landfrieden zuwider/fürgenom-
men vnnd gehandelt haben/ Do doch alles das/
was inn denen dingen ergangen/ durch die Key.
May. selbst befohlen/angeordnet vn̄ angestellet/
auch zum theil durch ihrer Key. May. selbst eigen
Kriegsuolck/vorrichtet worden/ Vnd do es auch
ihre Mayestat ein gute zeit für der Capitulation/
vnd zu auffrichtung vnd bestetigung des Landts
friedens/vnd keines weges denselbigen zuwider/
also notwendig schafften vnnd verordnen müß-
sen/ Es wirdt ihe menniglich/deme solche ding
fürkommen / one zweiffel sagen vnnd bekennen/
das solchs fürgeben nichts anders / dann eittel
vngegründte sachen sein/vn̄ lautere zündtigunge
auff sich tragen.

Vnd damit Key. May./Churfürsten/Für-
sten vnd Stende/auch menniglichen/solchs desto
mehr zuuormerken / So weis der Churfürst irer
Key. May. / Chur vnd F. G. / vnnd inen nicht
zuuorhalten / Das die dinge von der genommenen
Brandtschatzunge/jedoch auff eine andere form/
vnd mit mehrer bescheidenheit/von Herzog Jo-
hans Friedrichen dem eltern/inn die Liquidation
setze/

setze/so bey leben S. Churf. G. Bruder Herzog
Moritzen Churfürsten / für Keiser Carl hoch
löblicher vnd milder gedechtnus/einbracht/vnnd
von hochgedachtem Churfürst Moritzen/stadt
lichen vnd wol vorlegt sein/ Vnd das hernacher
die ganze Liquidation sache/darein dieser Punct
gehörig/welcher auch in der Naumburgischen
Handlung/von Herzog Johans Friedrichen dem
eltern/gebornen Churfürsten/vnter andern wi
derumb selbst erregt vnnd erwehnet / durch den
Naumburgischen Vortrag/so S. F. G. vnd dero
Söhne/vnd auch dieser itziger Herzog / mit seiner
Churf. G. auffgerichtet/genzlich vorglichen/vor
tragen vnnd auffgehoben ist/ mit diesen Worten/
Die Brandschagung vnd Stewer/so
einer in des andern Landen eingeno
men/auch die XLII. Tausent gül
den/so dem Weymarischen teil/nach
auffgerichter Capitulatio/abgeschagt
sein sollen/wollen Wir freundlich ge
gen einander fallē lassen. Wie kan dann
Herzog Johansfriedrich nuemehr darzu komen/
oder wie gebüret ime/solche vortragene vnd hin
gelegte sachen/den vorsigelten Vortragen zu ent
legen/widerumb zueysern vnd herfür zusuchen/
J ij vnd

vnd alle hohe beteurung vnd zusage / so in voln-
ziehung des Raumburgischen Vortrags ge-
braucht / in genzliches vorgessen zustellen.

Die weil aber diesem zuentgegen / Herzog
Johans Friedrich die vortragene Handel vnd ge-
heilte Bunden / wider ereiffert vnd Refricirt / So
gibt seine S. G. gnugsam an tag / was Keyserliche
Vortrage / Sigel / Brieff / vnd geschworne Erbei-
nigungen / bey denselbigen stadt haben vñ gelten /
Vnd lest sich darfür ansehen / als solten Captu-
lation vñ Vortrage / bey diesem Herzogen gleiche
wirckunge haben / vnd eins souiel als das ander
wollen gehalten werden / Dessen sich aber der
Churfürst billich nicht vorsehen sollen / Weil der
zwischen ihren Chur vnd S. G. auffgerichtete vor-
trag / nicht alleine durch S. F. G. Herren Bat-
tern / vnd S. F. G. selbst / auch beiderseits Land-
schafft / vnd anderer Chur vnd Fürsten / sondern
auch von Keyser Ferdinando / vnd Kön. Wirde zu
Denemarck / hochlöblicher vnd seliger gedecht-
nüs / gesiegelt vnd bestetiget worden.

Vber dieses alles / befindet der Churfürst
auch aus der den Reichs Gesandten gegebener
Antwort / vnd S. F. G. schreiben an die Chur vñ
Fürsten / auch den beygefügtten gedruckten Co-
pien eklicher schrifftten / so zwischen seinen Churf-
G. vnd seinen S. G. Grumbachs halben ergan-
gen /

gen/ Das sein F. G. seinen Churf. G. zumeffen/
wie das sein F. G. durch ehlicher vorruchten
Mißhändler abgeschreckte blosser vnnnd nichtige
Vrgichten / von S. Churf. G. beschmitzt wor-
den/ Vnd das S. Churf. G. ein schreiben an S.
F. G. gethan haben solle (so droben mit J. notirt/
angezogen) dorinnen S. Churf. G. inen auff der
beiden gefangenen Vrgichten beschuldige / als
das sie von S. F. G. auff seine Churf. G. diesel-
bige zuerschuessen / abgefertiget / Welchen Tittel
Herzog Johans Friedrich auff denselben Brieff
setzen/ vnd des Reichs Gesandten also zustellen
lassen/ Auch in dem oft gemeltem S. F. G. schrei-
ben/ an die Chur vnd Fürsten/ so den 18. Julij zu
Grimmenstein datirt/ sein Churf. G. deshalb
zum höchsten anziehen / vnnnd eudtlich dorauff be-
schliessen/ Das Ir Churf. G. / seinen F. G. nach
Ehren/ Leib/ Leben/ Landen vnd Leuthen trach-
ten. Wiewol nun alle/ so den mit J. signirten
des Churfürsten Brieff / doraus Herzog Jo-
hans Friedrich/ solche vnerfindliche auflage vnd
schmechung zuerzwingen / sich vnderstehet / lesen
oder hören lesen / befinden / das es lautter vn-
warheit/ vnd kein wort in solchem Brieffe ist/ dar-
durch S. F. G. derer dinge beschuldiget würde/
Sondern anfang/ mittel vñ ende desselben schrei-
bens/ auff die Echtere/ vnd dero Mörderische an-

schlege wider S. Churf. G. gehet / vnnnd die blee
alleine dohin gerichtet ist / das sich Herzog Jo-
hans Friedrich / der geschwornen Erbeynunge
erinnern / S. Churf. G. vielfaltigen suchungen /
stadt geben / vnd die Echtere / des Reichs Abschie-
de / Key. May. Mandaten / vnd der Erbeynunge
zuwider / nicht hausen oder hegen wolte. Dohero
dann menniglich abzunemen vnnnd zu vrtheilen /
Ob der Churfürst mit solchem Brieffe verurachs-
et oder verschuldet / das S. Churf. G. von ihrem
so nahen Blutsfreunde / so vorgeszlich vñ Ehren-
rürigk angetastet / vnd durch ganz Deutschlande
geschmehet werden / Vnd nicht vielmehr vnleugk-
bar ist / das S. Churf. G. solches zur höchsten
vnbilligkeit / vnschuld / vnd mit vngrund zugemes-
sen / Das es also wol gar vnnötigt / S. F. G.
vnfug vnd heffig gemüt gegen dem Churfürsten /
ferner zubeweisen vnd darzuthun / So wollen
doch Key. May. / Chur vnd Fürsten / vnd weine
diese seiner Churf. G. Antwort fürkommet / gne-
digst / freundlich vñ eigentlich berichtet sein / Das
der Churfürst bald nach obberurtem freundlich-
em Brieffe / noch ein schreiben an Herzog Johans
Friedrichen ausgehen lassen / welches den dritten
Julij datirt / vnnnd droben mit R. gemerckt / auch
angezogen ist / Im welchem S. Churf. G. / S.
F. G. ganz freundlich vnd Bitterlich entschul-
digen /

digen/ vnd doneben Copyen dreyer Instrumens-
zirten Brgichten/ wie die hierneben/ Numero 5.
6. 7. signirt sein/ überschicken / vnd S. F. G.
trauherziglich vnd freundlich zuerkennen geben/
wie sie auff Reuocation des einen gefangenen
Auffage / so S. F. G. anfechtlich mitgemeldet/
dringen/ vnd die warheit zuerkündigen/ fleis an-
wenden lassen / Damit niemandes / sonderlich
aber S. F. G. wider billigkeit nicht beschwert
würde/ Disz Schreiben hat Herzog Jo-
hans Friedrich etliche tage zuuorn/ vnd ehe dann
S. F. G. den Reichsgesandten die Antwort ge-
geben/ empfangen/ Wie solchs S. F. G. eigener
Brieff/ vnd beyuorwarth Bekentnüs/ mit D.
notirt / ausweisen / Darinnen S. F. G. / seinen
Churf. G. der vorberurten empfangenen schrieffe
bekentlich/ Vnd darneben die fröliche Geburt S.
F. G. Gemahls/ mit angemeldet.

Als aber S. F. G. hernacher/ vnd erst den
zwelfften Julij / den Abgesandten die Antwort
gegeben/ vnd Copien des Churfürsten Brieffs
zugestellt/ Haben S. F. G. ihnen das vorberure
letzt schreiben mit R. ganz vnd gar vorschwiegen/
auch den Chur vnd Fürsten / bey welchen sein
Churf. G. dermassen vorunglimpffe / nicht mit
überschickt/ Vnd also wider S. F. G. eigen gewis-
sen / S. Churf. G. mit solchen vnerfindlichem
erdichteten

erdichteten fürgeben/als ob S. Churf. G. ihme nach Ehr/Leib vnd Leben trachtete/vnd mit fürseßlicher vorschweigung vnd hinderhaltung S. Churf. G. Brieffe/wie obberurt/vorleumbdet vñ ausgetragen.

Ob nun solchs Betterlich gehandelt/vnd ob die geschworne Erbenigung/von S. F. G. in deme allem/vnd sonderlich/das er die Echter/Rauber vnd Mörder/wissentlich gehauset vnd geheget/S. Churf. G. in dero Antwort/so vielfaltig an ihren Fürslichen Ehren vnd Wirden vorlezt/gehalten/Auch der Churfürst nicht zu andern fürnehmen/gnugsame billiche vrsache hette/Jm deme kan S. Churf. G. der Röm. Key. May./aller Chur vnd Fürsten/vnd sonstien menschlichen Ehrliebendes vrtail leiden.

Souiel müssen aber S. Churf. G. voraus schliessen/wolten es auch also darfür haltē/Weil S. Churf. G. Herzog Johans Friedrichen / zu solcher vnerhorten zunötigung vnd vorleumbdunge/gantz vnd gar keine vrsach gegeben/Sondern sich alles freundlichen Betterlichen willens/gegen ihme vorhalten/Er aber dogegen von anfang der Vortrege/vnd in sonderheit / durch die newlich zu Gotha gegebene Antwort/erdichtete Reden vnd Schrifften/vnter die Leute gesprengt/so S. Churf. G. zu schimpff/hohn vnd vorweis

wels gereichen/ Vnnd darüber S. Churf. S. ob
berurte freundliche auffrichtige vnd Brüderliche
Brieffe/eins teils vnrecht vnnnd wider den hellen
Buchstaben/gedeutet vnnnd ausgelegt/eins teils
aber des Reichs Gesandten verschwiegen/vnnnd
hinderhalten hat/ Das S. F. S. die auffgerichte/
vnd durch Keyser/ Könige/ Chur vnnnd Fürsten/
vnd beiderseits Landtschafften/ vnterscriebene
vnd besiegelte Vortrege/vnd geschworne Erben-
nigunge/wider S. Churf. S. gebrochen/ Vnnnd
S. Churf. S. wider Recht vnd alle billigkeit/nes-
ben den Ehtern der zugemessenen Ehrenrürigen
beziehung halben/in allen vnd jeden obaus-
gesurten Puncten/vngebührlich geschmecht/vnnnd
mit höchstem vngrunde angetichttet habe.

Das nun solche Herzog Johans Friederichs
vnergründte vñ ertichte beziehung/ durch diese
S. Churf. S. vntwidersprechliche Defension
Scriefft/vnd angezogene beständige Vrkunden/
vberflüssig abgelehnet/vnd S. F. S. vn fug/mehe
dann gnugsam erweist vnd bescheinet ist/ Das
haben Key. May. / Churfürsten / Fürsten vnnnd
Etende/aus deme/so hiebenorn aufführlich dar-
gethan/vnd S. Churf. S. alhie zuwiderholen/
nicht vmbgehen können/gnedigst/freundlich/vnd
vornünftiglich zuschliessen.

R Erslich

Erstlich/das der Buchstabe der angezogenen
Vortrage/Erbeynung und Erbuorbrüderunge/
klar und un widersprechlich ist/ Das kein
Chur oder Fürst/in der Erbeynung
benant/die Echter und Rauber/ bey
sich auffhalten/hausen oder hegen sol-
le/ Ja keiner des andern Diener/so in
vnwillen von seinem Herren geschei-
den/bestellen/ oder in seinen Dienst
annemen solle/etc. Welchem aber zulegen/
vnd fürnemlich der Key. May. vnd dem ganken
Reich zuwider/ Herzog Johans Friedrich/ den
Echter Grumbachen/sampt seinen Adherenten/
gehauset/geheget/vorthedinget vn gehandhabt/
Die Rauber/Mörder vnd andere/so nicht allei-
ne inn vnd aussershalb S. Churf. G. Landtgre-
niz/die Reisenden beraubet/ermordet/ vnd wegk
gefurt/Sondern auch ihrer Churf. G. Person
Landen vnd Leuten/ feindlich nachgetrachtet/
zum teil in S. F. G. dienst bestellen/ zum teil den
selben/einen freien sichern auffritt zu Gotha/ge-
stattet/vnd sie in schutz vnd schirm genomen/vnd
auff beschehenes ersuchen/die Echter in keine haffe
oder gefencknis nehmen/ vnd Justicia wider sie
nicht Administriren wollen/Vnd kan S. Churf.
G. nicht

S. nicht umbgehen (wiewol mit schmerken) an
diesem orte zumelden / das Herzog Johans Fried-
rich / der nahen Blutuorwandnis / vund mehr-
gedachten Brüderlichen Eynung zuwider / den
flüchtigen obgenanten Holzförster / Georg Tü-
bel (daruon fast im ganzen Reich das geschrey
erschollen / als ob er Sein Churfürsilich S. / auff
der Heyden erschossen / Derhalben dann der
mehrertheil Chur vund Fürsten / auch Nuslen-
discher Potentaten / als Hispanien / Franckreich /
vnd andere / so S. Churfürsilichen Gnaden vor-
swandt sein vnd guts gümnen / an sein Churf. S.
gantz freundlich vnd mitleidenlich geschrieben)
zu sich gegen Gotha genommen / vund eine lange
zeit vnderhalten / Auch (wie er iho selbst bekennen
sol) durch Grumbachen dohin ermahnet vnd ers-
sucht worden / Das er sich zu fahung oder ente-
leibung des Churfürsten / gebrauchen lassen wol-
te / Vund als er sich dessen zu vnterfangen gewei-
gert / er dermassen bey ihnen verhasset worden /
das er seines leibs vund lebens nicht sicher sein /
vnd alsbaldt von dannen fliehen müssen.

Wie freundlich / Vetterlich / vnd rhümblich /
S. F. S. hieran gehandelt / das lest der Churf.
S. F. S. / wann sie einmals zu sich selbst komen /
sagen vnd vorantworten / Das es aber also er-
R ij gangen/

gangen/solches ist Chur vnd Fürsten/ Adelichen
vnd andern Personen/so denselben Holtzförster/
Georg Tübeln/zu Gotha gesehen/mit imre geredt
vnd vmbgangen/vnnd obgemelter sachen/guten
berichte haben/wissenschaftlich/Kan vñ sol auch im fall
der not/mit noch weitern Brkunden/bescheinnet
vnd dargethan werden/ Vnd wirdt aus diesem
menniglichen zuschliessen haben/wie vñ S. F. S.
die obgesakte Wort/der Erbeynunge/bedacht vñ
gehalten sein/Nemlich/ Wir schweren vnd
geloben/das Wir/vnserer Erben vnd
Nachkommen/alle vnserer lebtage/ein-
ander Brüderlich vñ freundlich mei-
nen/ehren/fördern/verantworten/
Vnd einer des andern schaden war-
nen/vnd sein bestes mit Worten vnd
Wercken/getreulich fürnemen/auch
einander treulich/mit Leib vnd Gut/
Landen vñnd Leutten/beholffen sein
sollen.

Der Churfürst zu Sachsen/wüste dieses
alles/wie es an ihme selbst geschaffen/wider Her-
zogen Johans Friedrichen/viel höher anzuziehen/
Eintemal

Sintemal meniglich aus seiner Antwort/ vnd an die Chur vnd Fürsten ausgegangenen Brieuen/ sihet/ wie schimpflich/ verächtlich/ vnd Ehrrenrürig / S. F. G. den Churfürsten antastet / vñ nicht allein als einen Landtfriedbrecher/ vorgeschlich anzeuhet / sondern auch S. Churf. G. das sie viel erger vnd vbelere/ dann die Echter gehandelt/ vnd der Echter/ als ehrlicher Leuth sachen/ keinen tadel oder mangel haben sollen/ vngescheuet / aber doch vnwarhafftigt vnd felschlich bezichtiget.

Dieweil aber S. Churf. G. ihr einmal fürgesagt/ des Hauses zu Sachsen hierunter zuuerschonen/ Sonderlich/ weil sichs doch alles selbst straffet/ vnd sonderzweiffel alle ehrliebende Leute/ ob Herzog Johans Friederichs begünstigunge/ dis/ als ein abschew tragen/ So wollen es auch S. Churf. G. darben beruhen/ vnd den Buchstaben / der Vortrage vnd geschwornen Erbennung/ reden vnd besagen lassen/ Wie sich Herzog Hans Friederichs Handlungen / so aller Welle vor augen stehen/ mit denselben reimen vnd übereinstimmen.

Ferner vnd zum andern/ So befinden Key. May. auch Chur vñ Fürsten/ welcher gestalt Herzog Johans Friederich/ nicht alleine auff dissmal/ vnd durch die zum offtern angezogene Ant-

wort/wider die geschworne Erbeinung gehandelt/
Sondern von anfang/ vnd sieder den auffgerich-
ten Vortregen/nicht vnterlassen/ S. Churf. G.
Person / Lande / Kirchen vnnnd Schulen/ durch
Geisliche vnd Weltliche darzu bestelte vorleumb-
der / zuschmechen / vnnnd endelichen die ihenige inn
offentliche dienstbestallunge/ schutz vnnnd schirm/
an vnd auffzunehmen/die sich eins theils bey S.
Churf. G. vorschaltet / vnnnd von wegen schul-
den/geübtes Raubs vnd Mords/flüchtig wor-
den/Eins theils durch die Key. Mayestat/vnd das
ganze Reich/in die Acht vnd Oberacht/erklereet
sein.

Es befinden auch hieraus alle Hohes vnd
Niedern Standes vnpartheyische ehrliche Leute/
das seinen Churf. G. an der vnerfindlichen auff-
lage/als ob die auff jüngstem Reichstage einhel-
liglich beschlossene Achtserklerung vnnnd anders/
durch S. Churf. G. erpracticirt / vnnnd Herzog
Johans Friedrichen bey der Keyserlichen Mayes-
tat / in beschwerliche vngnade gebracht (dessen
die Keyserliche Mayestat / S. Churf. G. selbst
entschuldigen wirdt) gewalt vñ vnrecht geschehe.

Das es auch ein lauter erdichter vngrunde
sey/Was seinen Churf. G. Staupitzs halben zu
gemessen.

Des

Des gleichen / was des Bischoffs zu Meissen
vnd beider von Karlewitze halben / wider Sein
Churf. G. ist fürbracht / vndd vielmehr / was der
vormeynten Landtfriedbrüchigen Brandtschaks-
ung halben / vorgeszlich auff die ban gebracht vnd
angezogen worden.

In sonderheit aber ist durch diesen beständig-
gen Bericht / gnugsam erweist vndd dargethan /
das Herzog Johans Friedrich den Churfürsten
one grundt vñ warheit bezichtigt / vnd bey Chur
vnd Fürsten ausgetragen / Als ob S. Churf. G.
seiner F. G. nach Ehr / Leib / Leben / Landen vndd
Leutten getrachtet.

Dann ob wol S. F. G. dasselbig / aus des
Churfürsten schreiben / mit J. notirt / darinnen
etlicher gefangenen vorgichten meldung geschicht /
zuerzwingen sich vnderstanden / So ist doch dar-
von kein Wort / welches dasselbe meldete oder mit
sich brechte / in demselben schreiben zubefinden /
Kan vnd mag auch wider den hellen Buchstaben
(welcher sich ausdrücklich auff die Echter zeu-
het / vnd S. F. G. derselben Echter halben alleine
auff die Erbeynigunge erinnert) von niemandes
dohin gezogen oder gedeutet werden / Sintemal
es auff die vorigen Brieffe / vndd also im anfang /
mittel vnd ende / allein auff die Erbeynigunge des
Reichs Landfrieden / vnd der Echter mörderische
anschlege

anschlege wider S. Churf. G. / dero sie durch des
Graffen vnd Zedwizen aussage / vnd dann die In-
strumentirten vrgichten / vberzeuget / vñ gar nicht
auff Hertzog Johans Friederichs Person gerich-
tet ist.

Vnd das souielmehr / Weil das nechst vob-
gent S. Churf. G. schreiben / so am dritten Julij
datirt / vnd mit R. signirt / klerlichen ausweistet /
Das S. Churf. G. Hertzog Johans Friederichen
nicht alleine nichts beschwerliches zugemessen /
sondern auch S. F. G. person / zum freundlichsten
entschuldiget hat / vngeachtet / das S. Churf. G.
nach gestalter sachen / vñd von wegen des / das
Hertzog Johans Friedrich die Echter / vnd seiner
Churf G. feinde / dermassen wissentlich gehauset
vnd geheget / wol ein anders gedencfen vnd sagen
mögen.

Warumb aber Hertzog Johans Friedrich /
vber solchs den Churfürsten / mit erdichtē falsch-
en deuttungen beschweret / vñd das obbemelt
ganz Vetterlich vñd freundlich schreiben / neben
den andern Brieffen / dazumal nicht an tag bra-
cht / den Reichs Gesandten vorschwiegen / Auch
den Chur vñd Fürsten selbst nicht zugeschickt /
oder den Gesandten gegeben / sondern hinderhal-
ten vnd vnterdrueckt hat / Ist leichtlich zuerachten /
Aber es ist S. F. G. dasselbe so wenig als das
ander /

ander/das S. F. G. den Reichs gesandte/ekliche
zu Gotha erdichtete Zeitungen/gleich als weren
sie von Magdeburg geschrieben/vñ erhielten sich
in warheit also/beybracht/zu keinen zeitten zu vor
antworten.

Dann welcher gestalt die beyde vbelthäter/
auff ihrem bekantnis/bis in todt bestanden/Br
theil vnd Recht dorauß ergangen/vnd exequirt
worden/Das weisen die Gerichts Acta/vnd offtz
gedachte Instrumenta aus/ Vñnd haben es viel
hundert Menschen gesehen vnd gehort/ Derhal
ben auch alles das ihenige/was deme zuwider/in
Herzog Johans Friedrichs Antwort gesagt/ein
blosses vnerfindlichs fúrgeben ist/Welchs S. F.
G. neben den Echtern/zu irem glimpff vñnd ent
schuldigung dessen/so die Echtere mehr dan ober
flüssig uberzeuget sein/erdacht/ Vñnd ist wol zus
uorwundern/das der Echter Grumbach/von
S. F. G. dermassen one scham verantwortet vnd
entschuldiget wirdt;/ Do doch Grumbach selbst
nicht in abrede ist/Das er legen Christoffen von
Zedwitz/des Mörderischen Anschlags wider den
Churfürsten/wie obberurt/gedacht/Vñnd wie
Key. May./Chur vnd Fürsten/aus beyuorwars
ter Copen seines schreibens/mit P. zuerschen.

Vnd wievol er zu beschönunge seines Mör
derischen

derischen fürhabens / fürgibt / das ime Zeitungen
von des Churfürsten Steckbrieffen einkommen /
doher er darzu verursachet / So straffe sich doch
dieselbige Grumbachs vnuerschembte lügē / durch
das Datum der Steckbrieffe / welche fast zwey
Jar hernacher / do der Echter mit denen anschle-
gen vmbgangen / vndt 160 erst nach geendetem
Reichstage / als der Churfürst hinter die schelmes-
ren kommen / ausgegangen sein / Dessen sich S.
Churf. G. auff alle Chur vnd Fürsten / welche
der behaffts oder steckbrieffe halben ersucht / oder
denen die zukomen / referiren vnd beruffen thut.

Das aber Grumbach nicht allein von sol-
chen Mörderischen anschlegen / wider Chur vnd
Fürsten zureden / sondern auch dieselben ins werck
zurichten pflegt / das ist aus dem Exempel des er-
mordeten Bischoffs zu Würzburg / offenbar /
Vnd haben Key. May. / Chur vnd Fürsten / dies-
sen dingen / gnedigst vnd freundlich nachzudenck-
en / Wie des Graffen zu Schwarzburg / vñ Zed-
wizen Aussage / vnd dann die dor auff erfolgte be-
stallung des geulerteilten vbelthäters / Hansen
Behems / auff einander gehen vnd vber ein stim-
men / Nemlich / das er für vnd für in den gedanck-
en vnd vorsatz gestanden / Nicht alleine zwischen
den Chur vñ Fürsten des Hauses zu Sachsen /
schedlichs misstrawen vndt vneinigkeite / auch
endlich

endlich ein Blutbad anzustiften/ Darumb ehr
sich dann zu Herzog Johans Friedrichen gefun-
den/ vnd gedacht/ den KautenKranz im Hause
zu Sachsen/ wie für Taren den Roten Adler im
Landt zu Francken/ seinem rhämen nach/ zuze-
reiffen/ sondern auch in entstehunge desselben/ dem
Churfürsten zu Sachsen/ nach Leib/ Leben/
Länden vnd Leuten/ zutrachten/ Darzu er dann
alle mittel gebraucht/ vnd nichts vnterlassen/ so
zu beschwerlicher nachrede/ vorunglimpffüg vnd
vorkleinerung seiner Churf. G. Person/ sonder-
lich bey denen vom Adel/ gericthen mügen/ Alles
zu dem ende/ wann er neben seiner meuchlischen
Blutrotte/ ihre Churf. G. mit giftigen verleum-
mungen vñ lügen/ bey jedermenniglich vorhasset
gemacht/ Das er alsdann die gelegenheit erschen/
vñ mit hülff der jenigen vom Adel/ so er mit listi-
gen vnd geschmirten guten worten vñ zeuberische-
en vorblendung/ an sich gezogen/ an seiner Churf.
G. Länden vnd Leuten/ seinen auffrürischen mut
fülen/ vnd alsdann ferner den auffstandt des A-
dels wider die Fürsten/ darzu er von jugent auff
geflissen/ ins werck richten wolte/ Wie solchs
seine Schrifften/ so er an die Key. May. Chur-
vnd Fürsten/ auff den Reichs vnd deputacion
Tägen/ gethan/ dorinn er sich auff ekliche Taus-
sent vom Adel/ so es mit ime halten/ berufft/ aus-

weisen/ vñ es endlich schier so weit gebracht hat/
Das sonderlich Junge Leutte vom Adel/ lieber
Gott/ die Obrigkeit/ ihre Lehen vnd Landes Für-
sten/ erzürnen vñd übergeben/ dann wider ihren
Alten/ wie sie ihn nennen/ handeln wolten/ Da-
her dann auch erfolget / das er zu plünderung
der Stadt Würzburgk/ sowiel ehrlicher frommer
Leutte vom Adel Kinder / vñd Junge vnerfarne
gesellen/ beredt vnd vermocht/ Auch ehliche dar-
durch vmb Leib vñd Leben/ Ehr vñd Gut/ ge-
bracht hat.

Was er auch mit denselben/ in zugestandes-
ner gefahr/ vor mitleiden gehabt/ vñd wie er inen
gelohnet/ das hat die erfahrung gegeben.

Anderer des Ehters Grumbachs tugenden/
dormit er von seiner Kindheit auff gezieret gewe-
sen/ seind durch den Bischoff zu Würzburgk/ vñd
die in Druck publicirte Schrifften/ genugsam an-
tag gegeben/ Welcher gestalt er aber in sonderheit
Herzog Johans Friedrichen / wider den Chur-
fürsten zu Sachssen vorhetzet/ vñd einen grossen
Herren/ aus S. F. G. zumache/ Auch des Chur-
fürsten Lande vñd Leute/ inwendig gewisser vñd
namhafften bestimbtten zeit/ one schwerdtzug/ in
S. F. G. gewalt zubringen/ vertröstet/ Das ist
vielen ehrlichen Leuten bewust/ vñd wirt zu seiner
zeit/

zeit / wol weitter offenbar werden.

Vnd wiewol er alle seine Landfriedbrüchige
miszhandlungen / mit den Diensten / so er Marg-
graff Albrechten zu Brandenburgt geleistet / zus
beschöner vnd zuentschuldigen / vnd seine tapffere
thaten / zurhümen pffleget / So hat doch das ende
wol ausgeweiset / was Marggraff Albrecht / sei-
ner dienste gebessert gewesen / Man geschweiget /
wie beschwerlich S. F. G. selbst offemals von ime
geredt hat / Vnd möchten noch redliche Leute zus
finden vnnnd vorzustellen sein / denen bewust / das
kein Mensch Marggraff Albrechts Todt / mehr
vnd höher erfrewet gewesen ist / als eben der Eho-
ter Grumbach / Welchs ihnen dann sein eigen ge-
wissen / do er dessen ein fücklein hette / selbst vber-
zeuget.

Wann es nun umb dieses alles dermassen
geschaffen / So stellen S. Churf. G. gar in keinen
zweiffel / es werden Key. Mayestat / Churfürsten /
Fürsten vnd Stende des Reichs / an welche Herz-
zog Johans Friedrich / die gedruckte vnnnd andere
Schrifften / gelangen lassen / oder sie sonst der
dinge bericht empfangen / dieser seiner Churf. G.
warhafftigen verantwortüg / gnedigsten freunds-
lichen vnd gutwilligen stadt vnd glauben geben /
vnd S. Churf. G. der vnerfindlichen auflagen

L iij halben /

halben/ gnuugsamlichen entschuldiget haltē/ Auch
die Chur vnd fürsten/ welche die zuuuelmaln ge-
dachte Vortrage vnd Erbeynigunge/ mit besigelt/
vnd volnzogen haben/ sich vormüge vnd inhalts
derselben/ hierinnen/ vnd gegen Hertzog Johans
Friedrichen/ gebürlichen zuerzeigen wissen/ Dar-
umb dann S. Churf. G./ ihr Chur vnd F. G.
freundlich ersucht haben wollen/ Der freunds-
lichen zuvorsicht/ weil vber dieses alles/ ihr Chur
vnd F. G. vnd sonderlich Pfaltzgraff Friedrichen
Churfürsten/ Hertzog Wilhelmen zu Gūlich/ vñ
Landgraff Philipfen zu Hessen/ freundlichen be-
wust/ Das Hertzog Johans Friedrich/ auff ihre
Chur vnd F. G. jüngste im December geschehene
freundliche beschickung/ ganz vnd gar keine güt-
liche oder friedliche vnterhandlung/ einreumen
wollē/ Sondern auff seinem gewōnlichen Pocho-
en vnd schnarcken wider den Churf. zu Sachs-
sen/ zc. bestanden/ Ihre Chur vnd F. G. wer-
den ob demselben kein gefallen/ Vnd S. Churf.
G. dazumal gegebenen freundlichen/ friedlichen/
vnd schiedlichen Antwort/ ein freundliches gutes
genügen getragē/ haben/ Auch dieselbe noch mals
dohin freundlich vormercken/ das S. Churf. G.
gemüt vnd meinung nie anders/ dann zu friede/
ruhe vñ einigkeit/ geneigt gewesen/ Vnd desselben
halben/ bey zeit ihrer Regierung/ von Hertzog Jo-
hans

Hans Friedrichen / viel vortragen vñnd geduldet
haben / deme sie sonsten wol inn andere wege zube-
gegnet gewust hetten / Auch künfftig dergleichen /
von ihme zuleiden nicht bedacht sein / zc.

Vnd ob er wol hin vñnd wider in Schrifften
vñ sonsten / auch auff nechst gehaltenem Ritters-
tage zu Schweinfurt / vormessentlich vorgeben /
vnd sich rhämen darff / Das er für anderen Chur
vnd Fürsten / den Adel vnd Ritterschafft / fürdes-
re / schätze vnd handhabe / Der Churfürst aber
denselben drucke vñnd beschwere / vñnd der vrs-
sache halben ihme auch zuwider sey / So ist
es doch ein eiteles vorgeszlich vngegründtes be-
zichtigen / welchs sich selbst straffet / Vnd vornem-
lich derhalben geschiehet / das S. F. G. mit den
Echtern / gerne einen Auffstandt oder Auffchur
des Adels / darmit Grumbach von seiner Kindt-
heit auff ombgangen / im heiligen Reich erwecken
vnd anstiften wolten / Wie solchs auch die jäng-
ste S. F. G. schreiben / anezliche Fürstliche Pers-
sonen / so er vmb hülffe ersucht / genugsam aus-
weisen.


Das er aber dem Churfürsten solchs mit
lauterem vngrunde vñnd vñbestande / zumesse /
Solchs weist das werck / vñnd S. Churf. G.
vielfeltige gnade vñ gutthaten / so sie ehrliebenden
frommen

frommen vom Adel/in Deutschen vnd anderen
Landen/ vngerümbt/ beweisen/ vnd erzeigen/ ge-
nugsam aus/ Vnd werden es die/ so noch im leben
vnd von S. Churf. G. viel Gnade/ Ehre/ vnd
guts empfangen/ vñ noch teglich von S. Chur-
fürsilichen G. zugewarten haben/ bezeugen/ vnd
S. Churf. G. wider solche vnerfindliche vorleu-
mung/ vorantworten/ Auch im fall der not/ bey
S. Churf. G. / Leib/ gutt vnd blut/ zusetzen/ Wie
er dann S. Churf. G. ihrer getrewen ehelichen
Ritterschafft/ vnd anderer S. Churf. G. dienst-
vorwandten vom Adel halben/ ganz vnd gar
keinen zweiffel machen/ Dann was etzliche be-
trifft/ so sich zu S. Churf. G. one alle gegebene
ursache genötiget/ vñ S. Churf. G. vnvorschult/
an ihren Fürsilichen Ehren angetastet/ vnd be-
schwerlich in die Leutte gebildet haben/ Solchs
lesi S. Churf. G. andere friedliebende vnd Ehr-
liche vom Adel/ nicht entgelten/ Vnd diesel-
ben haben sich derer/ so ihnen selbst mutwilliglich
vnglück zuziehen/ nicht anzunehmen/ Ob auch
wol Grumbachs Datum dohin gerichtet/ im
Frank vñ Sickingen fuesstapffen zutreten/ wie
er von jugent auff zureden pflegen/ vnd den Adel
wider die Fürsten auffzuvieglen/ So weis man
doch/ das vnter denen vom Adel/ so eine grosse an-
zal ehrlicher frommer/ vnd redlicher Leutte sein/


die

die nicht alleine Grumbachen im deme nicht bey
pflichten/sondern auch inen als einen Auffrörer/
Neutmacher/ vnd zurstörer gemeines friedens/
dempffen/vñ ob seinen so hochsträfflichen vorwir-
ckungen ein abschew haben werden/ Wie sich als
bereit an der ehrlichen Frenckischen Ritterschafft
befunde/Welche sich Herzog Johansfridrichs/
vnd des Echters Grumbachs suchen vnd vorge-
ben/nichts anfechten lassen/ Sondern als red-
liche Leute/ire Ehre/Eyde vnd pflichte/damit sie
der Key. May. vnd dem heiligen Reich vorwanth
vnd zugethan/ betrachtet haben / Dergleichen
sonder allen zweiffel andere vom Adel auch thun/
Gott vnd ihre geordente Obrigkeit / vor Augen
haben/ Vnd sich Grumbachs auffrührische an-
schlege vnd Practiken/doran nichts hindern oder
irren lassen werden / Solchs gereicht ihnen zu
Ewiger vnd zeitiger wol fart/ Vnd S. Churf.
G. ist allen vnd jeden Ehre vnd friedliebenden
vom Adel/gnade vnd guts zuerweisen / vrböttig
vnd geneigt/ Die Landfriedbrecher aber/Keu-
ber/Mörder/vnd zurstörer gemeiner Ruhe/wer-
den iren vordienten lohn/hie vnd dort wol vber-
kommen.

M Hernach








Hiernach volgen die

Copien / welche in des Churfür-
sten zu Sachsen Antwort
vnd Widerlegunge/
angezogen.



THE UNIVERSITY OF CHICAGO

PHYSICS DEPARTMENT

PHYSICS 311

Herzog Johans Friedrichs Schrei-
ben an die Erbeynungs / auch andere
Chur vnnnd Fürsten des
Reichs / zc.

Numero I.



Vnser freundlich

dienst / vnnnd was wir liebs
vnd guts vermögen zuuor / Hochge-
borner Fürst / freundlicher lieber zc.

Wir wissen E. E. aus freundlicher zuuorsicht /
so wir von wegen angebornen vnd nahen freunds-
schafft / zu derselben jedesmals getragen / vnnnd
nochmals haben / vnnnd demnach in ganz getrew-
er wolmeinung nicht zuuorhalten / Das / ob vns
wol bis anhero hin vnd wider / von vielen Leuten
glaubwürdig angelanget / Welcher gestalt der
hochgeborne Fürst / vnser freundlicher lieber Vet-
ter / Schwager / Bruder vnnnd Geuatter / Herr
Augustus Herzog zu Sachsen / Churfürst / zc.
ganz geschwinde vnd gefehrliche practiken / wi-
der vns vnd die vnsern / sären vñ treiben / In son-
derheit aber sich befleissigen solle / durch mancher-
ley vnerfindlichs vorbringen / vns bey der Röm.

Key. Mant. vnserm allergnedigsten Herren / in
gantz beschwerliche vngnade / des gleichen auch
bey vnserm Herrn vnd Freunden / in mercklichen
argkwan vnd vordacht / vnzimlicher ertichter
hendel zufüren/vñ also an allen orten/vnfreunds-
schafft/widerwillen vnd misuorstand /wider vns
gantz vnuorschulter weise zuerregen.

So haben wir doch aus gleicher erinnerung/
vnserer vorwandtnüs / wie oben berurt / solchen
berichten/ kein stadt noch glauben geben wollen/
Vnd viel weniger vns zu einigem vnfreundlich-
en argwönigem nachdencken wider S. L. bewe-
gen lassen können.

Nachdem vns aber in kurtz vorrückter zeit/
mehr denn ein schreiben von S. L. selbstien zukom-
men/dorinnen S. L. mit deutlichen vnd vorstend-
lichen worten / vns zuerkennen geben / das sie
nicht allein auff eines Graffen/als einer einzeln/
vñ nach gestalt der sachen/ vordechtigen Person/
gantz vnbesommene vnd ungegründte nachreden/
ein vnfreundlichs misztrawen zu vns gesetzt/
auch auff vnser eckliche vnser Diener/merckliche
vngnade/vordacht vnd argkwahn / deshalben
geworffen haben.

Sondern sich numals vnderstehet / von we-
gen zweier Vbelthäter/ scharffer peinlicher frage/
von ihnen abgenötigten Brgichten / auch wider
vns

uns / vnd zwene vnserer Diener / als die Bhesten
vnserer Räte vnd lieben getrewen / Wilhelm
von Grumbach / vnd Wilhelm von Stein / er-
drungene aussagungen / vnd felschliche ertichtun-
gen / stracks ganz vnuerholen / vnd vngeschetwt /
vnserer selbst Person / beneben gemelten vnsern die-
nern zubeschuldigen / vnd gleich als ob wir die ge-
schworne Erbeinung gegen ihrer L. vordrochen /
vnd nicht gehalten hetten / mit beschwerlichen
gescherfften worten / zuzumessen / Do wir vns
doch / sampt den vnsern / solcher vnartigen vnges-
trewen Welschen Practicken vnd hendeln / nicht
allein Gott hab lob / vnschuldig wissen / Son-
dern auch / wann wir doran / vnd was es nach
laut der Brgichten / vor eine gelegenheit darumb
hette haben sollen / hören gedencken / nicht vnbil-
lich als ein geborner Deutscher / vnd durch Got-
tes gnaden ein Fürst des heiligen Reichs / merck-
liche entsetzung darob tragen / Wollen im des ge-
schweigen / das S. L. je billich ein vornünftigs
bedencken gehabt haben solte / von berurten Vbel-
thätern solche felschliche andichtungen / auff vns
gerichte / vnd mit sonderlichem vorsatz / wider
vns zugemüßigte befragungen / solche fälschliche
Brgichten vnd andichtungen / mit peinlicher tor-
tur vnd qual / vielmehr nicht zuerzwingen / damit
dieselbigen / gleichsam als ob sie gewis vnd war /

oder auch im Rechten / der Erbarkeit vnnnd vor-
nunfft nach / glaubwürdig / bestendig / tüchtig vnd
kressstig sein solten / gegen vns auffzumucken / vnd
anzuziehen.

Wann vns aber solcher von vnserm Vetter
nahen Blutsfreund vnnnd Erbeinigungs Vor-
wandten zugefügter hohn / schimpff vnnnd spott /
auffss höchst zu gemüte gehet / Inmassen wir es
dann auch / als die höchste schmach zu gemüte ge-
zogen / Als haben wir S. L. vnserer vnuormeidt-
lichen noturfft nach / wievol fürzlich vñ glimpff-
lich / darauff widerumb beantwortet / Auch ge-
melter vnser diener / vnderthenigen gegenberichte
vnd entschuldigung / mit vberschicket / darvon
dann / vnd was S. L. vnfreundlicher weise / do-
mit je die brende weidlich geschüret würden / an
vns geschrieben / wir E. L. allenthalben warhafft-
tige abdruck hierbeyliegend zusenden.

Derweil es dann nu gewislich an deme ist /
darfür wir es genzlich halten / das genanter vn-
ser Vetter / sich durch allerhands wege vnd auff-
geraffte vrsachen / zu vns müßigen vnnnd nötigen
wil / Auch nicht an dem ihenigen genugt gehabt /
das S. L. hievor vnserm gnedigen lieben Herren
Vattern / weiland Churfürst Johans Friedrich-
en / hochlöblicher vnnnd Chrsilicher gedechtnüs /
auch

auch vns vnd vnserm freundlichen lieben Bru-
dern vnd Geuattern Herzog Johans Wilhela-
men zu Sachssen / von vnserm Stande vñ Vhrs
Väterlich Churfürstenthumb / Lande vnd Leute
mehrerstheils hat bringen helffen / vnd dieselbige
nochmals besitzt / Welches alles dann wir Gott
dem Allmechtigen / vnd seinem gestrengen gerech-
ten Gerichte vnd Vrtheil / mit sanftmütiger ge-
dult / heimstellen vnd befehlen thun.

Sondern numehr weiter fortferet / vns zum
euffersten nach vnsern Ehren / Leib / Leben / vnd
den wenigen oberig gelassenen bröcklein vnserer
armen Landen vnd Leute / zutrachten / Wie vns
dann auch nicht vorborgen / das S. L. der höchst
gedachten Key. Mant. vnserer aller gnedigsten
Herren / ernstlichen wider vns vnlangstien aus-
gegangenen Mandaten vnd befehlichen / auch
wider obgemelte vnserer dienerer / zu jrer höchsten
vnschuld vornewerten Nichts Execution vnd er-
klerungen / nicht der geringste vrsacher vnd an-
stifter gewesen.

So haben wir demnach nicht vnderlassen sol-
len / vns auff E. L. als vnsern freundlichen lieben
Oheim / ꝛ. zuberuffen / vnd vnser beschwerlichs
zugedrungenes obliegen / inn freundlichen vor-
trawen zuflagen / auch bey derselben freundlichen
raht / hülffe vnd beystand zuzuchen / Wie dann
hiermit

Item an E. L. vnser freundlichs bitten gelangt /
E. L. wollen vns ersuchen ob diesen vnsern gefas-
sten schmerzen / vnd hochvursachten vnmut /
nicht vnfreundlich vordenecken / vnd volgentes
ihren freundlichen rath / wes wir vns gegen ge-
dachts vnser Bettern / vielfaltigen vnd vnbil-
lichen zunötigungen / der gebüre nach / vorhalten
sollen vnd mügen / mitteilen / auch hülffe vnd
beystand leisten / Inmassen wir vns dan zu E. L.
freundlichen getrösten / vnd hinwider in gleichem
fall / von vns jeder zeit / freundlich vnd gewislich
gewertigt / auch in allen trewen / mit dem Werk
durch Gottes guedige hülffe / empfanglich sein sol-
len vnd wollen.

Dorbeneben werden E. L. auch befinden / was
wir denen jüngst von allen Churfürsten / Fürsten
vnd gemeiner Stende des Heiligen Reichs we-
gen / in sachen / die Bhesen vnser Rät vnd lie-
ben getrewen / Wilhelmen von Grumbach / Ern-
sten von Mandeslo / vnd Wilhelm vom Stein /
samt ire Mitvurwandten belangend / zu vns ab-
gesandten botschafftten / auff ire an vns gebrach-
te verbunge / zur Antwort gegeben .

Vnd ob wir wol in keinen zweiffel stellen / E.
L. werde darvon albereit bericht geschehen sein /
So haben wir doch für vns E. L. dauon freund-
liche vormeldunge zuthuen / auch nicht vnderlas-
sen /

sen wollen/ Vnd gelangt an E. L. abermals vnser freundtlichs bitten/ Die weil E. L. aus derselbigen vnserer gegebenen Resolution/ vnser hohes vnderthenigs vnd ganz gehorsames gegen der Key. May. vnserm aller gnedigsten Herrn/ Auch allen Reichsstenden / freundtlichs vnd gnedigs erbieten/ freundtlich vornemen werden/ das demnach E. L. herwider/beneben den andern Reichsstenden/die sachen bey hochgedachter Key. May. dohin bestes fleisses befördern helfen wollen / damit nicht alleine wir/des allergnedigsten Keyserlichen schutzes / auch Religion vnd Landfriedens empfindlich sein / vnd vns dessen getrösten / Sondern auch obgemelter vnser Raht / Wilhelm von Grumbach / sampt seinen Mituorwandtē / seintmal Er vnd sie / auff der hochgedachten Key. May. vielfeltige allergnedigste vortröstunge / ire / zu ecklichen mahlen vorgestandene ganz nütliche vnd gewantschte bequemißkeiten / aus der hand gelassen / vnd nichts mehr / dann die allergnedigste auffsonunge / vnd den geliebten frieden / im Heiligen Reiche Deutscher Nation / gesucht / vnd gebeten / Auch nochmals nichts anders noch liebers / mit herzklichem vorlangen begere thun / nur mehr vnd endlich auch einmal von irer beschwerlichen sorgen / last / vnd vnvorschuldeten / aber allein von ecklichen vnfriedfertigen vnd vnvorsun-

b. lichen

lichen Leuten erpractickten Achts erklerunge/
erledigt / vnd also allen beschwerlichen weitleuff-
tigkeiten / auch bis anhero eingerissenen ganz ges-
fährlichen misstrawen / abgeholfen werden mü-
ge / Das seind wir vor vnser Person vmb E. L.
hinwider freundlich / vnd Wilhelm von Grum-
bach / vnd seine Mituorwandte / in aller willigen
vnderthenigkeit / zuuordienen geneigt vnd willig /
Datū Grimmensein den 18. Julij / Anno 76. 66.

Von Gottes gnaden Johans Friedrich
der mitler / Herzog zu Sachsen / Land-
graff in Thüringen / vnd Marggraff zu
Meissen.

Graff Günters zu Schwarzburg
schriftlich bekentnüs / vornawerunge vnd
bekrefftigunge seiner hiebuor gethas-
nen bericht vnd aussage.

Numero 2.

Wir Günter : Graff
zu Schwarzburg / mit dieser vnser
handschrieffe

handschriefft/bekennen vnd thun kund/Nachdem
wir hiebeuor / dem Durchlauchtigsten Hochge-
bornen Fürsten vnd Herrn / Herrn Augusto/
Herzogen zu Sachsen/vñ Churfürsten ꝛc. mei-
nem gnedigsten Herren / hiebeuor vnderthenigst /
vnd aus den Lehenpflichten / damit wir ihren
Churf. G. zugethan vnd vorwandt / durch dero
fürneme Land vnd andere Rechte / auch in schriff-
ten zuerkennen geben haben / Was der Echter / so
sich Wilhelm von Grumbach nennet / wider S.
Churf. G. gegen vns zu Gern vorm Düringer
Walde / geredt / Nemlich / Dieweil S. Churf. G.
ihne vnd seinen gesellen / vnuorschuldt / nach Leib
vnd Leben trachtete / solte man wissen / er wolt
S. Churf. G. nach dem Haupt / Leib vnd Leben
trachten / Vnd solte ihne S. Churf. G. zwischen
der zeit vñ volgend Weinachten / nicht vorgehen.
Vnd wir aber auff begeren der Röm. Key. May.
vnser aller gnedigsten Herrn / vns iho in Hun-
gern wider den Erbfeind der Christenheit gebrau-
chen zulassen / erfordert / vnd sich nach dem Wil-
len Gottes / dorunter begeben vnd zutragen
möchte / das sein Allmacht vber vns geböthe /
Als haben wir zu nach mehrer bestendiger be-
krefftigung / obberürter vnser aussage vnd bekent-
nis / seinen Churf. G. durch diese vnser hand-
schriefft / vernarvern sollen vnd wollen. Sagen

darauß nochmals an Eydes stad / vnd wie solch
es vnser / als eines vnschuldigen Kriegsmans
halben im Rechten / am bestendigsten geschehen
sol / oder magt / Das wir solche obgesazte wort /
mit ferner vmbstenden / wie wir die hiebevor dem
Churfürsten zu Sachssen / meinem gnedigsten
Herren haben anzeigen lassen / aus des Echters
Grumbachs eigenen Munde gehöret haben /
Wollen auch solchs jeder zeit / vnd wann es von
vns begeret / vor Keyser / König / Chur vnd Für-
sten / vnd sonst menniglich gestehen vnd aussagen /
Vnd mehrer Brkünd haben wir vnser angeborn
Pertschafft hiermit auffgedruckt / Act. auffm
Stolpen den xi. Julij / Anno im 66.

Manu propr. sz.

Grumbachs Antwort des Chur-
fürsten zu Sachssen / zc. Gesandten ge-
geben / welche Instrumentirt zu
Gota den xxvij. Nouembris /
Anno 1565.

Numero 3.

Im

Im Namen der heil-

gen Dreyfaltigkeit Gottes / des Vaters / Gottes des Sons / vnd Gottes des Heiligen Geistes / Amen.

Zuwissen auff befehllich des Durchlauchtigsten Hochgebornen Fürsten vnd Herrn / Herrn Augusten / Herzogen zu Sachsen / des heiligen Römischen Reichs Erzmarschalin vnd Churfürsten / Landgraffen im Döringen / Marggraffen zu Meissen / vñ Burggraffen zu Magdeburg / vnseres gnedigsten Herren / haben auff heut den xxvij. tag Nouembris / Anno Fünff vnd sechzig / in beysein des Durchlauchtigen Hochgebornen Fürsten vnd Herren / Herrn Johans Friedrichen des mitlern / Herzogen zu Sachsen / Landgraffen im Döringen / vnd Marggraffen zu Meissen / auch vnseres gnedigen Herrn / In S. F. G. Schlos vnd Bestung Gota / S. Churf. G. Kette vnd vorordente / mit namen Wolff von Schönberg / zur Neuen Sorge vnd Knauthain / Hauptman der Erzgebirge / Joachim Köbel Ambtman zur Schweinitz / vnd Wolff Tieffsteter Oberster / Wilhelm von Grumbach vermeldet vnd angezeigt / Das nu eine gute zeit hero / allerley schriftlichs vñ mündlichs berichts an ire Churf. G. weren gelanget / Welcher gestalt

ihr von Grumbach hin vnd wider viel vnersündes-
licher vnd bedraulicher reden vnd schrifften / wider
Ihr Churf. G. ausgüßet / welches Ihr Churf. G.
doch im verachtung gestellet / Sintemal J.
Churf. G. bewust / das J. Churf. G. wider euch
vnd ewern anhang / nichts gehandelt / darumb
J. Churf. G. bey Ehrliebenden zuuordencken / ja
aus gnedigster geduld weniger gethan / als Ihr
Churf. G. vielleicht schuldig gewesen.

Nachdem J. Churf. G. aber glaubwürdig
berichtet / das ihr von Grumbach / es bey dem
selben nicht beruhet oder bleiben lasset / Sondern
euch auch der ausdrücklichen worte verlauten
lasset / Weil Ihr Churf. G. euch nach Leib vnd Le-
ben stünden / vnd jr / Irer Churf. G. gelegenheit
wol wüßtet / so wollet ihr Irer Churf. G. mit
ewern anhang / wider nach Leib vnd leben trach-
ten / Vnd Ihr Churf. G. solten euch zwischen ders
selben zeit / als jr solchs geredt / vnd künfftig Wei-
nachten nicht vorgehen / Als erfordert J. Churf.
G. notturfst / weil es jr Churf. G. Blut belan-
gen thete / deshalb von euch erklerung zuha-
ben / Ob jr der reden gestendig / vnd was jr des-
halb gesinnet / darnach J. Churf. G. sich zu-
richten / vnd hinwider zuuorhalten wüßten / Vnd
des begerten sie die Gesandten / von euch hierauff
one einige weitläufftigkeit / richtige antwort.

Hierauff

Hierauff der von Grumbach vormeldet vnd
angezeigt / Er hette angehört / was von wegen
des Churfürsten zu Sachsen / zt. seines gnedig-
sten Herrn / sie die Gesandten / im vnderthenig-
sten vormeldet hetten / Vnd müste in warheit sagen /
das ihm diese reden ganz frembde vnd beschwer-
lichen / auch hochwichtig / vnd weil er ein guter al-
ter armer gefelle / der sonsten mit viel vnd grossen
elend vnd leid sey beladen / forderte wol die not-
turfft / dis in bedenccken zunemen / auff das er sich
mit beystande / den er izo in dieser eyl nicht geha-
ben möchte / gefast zumachen / Er bete aber vmb
ein abtrit / sich mit den ihenigen / so er izo bey sich
auff dismal hette / zu vnterreden / Welches ihm
die Churf. Gesandten verstadtet / doch das er sich
alhier alsbalt auff dieser Stedte / aldo sie seiner
warten wolten / mit richtiger Antwort hierauff
vernemen lasse.

Vnd als gedachter Grumbach wider erschie-
nen / hat er auff das antragen der gesandten / hie-
auff diese Antwort geben. Ersilichen hette er
vernomen / Wie das von Tzen Churf. G. ihm
würde schuld gegeben / als solt er viel vnerfind-
liche vnd betrauliche reden vnd schrifftten / wider
J. Churf. G. ausgüssen. Zum andern / würde im
aufferlegt / Als solte er J. Churf. G. nach Leib
vnd

vnd Leben trachten / Darumb das J. Churf. G.
jme nach seinem leben stünden / zc.

Vnd souiel den ersten Punct anlangen thete /
bete er hiemit gantz vnderthenigst / Die Gesandte
swolten an stad ires gnedigsten Herrn / jme vormel-
den / Was für vnerfindliche vnd betrauliche re-
den / aber schrifften es sein sollen / So er ober Ire
Churf. G. solle haben ausgossen / Wolle er sich
alsdann hirauff mit richtiger antwort vornemen
lassen / dann one das wisse noch könne er sich in ei-
nige antwort zugeben / nicht einzulassen.

Souiel aber den Artikel betreffen thue / sage
er gleicher gestalt / das es ein gantz beschwerlich
ding sey / Ja betreffe auch sein Leib vñ Leben / als
das höchste pfand / so er habe (Weiler ohne das
sonsten von allen seinen gütern sey verjaget) das
im wil zugemessen werden / Als solte er dem Chur-
fürsten zu Sachssen / zc. seinem gnedigsten Her-
ren / nach Leib vnd Leben trachten / Bete zum vn-
derthenigsten / jme diese Person / zu deme er solches
geredt haben soll / namhaftig zumachen / Aldo
swöl er sich verantworten / Vnd sol es der Chur-
fürst zu Sachssen / zc. Vnd sie als die Gesand-
ten / gewis glauben vnd dafür halten / Wo
er dis gegen einigem Menschen geredt / vnd ober-
swiesen würde / So woll er es gestehen / vnd solte
es jme sein Leib vnd Leben kosten / Es ist aber wie
man

man spricht / hetwer nicht new/das man esnew
also in die Herrn tragen vnd angeben könne.

Darauff die Churfürstlichen Gesandten/
dem von Grumbach diese Antwort wider geben/
Souiel die vnerfindlichen vnd vertraulichen res
den vnd schrifftten anlangen thet / Weil er diese ja
wissen wolte / wte die gelautet / vnd gegen wem er
die ausgossen habe / Das wollen J. Churf. G.
sie vnderthenigst berichten / Darauff werden son
der zweiffel Jre Churf. G. mit ferner antwort
sich hirauff vornemen lassen.

Die Person aber / zu der er solche wort ge
redt / weil Jre Churf. G. ime nach Leib vnd Leben
stünden / Vnd er Jrer Churf. G. gelegenheit wol
wüste / Wolte er J. Churf. G. mit seinem anhang/
wider nach Leib vnd leben trachten / zc. namhafft
tig zumache / das hetten sie von J. Churf. G. gar
keinen befehl / Er hette aber nottürfftiglich ange
hört / was an stad Jres gnedigsten Herren / Sie
die Gesandten bey ime suchten / vnd hirauff rich
tige antwort begerten / Nemlichen / Ob er der ge
thanan reden vnd schrifftten gestendig / Vnd was
er des halben gesinnet sey / Vnd do er es nicht
recht im antragen / von inen den Gesandten hette
eingenomen / so wolte man es ihme zum oberflus
c vorlesen //

vorlesen / das er sich hierauff wol besinnen vñnd
bedencken möge / das geschehen / vñ dem Grumb-
bach vormeldet / Er sey hierauff sonder ausflucht
richtig zuantworten schuldig.

Darauff der von Grumbach / wie zuuorn
auch geschehen / ferner vormeldet / Er beruhete
auff seiner vorigen gegebenen antwort / Nemblich /
das er der vnerfindlichen vñd betraulichen reden
vñd schriften / so er ober Ire Churf. G. solle aus-
gegossen haben (er werde dann desselben vberwie-
sen) ganz vñd gar nicht gestehe / Desgleichen
wolt er auch gerne die Person sehen / das man sie
ihme vorstellte / oder zum wenigsten namhafftig
machte / zu der er solte gesagt haben / das er Iren
Churf. G. nach Leib vñnd Leben trachten solle /
Weil ime Irer Churf. G. gelegenheit wol bewust
sein sol.

Das müste er aber bekennen vñd sagen / weil
sine wider Gott / ehr vñd recht / das seine von dem
Sigelbrüchigen / Ehrlosen vñd trewlosen Pfaf-
fen were genomen / vñnd noch bis auff diese stunde
vorenthalten würde / Ja stünden im auch noch
darzu nach Leib vñd Leben / do doch eine endliche
vorgleichung zwischen seinem Herrn dem Marg-
graffen (dem er bis in vierzig jarē ganz trewliche
en bis an sein Ende / do ihme die Sigelbrüchigen
Ehrlosen

Ehrlösen Pfaffen/ endlichen mit Giffte vorgeben
lassen/ gedienet/ ja were auch von des Marggrafs
Battern von Kindheit auffgezogen worden)
vnd dem Bischoff auffgericht/ des innhalts/ In
welches Herrn dienst ein jeder begriffen / wann er
gleich desselben Leheman were/ so solle es ihme an
seinen Lehen ganz vnd gar nicht schaden/ Vnd
solchen Borgleichungs brieff/ habe im der Marg-
graff selbst zugestellet/ welchen er vorleget/ Vnd
do es ihme sein leib vnd leben kosten solte / wüste er
nicht wohin er komen sey/ Hab ekliche Brieff auff
dem Schlos Blassenburg ligen gehabt/ ob nun
solcher Borgleichungs brieff darben gelegen/ vnd
wohin er neben andern komen sein mag / das wisse
er nicht.

Er hab aber solcher der Sigelbrüchigen Ehr-
lösen Pfaffen mutwilliges thetliches vornemen/
ordentlicher rechtlicher weise / Ersilichen bey der
Hohen Obrigkeit/ als Key. May. folgendes bey
den Chur vnd Fürsten des heiligen Römischen
Reichs/ vnderthenigst geklagt/ vñ vmb gnedigste
hülff vnd einsehen/ demütigst gebeten/ Ja er hab
auch dorüber/ bis in das zwelffte jar/ mit inen am
Cammergericht gelegen/ Ob inne wol htrauff an-
fenglichen gutte vortröstung geschehen/ so were
im doch letztlich/ durch felschlich angeben seines
c ij widerparts

widerparts der Sigelbrüchigen Ehrlosen Pfaffen/ dis alles nicht alleine hernider geschlagen/ sondern man hette jme auch dorüber die Reichs vergleitung versaget/ Derhalben er auch gedrenget/ sich auffser Landes in Franckreich zu begeben/ Vnd ob er wol in des/ vnd hernacher auff geschene hene vorbit des Königes aus Franckreichs / etc. auch anderer Herren Potentaten mehr / bey Key. May. zc. den Chur vnd Fürsten des Heiligen Röm. Reichs / vmb hülff vnd schutz zum vnderthenigsten hab angesucht vnd gebeten / Ja die König. Wirde im Franckreich / hab auch sonderlich an die Vier Churfürsten am Rhein / vor jnen geschrieben / Dieselbe haben jme zugesaget / Er solle das Kriegsvolck / so in Franckreich gelegen / vnd er wol behalten mögen / zutrennen / Dann sie wolten jhme seine sachen zur billigkeit bringen / vnd zu dem seinen verhelffen. Item / er habe es Key. May. auch den Chur vnd Fürsten des heiligen Römischen Reichs / mechtiglich anheim gestalt / Was Ire May. vnd die Chur vnd Fürsten des Reichs hierin erkennen oder sprechen würden / das solt jm wol vnd wehe thun / Er hab hirauff keine gnade noch antwort erlangen mögen / Er bete es dann seinen widerwertigen / den Sigelbrüchigen Ehrlosen Pfaffen abe / das wolt er nicht thun die zeit seines lebens / sondern wolt jme

jme ehr seinen alten kopff abreißen lassen / Ja wil
auch die zeit seines lebens / bey ihnen nicht mehr
wonen / Wie er dan seinem Sone seine gütter hab
obergeben.

Vnd weil er also von seinen Gütern ganz
erbermlicher vnbilliger weise müsse sein / vnd also
im Elend herum ziehen / Vnd das seine / bis in
Sechzig tausent gülden verzere müssen / das er
zum teil von der Herr dinstiget genommen / Ja sey
auch seines leibs vnd lebens nicht sicher (darzu
vornemlichen seine eigene nechste Blutsfreunde /
gar trewlichen helfen theten) sey er betwogen
(doch auff vorgehende rechtliche belehrung) sich
zuerkündigen / Ob er sich nicht wider an denen / so
jme das seine mit gewalt genommen / Vnd er hilf-
los ober geschehenes vielfaltigen klagens vnd er-
bitens / würde gelassen / wider mit gewalt rechen
möge / das jme zuerkant / Vnd von Kriegsrethen
gerathen / Derhalben hab er sich zur gegenwehr
gerüstet / vnd mit leuten / die jme zum teil von des
Churfürsten Obristen / als dem von Staupitz /
zugehiebt / dorbey Carlewitz / des Churfürsten
Cammer Juncker (oder was er sonst ist) dor-
bey gewesen / also gefast gemacht / Vnd hab die
Stad Würzburg eingenomen / Hab aber nichts
feindliches gegen jnen (wie er wol vrsach gehabt)
fürnemen wollen.

Das im aber schuld wil geben werden / als
solt er den Bischoff zu Würzburg erschossen ha-
ben / oder erschiessen lassen / das sey nicht gesche-
hen / im widerfare in dem gewalt / vñ do es gleich
also were ergangen / so were der Bischoff sein feind
gewesen / welcher so wol als er / eines Edelmanns
Son gewesen.

Vnd weil er also / wie obgemelt / gantz hülflös
gelassen / vnd im elend herumb ziehen müssen / vnd
keinen schutz in diesen Landen haben mögen / habe
jn sein gnediger Fürst vnd Herr alhier entgegen /
aus Gnaden (do doch Seine F. G. so wol als
andere Fürsten vnd Herrn mehr gethan / jme dis
abschlagen können / vornemlichen / weil er wider
J. F. G. Herrn Vatter / seliger vnd hochlöblicher
gedechtnüs gewesen / in den vergangenen Kriegs-
leufften) in schutz genommen / zuuoraus / weil J.
F. G. wissentlich / das Key. Mayt. jme gnedigste
vortröstung haben gethan / das seine sachen
auff diesem jhigen vorstehenden Reichstag / sollen
zur endschafft bracht werden / So hab er sich hin-
wider vnderthenigst erbotten vñd zugesagt / sich
in des / gegen meñiglich hinwider friedlich zuuor-
halten.

Solte es aber auff solchem Reichstage / mie
seinen sachen noch nicht zu endschafft lauffen / vñ
vortragen

vortragen werden / so müste er es alsdann Gote
befehlen / vnd sehen / wie er als ein alter vorlebter
Gefelle / so numals in die sechzig Jar gienge / jme
weiter thue.

Das er aber vmb des Churfürsten zu Sach-
sen / etc. gelegenheit wol wissenschafte haben solle /
das sey ihme selzam zuhören / dann er bey Ihren
Churf. G. nie gewesen / wie sol er dann desselben
gelegenheit wissen / Viel selzamer sey es jme zu
erfahren / als solte er / als ein armer alter vorlebter
Edelman (dem das seine alles genommen / vnd er
im Elend herum ziehen mus) Ihren Churf. G.
nach Leib vnd Leben trachten / Er müste ja ein
vierfeltiger Narr sein / vnd sagte noch wie zu-
uorn / das er solcher reden vnd aufgaben / ganz
vnd gar nicht gestehe / er werde es dann vberwie-
sen / begere viel weniger J. Churf. G. zu seinem
feinde / sondern bete die Gesandten ganz freunds-
lich / sie wolten bey J. Churf. G. ihnen vnderthe-
nigst derhalben entschuldigen / denn er mit seinem
widerpart / den Siegelbrüchigen Ehrlosen leuten
vnd Pfaffen / mehr dann zuviel zuthun habe / das
er Hochgedachts Churfürsten zu Sachsen / etc.
vnd aller andern Herrn mehr / wol vergessen kön-
ne / ja sage mit warheit / er wolle lieber J. Churf.
G. vñ andern herrn mehr / seine hend vnderbreitē /
dann

Dann das er etwas thetliches wider sie solle für-
nehmen / sey numals ein gar alter vorlebter man /
welcher nichts anders denn friede begere / vnd
wolt Gott / es were gar keiner nicht mehr / der so
wenig nach vnfrieden trachte / als er / So wür-
de es gar wol stehen / vnd zugehen / Er wolle das
heim bleiben / vnd hinder den Ofen sitzen / Birn
vnd Dpffel (was Gott bescheren wird) braten.

Aber das sey war / Das er vorrugkter zeit /
bey Tren Churf. G. vnderthenigst hab angesucht
vnd gebeten / Inne ein gnedigste Vorschrift an
Key. May. mitzuteilen / Das er das seine / wie
obengemelt / möge wider bekommen / Darauff in
diese Antwort worden / Do er ja J. Churf. G.
vorschrift begerte / vnd die haben wolte / Würde
ihme dieselbe wenig frommen / Das er Herzog
Ernst von Braunschweig / vnderthenig ge-
klagt / Vnd förder vorschrift von J. Churf. G.
zuerlangen gebeten / Er were aber hirauff also be-
antwortet / Das er es hat bleiben lassen müssen /
Bete aber die Churfürslichen Gesandten ganz
dienslichen / Sie wolten bey Tren Churf. G. mit
vnderthenigster bit befördern helfen / Das hoch-
gedachter vnser gnedigster Herr / ihnen in seinem
Elend / do ja Jr. Churf. G. inen hiriin nicht för-
dern helfen wollen / Das J. Churf. G. ihnen
doch hiriin nicht hindern wolten.

Vnd

Vnd sey zuerbarmen/ Das ime/ vnd sonderlich sehen armen Gefellen/ die er mit einnehmung der Stadt Würzburg bey sich gehabt / also wegen der Acht / dorninnen er sein solle / gegen ihnen wolle Procedirt werden / Wie denn George Geus vnd andere mehr derhalben zu gefengknüs bracht / vnd darinne enthalten werden.

Sind nicht die Bischoff zuuorn auch vberzogen / Wo ist aldo die Acht blichen? Ist nicht Herzog Heinrich von Braunschweig etc. vberzogen / Wo bleibet do die Acht? Item / wie glinge es mit der Stadt Rotweil zu / Des gleichen do man die Clausen gestürmet vnd eröbert hat? Ja wie gieng es mit dem Bischoff zu Meissen zu / als jnen Karlowitz weidlich genung herum geruckt / Wo bleibet aldo die Acht? Vnd dieser Exempel weren noch viel mehr zuerzelen.

So sehe man sonderlich den Boreken an / wie es ime mit seinem handel / so er wider Marggraff Hansen etc. hat / gehe / Hat er nicht mit Recht am Cammergerichte dis alles was er besüget / wider S. F. G. erhalten / Wo bleibet doch nun die Execution oder Acht.

Wolau er frage auch nicht viel dornach / vnd
D sichts

siht jnen nichts sonderlich an / können die Junck-
ern (wie sie die Gesandten dann auch Junckern
weren) solches leiden / das man einem das seine
mit gewalt nemen thue / das mus er geschehen
lassen / er könne es nit thun noch vergessen / Ja jr
habt auch kinder / die vielleicht in der Herrn dienst
albereit seindt / oder dorein kommen möchten / mit
der zeit / mit denen möchte man gleicher gestalt ges-
gen jnen gebaren / wie es jme jho ergeheth / Dann
es albereit am Tage vñnd ganz offenbar ist / Wie
das die Herrn im ganken Reich / den Adel gerne
vnterdrücken wollen / Dann jho nimbt man eis-
nem ein Mühl / dem andern die Schencke / dem
dritten Holz vnd Jagt.

Vnd ist fürwar zuerbarmen / das man jme
alles was nur geschicht / zumessen wil / als sol er
es gethan haben / oder die seinen / Dann es hab
in Staupitz der Obriste vor etlicher zeit auch be-
richt / Wie das an Hochgedachten seinen gne-
digsten Herren den Churfürsten zu Sachsen /
glaublichen were bracht / Wie das er auff J.
Churf. S. in einer Heiden (die jme ganz vnd gar
vnbekant / vielweniger weis wo die / vnd an wel-
chem ende gelegen) solle gehalten haben / das er
sich alsbalt gegen J. Churf. S. vnderthenigst
inn schrifften / mit seiner eigenen Hand hab ent-
schuldiget

schuldige. Item / als ihme gleicher gestalt wil
schuld geben werden / Als solte er mit Peter Scho
sen vnd Lottringen / wider Dennemarcß Practi
cirt haben / das Land zu Holstein einzunemen.

Ja das man inen weiter beschweren wil / als
hette er Reuter auffwigen helfen sollen / Kostiok
einzunemen / In dem allen geschehe im vor G^{ts}
dem Allmechtigen gewalt vnd vnrecht / dann er
solchs nicht gethan / wils auch nicht thun / Son
dern beger als ein alter vorlebter Man / friede mit
meniglich zuhalten / vnd gehet ihme dem sprich
wort nach / wie man saget / Wo der zaun am ni
drigsten ist / do wil jederman vberspringen / In
summa / er mus G^{tt} vnd der zeit solch sein vns
glück befehlen.

Vnd schlieslichen sagt er nachmals / wie zu
uorn mehr gemelt / Er gestehe der angebrachten
auflage vnd reden / die von J. Churf. G. ihme iho
durch derselben gesandten / wil schuld geben wer
den / ganz vnd gar nicht / er werde dann des alles
vberwiesen / Vnd bete die Herrn Gesandten /
gantz diensilichen / Sie wolten inen bey Hochge
dachttem vnserm gnedigsten Herrn / vnderthe
nigst entschuldigen.

Vnd als Wilhelm von Grumbach auff solcher Aussage endtlichen beruhet / Ist auff befehlch Hochgedachts vnfers gnedigsten Herren / solchs alles durch mich vnden benannten Notarien / in diese offne Papirne schrift bracht / vnd auff acht blat verfasset / Dorbey vnd neben seind Hochgedachts vnfers gnedigsten Herren Edle Rechte / alle obgenant / auch Persönlich gegenwertig gewesen / vnd dis alles von Wilhelm von Grumbach selber gehort / Geschehen vnd ergangen ist dis alles / in dem Schlos vnd Vestung Gotha / Im Jar / tag / stelle vnd beysein obgemelt.

Vnd ich Erasmus Nitsch / aus Pepsilcher gewalt vnd macht / offenbarer Notarius / vnd iziger zeit geschwornen Stadtschreiber vnd Bürger zu Torgaw / Weil auff befehlch hochgedachts vnfers gnedigsten Herren / des Churfürsten zu Sachsen / ze. vnd Burggraff zu Magdeburg / neben J. Churf. G. Edlen Rechten ze. aller obgenant / Ich Persönlich auch gegenwertig gewesen / Solches alles aus Wilhelm von Grumbachs selbst Munde gehort / So habe ich dis alles in diese offne Papirne Schrift vnd Charta / auff acht blat bracht / vnd das alles mit meinen selbst eigenen Handengantz trewlichen geschrieben / mich auch zum Zeugnis mit meinem Tauff vnd zunamen vnterscriben / vñ mein gewöhnlich Notariae

tariat signet zu ende wissentlich auffgedruckt/
Hierzu von Höchstgedachtem meinem gnedigste
en Herrn/von Torgaw aus gegen Gotha erfors
dert.

Das oben verleihte Copia/ mit dem rechten
Original/ So Churf. Durchl. zu Sachsen/
oberantwort worden ist/von wort zu wort/gleich
uberein kommet vnd stimmt / Das bezeuge ich
obgemelter Notarius / im Crafft dieser meiner
eigenen Handtschrifft.

Des Churfürsten zu
Sachsen etc. freundlich schreiben an
Hertzog Johans Friederichen/ neben vor
meldung des Graffen zu Schwarz
burgk Aussage/ Am Dato 15. Fe
bruarij / Anno/76. 66.

A.

D. III

D. Insee

Unser Freundtlich

Dienst/ vnd was wir mehr liebs vnd
guts vermögen zuuorn/ Hochgeborner Fürst /
freundtlicher lieber Vetter / Schwager / Bruder
vñ Geuatter / E. L. tragen freundtlich gut wissen /
Welcher gestalt wir vnlängst / Wilhelm von
Grumbach / durch vnser Rehte vnd gesandten /
haben beschicken / vñ in E. L. gegenwart bespre-
chen lassen / Nemlich / weil wir in glaubwürdige er-
fahrung kommen / Das er vber vielfeltige andere
beschwerliche reden / sich auch dieser wort wider
vns vernehmen lassen / Das er vns nach Leib
vnd leben trachten wolte / vnd wir ihme dessen /
zwischen der zeit / vnd verschieenen Weinachten
nicht vorgehen solten / Sintemal wir ihme vnd
seinen gesellen / nach Leib vnd leben trachteten /
ob er desselben also gestendig oder nicht / Vnd das
er Grumbach dozumal vnder andern / vnsern
Rehten hintwider zur antwort gegeben / Er ge-
stünde der reden vñ wort / das sie von ime gesche-
hen vnd geredt / nicht / er würde es dann oberweis-
set / wie ime denn auch von vns keine vrsache dar-
zu were gegeben worden.

Domit es nun E. L. vnd sonderlich Grum-
bach darfür nicht halte / Als ob wir dessen keine
ankunfft

ankunfft/oder solche beschickung nur aus blossen
wahn oder one grund geschehen. So wollen wir
E. L. freundlich nicht verhalten/vnnd derselben
hiermit angekündigt haben/ Das vns der Wol-
geborne vnser lieber getreuer / Graff Günter zu
Schwarzburg / solches seinen Lehens pflichten
nach/vermeldet vnnd geoffenbaret hat / dessen er
auch gestendig / vnnd wie er vns zugeschrieben/
Grumbachen solches durch Ernst von Mandes-
loe / vnd Aschen von Holle / vnlangst hat anzei-
gen lassen / doraus E. L. freundlich zuuersichen/
das Grumbach solcher reden durch den Graffen
überzeuget.

Wann wir vns nun der zwischen E. L. vns
vnnd andern Chur vnnd Fürsten / auffgerichtem
Erbeinung / Welche E. L. neben vns zur Naumb-
burg / Persönlich geschworen / freundlich erin-
nern / dorinnen ausdrücklich vorsehen / Das wir
einander mit Leib vnd Gut / Landen vnd Leuten /
getreulich beholffen vnnd berathen sein / keiner
des andern Feind werden / vnnd niemands noch
vmb keinerley vrsachen willen / noch inen beschedi-
gen oder beschedigen lassen sol / oder vnsern Man-
nen / Dienern vnnd Vnderthanen / die inn vnsern
odder andern Landen gefessen seyen / das
nicht gestatten zuthun / inn keinerley weise /
Auch

Nuch keiner des andern Feind / Echter vnd Reu-
ber / in seinen Landen / Schlössern / Etedten vnd
Gebieten / wissentlichen vnd mit vorfatz / nicht
hausen / hegen / schirmen / noch den einiger ley zule-
gung / fürderung / hülff noch Raht thun / noch
durch seine Gezwenge vnd Landtwere nicht kom-
men lassen / heimlich noch öffentlich / oder den sei-
nen gestatten / das zuthun inn keiner ley weise /
vñ jm auch kein gleit geben noch geben lassen solle
zc. Vnd aber Grumbach vns feindlich nach Leib
vnd Leben zutrachten / obberurter massen sich ver-
nemen hat lassen / So wollen wir vns gar keinen
zweiffel machen / E. L. werden sich disfalls der
nahen blutuerwandtnüs nach / auch in betrach-
tung der wider Grumbachen ausgegangenen
Key. Acht / Vnd das vns solchs aus lauter Land
friedbrüchiger zunötigung / von ihme begegnet /
der gemelten Erbeynung / rechten vnnnd billigkeit
genies erzeigen / Wie wir denn Euer Lieb hiermit
freundtlich dorumb ersucht haben wollen / Das
sich E. L. Crafft solcher Erbeynung / vnd des hei-
ligen Reichs auffgerichtten hochuerpcenten Land
friedens hierinne erweisen vnd vorhalten / Vnd
wider ihnen den Grumbach ernstlich vorsehren
wollen / damit wir zuspüren / das E. L. ob solch-
em seinen vergeslichen / mordlichen betrawungen /
vnd dürstigem fürhaben / wider vns kein gefal-
lens

lens tragen/ Vnd sich zu abwendung vnserer ge-
fahr/ als der Better vnd Erbeinungs vorwand-
ter im werck getreulich erzeige/ Wie E. L. dessen
von vns im gleichem fall gewertig sein wolten/
E. L. hinwider freundlich vnd Betterlich zudie-
nen/ seind wir ganz willig/ vnd bitten Euer Lieb
freundliche vnseumliche antwort/ Datum
Dreszden/ den sunffzehenden Februarij/ Anno
etc. Exvj.

Hertzog Johannis

Friederichs erste Antwort dar-
auff/ am Dato den 20. Februarij.

Anno 1 5 6 6.

B.

Insere

Unser Freundtlich

Dienst vnd was wir liebes vnd guts vermügen zuorn/ Hochgeborner Fürst/ freundlicher lieber Vetter/ Bruder/ Schwager vnd Gesuatter/ Vns ist E. L. schreiben am Datū Dreszden den Funffzehenden Huius / den Neunzehenden dornach zukomen/ das habē wir erbrochen vñ alles seines inhaltls gelesen/ vnd daraus vernomen/ Was E. L. vnseres Rahts vnd lieben getrewen/ Wilhelmen von Grumbachs halben/ mit freundlicher erinnerung vnser beiderseits Erbēnunge/ bey vns freundlich suchen.

Als wissen wir vns freundlich zuerinnern/ Das E. L. inn vnlangst vorruckten tagen/ durch etliche Euer L. hirtzu verordente vnd abgesandte Rechte/ gemelten von Grumbach / von wegen etlicher beschwerlichen reden/ derer er sich E. L. halben/ sol haben hören/ vñ vñ vernemen lassen / beschickt/ Auch was er jnen darauff widerumb zur Antwort gegeben/ Hetten vns dennmach freundlich vorsehen gehabt/ E. L. würden gemeltes von Grumbachs beschehenem fürwenden/ vnd das er solcher reden E. L. halben mit nichten gestendig/ stat vnd glauben geben / vnd jnen aus vngnedigen

gem vordacht gelassen haben/ Dann ob wol E.
L. in irem schreiben iren Anseger als Graff Gün-
tern von Schwarzburgk/ iho gegen vns beneu-
lich gemacht / Vnd dormit meinen genanten
von Grumbach derhalben zuüberzeugen/ Vnd
es nicht an/das vnlängst vnser Diener / Ernst
von Mandesloe / vnd Asch von Holle/ von dem
Graffen vorstanden/ Als ob solle er von Grum-
bachen solche reden gehört / welchs sie ihme denn
alsbalde durch ihr schreiben zuerkennen gegeben
haben/ So wissen wir doch Euer L. freundlicher
meinung nicht zubergen / Das gemelter von
Grumbach sich dorauß / ob Graff Güntters
vormessen vnd vngegründtes angeben / zum
höchsten beschweret / vnd sich gar nicht zuentsin-
nen weis / viel weniger gestendigk ist / Das er
sich der wort E. L. halben / wie ihn der Graff bey
E. L. eingetragen/ gegen ime vorlauten habe las-
sen/ So halten wir es auch vor vns selbst / zufo-
derst auff seinen vns fürge wandten Vnderthe-
nigen Bericht / vnzweiffelich nachmals darfür/
Zunmassen wir dann E. L. abgesandten zu vnser
entschuldigung/ Vnd damit wir nicht Stilles
schweigend bey E. L. in verdacht kommen wöch-
ten / Als ob hielten wir wissentlich die Leute
(welchs doch vnser gemüt vnd meinung nich-
mals gewesen / auch noch nicht ist) eben darumb

bey vns / das sie E. L. nach Leib vnd Leben trach-
ten solten / Wie Jüngsten zum Grimmenstein
auch angezeigt / Das gemeltem von Grumbach
an solcher bezichtigung gewislichen vnrecht ge-
schicht / Sintemal wir ihnen eines solchen vnbes-
dechtigen vnd weitleufftigen redens vnd maus /
als Graff Günter men bey E. L. eingeildet / bis
daher nicht vormerckt / Sondern viel bedechtiger
vnd bescheidener befunden / vnd erkant haben.

Wann dann nu diese sache zwischen gemel-
tem Graffen vnd Grumbachen / nach zur zeit
zweiffelhafftig / Grumbach auch wie gehort / ders-
selbigen nicht bekentlich / noch auch oberwiesen /
Vnd E. L. als der hochuerstendige selbst wissen /
das auff eines Mannes rede / nicht allein zuzufu-
sen sein wil / vnd vns deme nach nicht zuerinnern
wissen / das wir wider die Erbeinunge seinent hal-
ben inn diesem vnklaren fall gehandelt / Als
bitten wir freundlich / E. L. wolle die vmbstende
vnd gelegenheit dieser sachen / freundlich betrach-
ten / vnd gedachtes von Grumbachs Gegenbes-
richt / zuuorn vnbeschwert anhören / Auch vns
von wegen angezogener Erbeinigung / gefastien
verdachts erlassen / vnd damit aus allerhand vrs-
sachen / zuuörderst aber vnser beiderseids vrs-
wandtnus nach freundlich vorschonen / Wie wir
vns

uns zu Euer L. freundlich vorsehen / Seind aber
freundtlich verböttig / Grumbachen dahin zuweis
sen / das er sich fürderlich seiner notturfft nach /
gegen E. L. schriftlich verantworten solle / Der
genßlichen zuvorsicht / E. L. werden alsdann die
sachen anders / vnd daraus so viel befinden / das
ime der Graff zuviel thut / zc.

Das haben wir E. L. hinwider freundlich
er meinung nicht bergen wollen / Vnd seind der
selbigen freundliche dienste zuerzeigen / allzeit wil
lig / Datum Weimar den 20. Februarij / Anno
1566.

Von Gottes gnaden Johannis Friederich
der Mittel / Herzog zu Sachssen /
Landgraff in Thüringen / vnd Marg
graff zu Meissen.

Jo: Frid: der Mittel.

e iii Herzog

Hertzog Johans-

Friederichs andere Antwort/den

27. Februarij. 1566.

E.

Unser Freundtlich

Dienst vnnnd was wir liebs vnd guts
vermögen zuuorn/ Hochgeborner Fürst/freund-
licher lieber Vetter/Schwager/Bruder vnd Ges-
uatter/Was vnlangst E. L. vns vnseres Rahts
vnnnd lieben getrewen / Wilhelm von Grumb-
bachs/vnd ezlicher beschwerlichen reden halben/
welcher er sich ob E. L. wie ihnen Graff Günter
von Schwarzburgk/ gegen E. L. eingetragen/
vnd angegeben/sol haben hören vnd vermercken
lassen/ geschrieben vnnnd freundtlich gesucht/wir
auch E. L. hinwider zu freundlicher Antwort ge-
geben/werden sich E. L. zweiffels an/ freundtlich-
en zuerinnern wissen. Als haben wir nicht könn-
nen umbgehen / gedachtem vnserem Raht dem
von Grumbach/solche E. L. gegen jne angezoge-
ne beschwerung / auff gedachtes Graffen ange-
ben/

ben zuuermelden/ sich gegen E. L. desto mehr zu
entschuldigen/ Wann er dann nachmals vestig
lich darauff bestehet/ das er solcher reden vnd
wort Euer L. halben/ wider den Graffen nicht ge
dacht / oder auch jme jemals ein solches zuthun/
in sinn vnd gedancken genomen / Wie E. L. das
selbe ausführlicher vnd vernemlicher / aus beylie
genden seinen vnderthenigen bericht vnd entschül
digung / auch daraus souiel vernemen werden/
das gemelter Graff/ Grumbachen in solchem al
len/ zuuuel vnd vngütlich thut / Vnd jhme wol
angestanden hette/ sich selbst zuuorn zuerinnern/
so er je so gewissenhaft sein wollen/ E. L. solche
reden/ der doch Grumbach inn keinem wege / noch
mit nichten gestichet / vnoffenbart nicht zulassen/
das er das jhenige/ so er vor sich selbst E. L. hal
ben nicht zum besten gedacht vnd angezogen/ das
von Grumbach in seinem schreiben/ E. L. vermeld
ung thut / billich auch nicht zugeschweigen/
Dorumb dann vngeweiffelt/ E. L. so des Grafs
fen gelegenheit / one das freundlich bewust/ denen
dingen nachzugedencken/ wissen werden. Als
gelanget an E. L. vnser freundlichs bitten/ diesel
be wolle gemeltes von Grumbachs vnderthenige
entschuldigung gnedigst stadt vnd glauben ge
ben/ vnd sich wider jhne nicht zu vngnaden bewe
gen/ noch in vngüthen ichtes entgelten / Sondern
aus

aus vngnedigem verdacht kommen lassen /

Auch auff itzigem gegenwertigem Reichstage/
weñ von seiner vorsehenden vortrags handlung
geredt werden sol (der er sich denn beneben seinen
mitnerwandten / zu der Röm. Key. May. vnserm
allergnedigsten Herrn / E. L. vnd andern Chur
vnd Fürsten des heiligen Reichs / J. Key. Mant.
allergnedigsten gegebenen Antwort nach / vnder
theniglich verhoffen vnd vertrösten thut) vns
zu besondern freundlichen willen vnd gefallen/
freundlich befürdern helffen / Damit er vnd seine
Consorten / zu allergnedigster auffönung / allem
friedliebenden wesen zum besten / kommen möge/
vnd es an jr nicht erwinden / sondern ihnen dieser
vnser freundlichen vorbit / gnediglichen genießern
lassen / wie wir vns zu E. L. freundlich versehen/
Das wollen wir hinwider gantz freundlich vnd
willig verdienen / Datum auff vnser Bestung
Grimmenstein / den 27. Februarij / Anno 1566.

Von Gottes gnaden Johans Friedes
rich der Mitter / Herzog zu Sachsen/
Landgraff in Thüring / vnd Marggraff
zu Meissen.

Johanns Friedrich.

Des

Des Churfürsten zu Sachsen etc.
wider schreiben dorauß/ Datum Zer-
reuth den achten Martij/
Anno 1666.

D.

Unser Freundtlich

dienst/ vnd was wir mehr liebs vnd guts jeder-
zeit vermögen zuuorn/ Hochgeborner Fürst/
freundlicher lieber Vetter/ Schwager / Bruder
vnd Geuatter/ Wir haben E. L. schreiben/ den
27. Februarij zu Grimbach datirt/ entpfan-
gen/ vnd E. L. vorwendung / souiel Wilhelmen
von Grumbach anlanget/ doraus vernomen/
Wann wir dann hiebevor E. L. vnser gemüt der-
wegen freundlich zuerkennen gegeben / so lassen
wir Grumbachs vormeinte entschuldigung / in
irem vnwerth beruhen/ Sintemal Graff Gün-
ter von Schwarzburg/ nochmals vestiglich dor-
auß bestehet / das er Grumbach solecher reden
oberweisen/ vnd dieselben ober jnen war machen
wil/ Wie er jme dann auch durch die vom Adel/
so er zu jhme geschickt / selbst anzeigen hat lassen/
Hierumb wir vns nochmals zu E. L. freundlich
f versehen

bersuchen wollen/ E. L. werde sich disfalls/ jüngst
sien unsern schreiben vñ bitten nach/ der mit vns
habenden Erbeinung/ vñnd Erbuorbrüderung/
auch des Heiligen Reichs Landtfrieden / allent
halben gemes erzeigen / Vñd in deme E. L. Bet
terliche vñd freundliche neigung (wie dero Euer
Lieb von vns gewertigt sein wolten) im werck be
weisen/ E. L. hinwider freundlich zudenken / seind
wir willigt/ Datum Berreuth / den 8.
Martij/ Anno 1566.

Von Gottes Gnaden Augustus Hers
zog zu Sachsen/ des Heiligen Röm.
Reichs Erzmarschalch vñ Churfürst/
Landgraff inn Düringen / Marg
graff zu Meissen/ vñnd Burckgraff zu
Magdeburgk.

Herkzog Johannis Friederichs Ant
wort darauff/ den 13. Martij datirt/
Anno 1566.

E.

Unser

Unser Freundtlich

diensft/ vnd was wir liebs vnd guts vermögen
zuuorn/ Hochgeborner Fürst/ freundlicher lieber
Vetter / Schwager / Bruder vnd Genatter/
Wir haben E. L. antwort/ am datum Berrent/
den s. dieses Monats / auff vnser jüngst von
hieraus an Euer Lieb gethanes schreiben/ gester
abends empfangen/ vnd ihres inhalts gelesen/
auch doraus mit etwas befrembdung vernom-
men/ Das E. L. vnfers Rahts vnd lieben ge-
trewen/ Wilhelmen von Grumbachs ausführ-
lichen bericht vnd entschuldigung/ dero ime durch
Graff Güntern von Schwarzburg auffgelega-
ten bezichtigung / vnd vnser dorauff vor ihnen
gegen E. L. gethanen freundlichen vorbitte / nicht
stad vnd glauben geben thun/ Vnd dieweil
E. L. unsere beiderseits geschworne Erbeinung/
Erbuorbrüderung / vnd des Heiligen Reichs
Landtfrieden/ abermals anziehen / aber Grum-
bach/ dem wir dann Euer L. schreiben neben einer
ernsten anzeige/ haben fürhalten lassen / weniger
dann gar nicht gestendigk / das er der beschehe-
nen bezichtigung schuldigk / auch derselbigen laut
seines an vns dertwegen gethanen vnderthe-
nigen schreibens / welches Euer Lieb hierneben
ij verwarth

verwarth finden/ noch nicht überzeuget ist/ Als
können wir nachmals bey vns nicht ermessen/
was wir vns gegen jme anderst vnd ferrers/ den
albereit geschehen/ vorhalten vnd erzeigen solten/
Sonderlich dieweil E. L. selbst wissen/ do jemand
von einem andern bezichtiget oder beschuldiget/
vnd die bezichtigung von jme vorneinet wirdet/
das dem beschuldiger obliget vnd gebüret/ seine
bezichtigung/ wie zu recht gnugsam zuerweisen
vnd darzuthuen/ Vnd in vngewissen zweiffel-
hafftigen sachen/ des beschuldigten nein/ eben so
starck/ als des beschuldigers ja/ oder bezichti-
gung ist.

Do nun Graff Gänter/ oder jemandes an-
ders/ Grumbachen derwegen mit recht fürzun-
men/ vnd zu überzeugen bedacht/ So seind wir
orböttigk/ ihnen zu recht zuhalten/ hoffen auch
nicht das E. L. oder jemandes/ wer der auch sein
müze/ vber dieses vnser gleichmessigs billich er-
bieten/ in vns weiter dringen/ oder vns auch ver-
dencken/ mit was fügen wir vns/ vnserer diener/
die sich zu recht erbieten/ vnd der bezichtigung
noch nicht überzeuget vnd überwiesen seind/ auff
solchen vngegründten vnd vngleichen bericht zu
beschweren/ oder von der Execution mit ihnen an-
zufahen/ bewegen lassen können/ Freundlich
bittende/

bittende / Euer E. wolle solchs von vns nicht vns
freundlich vermercken / auch genanten von Grumbach
nochmals aus vngnedigē verdacht lassen /
vnd jr freundlich zu gemüt führen / wie gleichwol
Graff Gäntern / als vnserm Lehens Graffen /
Landessen vund Vnderthanen / wol angestanden /
vnserer Käht vund Dienere / gegen E. E. vn
uerhorter vund vnerkandter sachen (wie dann
Grumbach solcher seiner erdichteten auflage gar
nicht geständig / auch derselbigen bishero nicht
oberweist) zubeschwerung vnd vnuorschuldter
vngnade gegen E. E. einzubilden vund einzutragen.

Welches wir E. E. hinwider freundlicher
meinung nicht wollen bergen / vnd seind derselben
freundlich zudienen willig / Datum Grun
menstein den 13. Martij. Anno 1566.

Von Gottes Gnaden Johans Frie
derich der Nitler / Herzog zu Sach
sen / Landtgraff inn Thüringen / vund
Marggraff zu Meissen.

Johans Friederich zc.

Des Churfürsten zu Sachsen / etc.
widerschreiben darauff / am 29. Maij.
Anno 1566.

F.

Unser Freundlich

diens / vnd was wir mehr liebs vnd guts vermögen zuorn / Hochgeborne Fürst / freundlicher lieber Vetter / Schwager / Bruder vnd Genatter / Euer L. haben sich freundlichen zuernern / was sie am verschieenen 13. Martij / von Grumbach aus / Grumbachs halben an vns geschrieben / Nemlich / das Euer L. mit et was befremdung vernomen / das wir Grumbachs vorgewandten entschuldigung / vnd E. L. vorbitt / kein stadt noch glauben geben theten / Vnd das wir E. L. auff die beiderseits geschworne Erbennung / Erbvorbrüderung / vnd des Heiligen Reichs Landfrieden / wieder Grumbachen nicht ersuchen noch anziehen köndten / weil er des heiligen / so er von Graff Günstern von Schwarzbürg bezichtiget / nicht überzeuget were / Ob vns nun von E. L. ein solchs schreiben billich begegnet / vnd Euer L. befremdung darob zutragen /
vrsach

Ursach haben / das wir dieselbe vnserer feinde hal-
ben / so vns nach Leib / Leben / Landen vnnnd Leu-
ten trachten / vnd von E. L. gehauet vnd vnder-
halten werden / auff die geschworne Erbeini-
gung / freundlich vnnnd Bitterlich ersucht / das
sollen wir an seinen ort / vnd lassen es alle Chur
vnd Fürsten / so E. L. so wol als vns verwandt /
vnnnd dessen zu seiner zeit weiter bericht werden
sollen / richten vnd vrtailen / Darfür
wollen es aber Euer L. gewislich halten / das wir
vns dessen zu E. L. mit nichten versehen / das sie
vns vmb eines solchen leichtfertigen losen
Manns vnnnd Echters willen / dermassen hetten
obergeben / Vnd vnns in so offenem klaren fall /
der nicht allein durch des Grafen / sondern auch
vieler anderer mehr gezeugnis vnnnd kundbare
Notorietet / vnleugbar / Vnd E. L. des Grum-
bachen Person vnd anschlege / selbst wol bewust /
erst weitleufftig recht anbieten sollen.

Dieweil aber nun weiter darauff erfolget
ist / das wider gemelten Grumbach / auff iho ge-
melter Reichsuerfammlung zu Augspurg /
durch die Ken. May. Churfürsten / Fürsten vnd
Stende des heiligen Reichs / die Acht vnd Ober-
acht / eintrechtiglich ist beschlossen vnd Publicirt /
Auch E. L. als seinem des Echters Receptatorn /

von der Key. May. mit absendung J. Key. May.
Curirers / bey Peen der Acht vnnnd Oberacht /
ernstlich befohlen / vnd Mandiret worden / ihnen
samt andern seinen Mit Ehtern / alsbalde vn-
vorzüglich vnnnd angesichts brieffs / gefencklich
einzuziehen / So sehen wir numehr soutil mehr
in hoffnung / Euer E. werde sich der nahen Bluts-
uerwandtnis vnd geschwornen Einigung / do-
mit sie vns verwandt / gebürlich vnd freundlich
erinnern / auch sich des heiligen Reichs gemeinen
beschluss / vnd der darauff cruolgeten Key. May.
Mandaten / zuuorhütung E. E. vnnnd derselben
Erben gefahr / schaden vnd nachtheils / dessen wir
sie vnsers teils gerne entladen wissen wolten / ges-
mes vorhalten / Wolten wir E. E. dero richti-
gen antwort wir bey diesem vnserm Diener ges-
wertig / freundlich nicht verhalten / Vnd seind
Euer E. sonst freundliche dienst zuerzeigen Bet-
terlich geneigt / Datum Weiden den 29. May.
Anno 66.

Von Gottes Gnaden Augustus Herz-
zog zu Sachssen / des Heiligen Römis-
chen Reichs Erzmarschalch vñ Chur-
fürst / Landgraff in Thüringen / Marg-
graff zu Meissen / vnnnd Burckgraff zu
Magdeburgk.

Herzog

Herzog Johannis Friederichs wider
antwort darauff/ am 3. Junij das
tirt/ Anno .c. 66.

G.

Unser Freundtlich

dienst/ vñ was wir liebs vnd guts vermögen zu
uorn/ Hochgeborner Fürst/ freundlicher lieber
Vetter/ Schwager/ Bruder/ vñnd Geuatter/
Nachdem wir vns/ in vnser E. L. gegebener ant-
wort/ freundlich erboten / das wir E. L. auff ihr
an vns/ vnter dem Dato zur Weiden / den 29.
vergangenes Monats gethanes schreiben / von
wegen vnseres Rahts vnd lieben getrewen/ Wil-
helmen von Grumbachs/ bey eigener Poetschafft
freundlich vñnd förderlich beantworten wolten/
Als stellen wir nachmals in keinen zweiffel/ E. L.
haben aus hieuorigen vnsern schriften verstan-
den / ob wir wol vns der angezogenen Erbuor-
brüderung vñnd Erbeinung / freundlich zu erin-
nern wissen/ auch sonder ruhm derselbigen Fürst-
lich vnd auffrichtig/ bis daher verhalten/ das wir
doch füglich darzu nicht kommen haben können/
vns E. L. beschehenen freundtlichen suchunge

g nach

nach/ gegen Grumbachen zuerzeigen/ Sintemal
er nochmals dorauß vestiglich bestehen vnd be-
ruhen thut/ das er der reden vnd auflage/ damit
jnen Graff Günter von Schwarzburgk/ gegen
E. L. one grund angegeben/ mit nichten gestendig/
viel weniger in sinn genomen/ E. L. nach Leib vnd
Leben/ oder derselbigen Landen zutrachten.

Derhalben es dann E. L. als der Hochuer-
stendige selbst nicht vor vnzünftig erachten wer-
den/ das Graff Güntern von Schwarzburgk/
obliegen wolle/ in solchen zweiffelhafftigen vner-
weisen sachen/ seine bezichtigung/ wie zu rechte
gnugsam wider gedachten von Grumbach (als
es doch bis dohero vorblieben) aus zuführen vnd
darzuthun/ Alldieweil Ernst von Mandeslo/
vñ Alsch von Holl/ von diesen dingen mehr nichts
wissen/ dann sie vom Graffen/ als sie zu Arnstad
bey ihme gewesen/ gehört haben/ Vnd do sie be-
fragt/ vngeschewet sagen werden/ was sie hier-
von halten.

Haben demnach vor das beste vnd vortreg-
lichste angesehen/ darmit wir hinder den grundt
der warheit kommen/ vnd kundt gethan werden
möchte/ Ob vnd wie es hierumb eigentlich ge-
schaffen vnd gewandt/ Graff Güntern als vn-
sern/ vnd vnsers freundlichen lieben Bruders
vnd

Vnd Geuattern / Herzog Johannis Wilhelms zu Sachsen zc. Lehens Grafen vnd Vn-
dersassen / so vor diesen entstandenen reden / vnges-
achtet / ergangener Recht / gar kein schew oder be-
dencken getragen / Grumbachen erliche mal zu
sich in sein Herrschafft / nicht allein zubeseiden /
als er dann auch zu ihnen geritten / sondern freya-
willig ohne sein ersuchen / dorüber seinen sichern
Pasz vnd auffenthalt / in seiner Herrschafft vnges-
hindert / vnd vor menniglichen vnbeschwert zus-
haben vnd zugestadten / güttlichen angeboten /
für vns anhero gegen Grimmenstein zubeseidē /
vnd sie beide gegen einander / zuerkündigung ei-
nes jeden teils fug vnd vnjug zuhören / Vnd
nach befindung / vns dermassen zubeweisen / do-
mit E. L. vnd menniglich im werck zuspüren / das
wir gar nicht gemeint / vnser beiderseits vera-
wandtnus zugegen / die ihnen bey vns wis-
sentlich zgedulden / so E. L. nach Leib vnd Lea-
ben / vnd dero Landen trachten theten.

Seind auch in willens gewesen / da solcher
tag durch den Grafen vns zeitlichen zugeschrie-
ben worden / E. L. freundtlich zuersuchen / demit
sie ihres teils Rechte / zu solcher vorhöre abgefere-
tiget vñ anhören hetten lassen / wie diesen sachen
allenthalben vorgelauffen weren / sich als dann
ij gegen

gegen dem vnbefugten teil/ neben vns der gebür
nach/ zuerzeigen haben möchten/ Vnd demnach
vns ermeltes Graffen gehorsamlichen erschei-
nens/ genzlich versehen/ auch gar keinen zweiffel
gehabt / weil er E. L. Grumbachen anzugeben
kein bedenccken getragen/ er solte auch noch weni-
ger gescherwet haben / vor vns / als seinem Lanz-
des vnd Lehensfürsten / zuerscheinen.

Das er aber den angesetzten tag (wiewol
allererst nach verfllossenem Termin) abgeschrie-
ben/ vnd mit Grumbachen / von wegen der Acht
zu tagleisten fürzukommen/ entschuldigung für-
gewandt/ das vbersenden wir E. L. aus hierbey-
liegender Copcy zuuernemen.

Aus welchem E. L. bey jr selbst vernünfftig-
lich zubedencken haben/ ob vnd was wir in dieser
sachen weiter oder mehr haben thun sollen/ Ein-
temal Grumbach sich dahin erkleret / auch dor-
auff nachmals vntwanckent bestichet / do er dieser
reden gnugksam vberzeuget / Als es doch dem
Graffen vnd andern/ wer die auch sein mügen/
vnmüglich sein werde/ das er sein straffe/ wie jme
die zuerkandt / dorumb leiden/ Hinwider auch
sich getrösten wil/ weil er sich dieser auflage / vn-
schuldig weis/ Euer Lieb werden sich gegen dem
Graffen/

Graffen / so dieser verhȫr vorflucht v̄nd behelff
gesucht / der gebür nach wissen zuerzeigen / Darn
die weil es nicht on / das die Römische Key. May.
vnser aller gnedigster Herr / v̄ns bey derselben
Curirer / gemeltes von Grumbachs halben /
auff vnser widerwertigen befürderung / v̄nd an-
halten / etwas ernstlich geschrieben / So haben
wir v̄ns doch nach gelegenheit allerhands v̄mb-
stende / gar nicht versehen / sondern in v̄nderthe-
nigster vnzweiffelhaftiger hoffnung gestanden /
Nachdem weiland Keyser Ferdinandus / Christ-
licher v̄nd hochlöblichster gedechenüs / sich gegen
v̄ns allergnedigst v̄nd mit diesen worten dohin
erkleret / Wo ferne gemelter von Grumbach / sich
durch gebürliche ordentliche / v̄nd im Reich her-
kommende wege / entweder der güte / oder des
Rechten / aus der Aecht wirken / v̄nd alsdann
J. Key. May. v̄mb gnade v̄nd verzeihung an-
suchen / auch von des Reichs Chur oder Für-
sten vorbitte / an J. May. bringen würde / das
sich J. Key. May. aller gebür ferner zuhalten
v̄nd zuerzeigen wissen wolten / Es solte nach
solchem aller gnedigsten / v̄nd von J. Key. May.
selbst gezeigten wege / v̄nd gedachtes von Grum-
bachs / bey etlichen Chur v̄nd Fürsten / zuvor-
derst dem Churfürsten zu Brandenburgt / an sie
gebrachten vorbitten / derer er v̄nd seine Consorten /

ten / sich nichts minders gegen der ihlgen R^ö
mischen Keyserlichen Maiestat / vnserm aller
gnedigsten Herrn / inn gleichnüs schriftlichen
vnd mündlichen gebraucht vnd beflissen / Bund
vor sich vnnnd seine Consorten / solche ihre sache /
Ihrer Keyserlichen Maiestat / zu aller gnedigster
erkentnüs / mechtiglich heimgestellet haben / auff
ihligem Reichstage / inhalts J. Key. May. allers
gnedigsten beschehenen erbietens / dorinnen ge
handelt / vnd zu erhaltung vnd pflanzung aller
hands friedliebenden wesens / ruhe vnd einigkeit
im heiligen Reich / vormittelst J. Key. May. mils
de vnd gnade / gnedigst beygelegt vnd vorglichen
worden sein / Wie sich denn Grumbach vnd seine
Consorten / derselbigen in höchster vnderthenige
keit getröstet / vnd dorauß mit sonderm begirde
vnd verlangen gewartet / wir auch vor vns selbst
doran keinen zweiffel gehabt.

Dann darfür wollen es Euer Lieb gewislich
vnnnd vnzweiueltich halten / das wir aus getrew
er vnderthenigkeit / vnnnd wolmeinendem herzen /
genanten von Grumbachen / sonsten vmb keine
andern vrsach willen / vnd auff sonderliche vor
gehende seine verpflichtung / das er vnnnd seine
Consorten / sich inn alle wege / friedtlich erzeigen
wolten / auffgenommen /

Dann darmit nur

im heiligen Reich Deutscher Nation/der geliebte
te friede befürdert / vnd allerhand weiter schedliche
liche empörung vnd vnruhe/so nach der Würzburgischen
einnemung / leichtlich ohne jemandes
verhinderung / mit noch grösserer gefahr vnd be-
schwerung / hette können entstehen / vormittels
Göttlicher Gnaden verhüt werden möchte / Wie
Dann auch beschehen.

Das aber solches ihr vndertheniges ver-
trauen vnd hoffen / auch hievorigen Keyser Fer-
dinanden fürgeschlagener wege / vnd ihziger Key-
Mant . vnser allerghnedigsten Herrn / beschehe-
nes allerghnedigstes erbietten / so gar hindan ge-
setzt / vnd mit der Oberacht / wider sie gecilet / vnd
also alles ihr vnderthenigstes anbietten / nicht
angesehen / Sondern dahin gearbeitet wor-
den ist / vmb ire / alsweniger Personen / zuvörderst
des von Grumbachs willen / so numehr ein
alter verlebter gebrechlicher Mann / vnd sich alle
Tage vnd Stunden / sterbens gefahr besorgen
mus / im heiligen Reich mit sonderer Geldtsbil-
dung / dorzu sie viel zu wenig / auch des Kostens
nicht wert sein / die Execution der Oberacht / wi-
der sie zuuolnstrecken / Solches haben wir
vns neben ihnen gar nicht versehen / auch mit
nicht wenig bekümmerten gemüte vernommen /
Dann sie je nichts mehr / dann nur Gnade vnd
Barmhertze

Barthertigkeit suchen/bitten/vnd das sie aus
ihigem vnfrieden / inn den heilsamen frieden
vnd ruhe gesetzt werden möchten / begeren/
Auch ihre ganze sache / Key. May. neben einem
vnderthenigsten Fussfall / auff obberurten wels
land Keyser Ferdinanden / Hochlöblichster ges
dechnüß / allergnedigsten gezeigten weg der
güte / heimgestellet haben.

Zu dem / das jr gegenpart / vnser lieber
freund der Bischoff zu Würzburg / selbst nicht
in abreden sein wirdet / solches auch aus beylies
gender Copey zuuernemen ist / Das E. L. hies
uor / vnd alsbalt / nach dem ersten ausgeganges
nen Achts Mandat / vmb Cassation derselbigen
anfenglich J. May. vndertheniglich gebeten.

Darumb haben wir nicht ombgehen können /
solches alles nottürfftiglich / mit weiter ausfü
rung / ihiger Key. May. vnserm aller gnedigsten
Herrn / in aller vndertheniger demut / zuerkennen
zugeben / dauon E. L. wir hierneben vorwart Co
pey vberschicken / Vnd seind zu höchstgedachter
Key. May. des vnderthenigsten vertrauens vnd
zuvorsicht / J. Key. May. als der friedfertige mil
de vnd gnedigste Herr vnd Keyser / werden diese
sachen inn gnedigster betrachtung allerhands
vmb

umbstende / allergnedigst zu gemüt ziehen / vnnnd
dorauff eines andern allergnedigsten bescheidts
sich erkleren / vnd zu diesem stracken vnd rauhen
weg der Execution wider vns / Grumbachen / vnd
seine Consorten / nicht bewegen lassen.

Vnd gelanget an E. L. vnser freundlichs bit-
ten / dieselbe wolte solch vnser vnderthenigste ent-
schuldigung vnbeschwert auch lesen / vnnnd sich
dorinnen / vnser zu E. L. habenden freundlichen
zuuersicht nach / zu vnserm besten / freundlich vñ
Betterlich erzeigen / auch wider vns vnnnd vnser
wenige Lande vnd Vnderthanen / nicht auffbrin-
gen / vnd genanten von Grumbach / als einen als
ten krankten Podagerischen Mann / aus vngnes-
digen verdacht lassen / Vnd sich in dem allem also
freundlich vnd Betterlich beweisen / wie E. L. von
vns in gleichnüs wolten gethan nehmen / Das
seind wir hintwider / vmb E. L. freundlich vñ Bet-
terlich zuverdienen willig / Datum Grimmens-
stein / den 3. Junij / Anno 1566.

Von Gottes Gnaden Johans Frie-
derich der Miltler / Herzog zu Sach-
sen / Landtgraff inn Düringen / vnnnd
Marggraff zu Meissen.

Johans Friederich 2c.
h Extrac

Extract aus des gefangenen Hans
Behmen gütlichen aussage/ so vnserm gnedigstem
Herrn dem Churfürsten ꝛc. durch S.
Churf. G. Rechte/ auff den Reichs-
tag gegen Augspurgk vbers
schickt.

Numero 4.

Es hat auch der Ge-
fangene Hans Behem bekant/ das er
Wilhelm von Grumbach vnd Wilhelm vom
Stein/ auff dem Düringer Walde/ inn einem
Wirtshause/ bey der Frayen auffm Walde ge-
nant/ so alleine ligt/ vnd vnlangst abgebrant sein
sol/ einen End geschworen/ vnd zusagen müssen/
ins Land zu Meissen zuziehen/ vnd auszukund-
schaffen/ wo der Churfürst zu Sachssen ꝛc. auff
der Jagt anzutreffen/ Sonderlichen aber/ wann
Mein gnedigster Herr/ auffm Schnebergischen
vnd Schwarzburgischen gehölzken jagen wür-
de/ vnd inen solchs widerumb zuuormelden/ Als
wolten sie einmals zu inne heraus wischen/ wie
er dann domals/ als er dem Förster zu Weissig/
seiu

sein Pferd entritten / derhalben haussen gewesen /
mit solchem Pferde / zu dem von Grumbach / ge-
gen Gotha geritten / vnd ihme diese kundschafft
bracht / das Mein gnedigster Herre zu Dresz-
den / vnd izo nirgents auff der Jagt anzutref-
fen / Es habe aber Grumbach / vnd Wilhelm
vom Stein / ine zum andern mal / kurz vor Fas-
nacht / wider heraus geschicket / nochmals auff
M. gnedigsten Herren / vleissige kundts-
schafft zulegen / ob Seine Churf. G.
vmb den Schneberg oder Sch-
warzburg jagen / vñ hauf-
sen auff den Wels-
den liegen
möchte.
etc.

Christoffen von Zedwitz aussage vnd
bericht / Geschehen zu Starnberg im
Beiern / den 21. Maij / Anno
1566.

H.

¶

Nachvol

Nachfolgenden Be-

richt/belangend Wilhelm von Grumbachs vora
rechterlichen anschlag wider Churfürsten Aus
gustum zu Sachsen zc. Hat Christoff von Zedw
witz zum Stein/S. Churf. S. den 21. tag Maij
des 66. Jares auff dem Schlos Starnbergk/in
Baiern/Erstlich mündlich vnd freiwillig ge
than/ Dornach auff S. Churf. S. bes
geren/ derselben Secretarien / wolbes
dechtig/vom Munde in die federn
dicitirt/vnd nach vbersehung
desselben/mit eigen handen
vnderzeichnet.

Dingefehrlich vmb Viti des 65. Jares/Hat
Der Obrist/Christoff von Zedwitz / von sei
nem Herrn Herzogen Johansfriederichen
zu Sachsen zc. erlaubniß gebeten / sich einmal
zu seiner heuslichen wohnunge zubegeben/ Es
hat aber hochgedachter Herzog /nue lenger nicht
dem 14. tage/erleuben wollen.

Dorauff ist der von Zedwitz nach Haus ge
ritten/vnd vngeserlich sich vmb Petri vnd Pauli
li/widerumb zu Gotha in seine dienst eingestellet.
Als

Als er aber dselbst zu Gotha ankommen /
hat Wilhelm von Grumbach nach ime geschickt /
vnd men in seinem Zimmer angesprochen / vnd ge-
fragt / Mein Obrister / was höret ihr von dem
Churfürsten zu Sachsen. Dorauff er Zed-
witzer geantwortet / Er höre oder wisse nichts
von dem Churfürsten / Weiter hat Grumbach
gefragt / Ob er Zedwitzer die Hartwiese wüste /
dorauff er Zedwitzer geantwortet / Er wisse sie ei-
gentlich nicht / aber nachdem er vngescherlich ein-
mal drey oder vler / von Sant Joachimsthal
nach Sant Annaberg die stras hin vnnid wider
geritten / do hette er von der Hartwiese wol ge-
hört / vnd wüste etwo beyleufftig die gelegenheit /
wo sie lege / Aber er wer darauff nicht gewesen.

Hat Grumbach angefangen / Mein Obris-
ter der von Zedwitz / ich hab einen anschlag vor
mir / do derselbig angehet / wie ich verhoffe / so
wll ich meine sache wol zu einem vortrage brins-
gen / vnd meinem Herrn auch wider zu der Chur
helffen / vnd sol vns allen miteinander dordurch
geholfen werden / vñ darzu köndet jr mir wol be-
fürderlich sein / Ihr wisset die wege / vnnid seid der
ort / vnnid sonderlich vber die Welde / durch das
Land zu Behem hienein geritten / Ich hab gute
kundschaft / das der Churfürst zu Sachsen /
iii auff

auff der Harwiese liege vnd jagt / vnd sein gefindlich nicht bey sich hat / vnd gar zurstrewt liegt / Zu dem auch so zeuhet er alle tage / mit dem Leids hunde auff die vorsuche / vñ hat ober zween oder drey Kerl nicht bey sich / Nun hab ich einen bey mir / der ist sein des Churfürsten Förster gewesen / der weis alle wege vnd siege / vnd ich hoffe / ich wöll men den Churfürsten / bey dem kopff kriegen / vnd sein gefindlich sol es nicht innen werden / Vnd ich warte nur auff einen / der heist der Christoff Meienthaler / derselbe ist deren ort auch wolbekant / der wil mir darzu befürderlich sein / Vnd ich hab drey Posten aussen / Eine in Preussen / die ander inn der Graffschafft Oldenburgk / die dritte inn Frankreich / die sollen dem Churfürsten herbrige bestellen / der sey er alle stunden gewertig / Vnd wann sie ankommen / so sein alle ding schon bestellet.

Dorauff der von Zedwitz gefraget / Ob dann Sein gnediger Fürst vnd Herr / Herzog Johannis Friederich / vmb diese seine anschlege / auch wissenschaft hette / Dorauff Grumbach geantwortet / nein / Gottes Grafft / Gottes Hergot / ich lasse meinen Herrn dauon nichts wissen.

Weiter hat der von Zedwitz / ihnen Grumbachen gefraget / was denn Meienthaler bey den
dingen

Dingen thun solte/ So hat Grumbach geant-
wortet / Er wüſte wege vnd ſtege/er ſolt Reuter
füren/ So hat der von Zedwitz/ Grumbachen
angezeigt/ das derſelbige Meienthaler vngefehr-
lich 14. tage zuorn / eine böſe that im Land zu
Behemen gethan/ Er hette ſeiner Nachbarn eis-
nen / David Höffer zu Sichlaw wonhafft / er
ſtochen / Zu dem ſagte man/er ſolte jnen gar vnz-
erbarlich vmbbracht haben/ Dorauff Grum-
bach geantwortet/ Das müſte Sant Veltens
ſichten geben/weil es die meinung hat/ ſo wüſte
einer nicht/ob jme zuortraswen were oder nicht/
Vnd weiter angefangen.

Mein Obrister / jr könnet wol das beſte dor-
bey thun / vnd do es vns angehet / Es iſt meinem
Herrn / mir vnd vns allen dordurch geholffen/
Dorauff Zedwitzer geantwortet/ Warlich mein
Herr Obrister / ich verſtehe dieſe ding nicht / zu
dem bin ich auch vnder der Key. May. im der
Chron Behemen geſeſſen / vnd bin alhier meines
guedigen Fürſten vnd Herrn / des Herzogen zu
Sachſſen Diener / mir wil nicht gebüren / mich
mit dieſen dingen zubewickeln oder zubeflecken/
Vnd ich beſorge / das ihr dieſe ding / durch das
Land zu Meiſſen / nicht fürnemen dürfft / dann
es gehet euch nicht an.

Dorauff

Dorauß Grumbach geantwortet/ Es
seind die Reuter/ so iho nach dem Land zu Hung
gern ziehen/ iho gleich im anzuge/ Vnd do man
schon Reuter vorneme/ so würde man es do
hin verstehen/ als weren es derselbigen Kriegs
leute/ die in Hungern ziehen/ vnd würde wol vns
uermarckt zugehen.

Darauff Zedwitzer noch einmal geantwor
tet/ Ich besorge Herr Obrister/ es gehe euch an
dem ort nicht an/ vnd wollet jr etwas thun oder
fürnemen/ so werdet ihr es durch das Land zu
Behemen thun müssen/ Dorauß ist Zedwitzer
von Grumbach gegangen.

Es hat aber Zedwitzer inen Grumbachen ober
etliche tage hernacher gefraget/ wie es vmb seinen
anschlag siehe/ wider den Churfürsten/ ob es sei
nen fürgang habe oder nicht/ Darauff Grumb
bach geantwortet/ Es sey noch nicht ins werck
gerichtet/ vnd es sey verkundschaft worden/ der
Churfürst hab sich gesterckt/ vnd sein gesindlich
alles zu sich rücken lassen/ Vnd er müsse es eine
weil mit ansehen.

Christoff von Zedwitz.

Des

Des Churfürsten zu Sachsen schrei-
ben an Herzog Johans Friederichen / neben
überschickung der Brgichten / Am
Dato den 12. Junij/ Anno
1 5 6 6.

3.

Hochgeborner Fürst

freundlicher lieber Vetter / Schwaz-
ger / Bruder vnd Geuatter / Wir haben E. E.
Antwort den 3. Junij datirt / auff vnser jüngst
schreiben / zu vnsern handen empfangen vnd
verlesen / Können doraus nochmals nicht befin-
den / das sich E. Lieb bishero / oder noch / der ge-
schworné Erbeinung / souiel den Echter Wilhel-
men Grumbachen belanget / gemes erzeiget /
Sintemal es das werck an ihme selbst / viel an-
ders ausweist / Vnd sicht vns wenig an / was
zu seiner vermeinten entschuldigung ferner für-
gewendet wird / in erwegung / das wir nicht als
lein des Craffen / sondern auch anderer mehr ehr-
licher leute vom Adel / gleichförmige aussage vnd
warnung haben / die zu seiner zeit auch an Tag
kommen sollen.

i

was

Was auch ehliche Gefangene auff vns be-
stalte Mörderische verrechter / deshalben bekant
vnd ausgesagt / vnd sich erbietten / den Echtern
vnder die augen zusagen / vnd zubekennen / auch
darauff zusterben / Das hat Euer L. aus beuer-
warten warhafftigen Copien / irer Brgichten zu-
uornemen / dorinn sich E. L. ersehen / vnd bey sich
bedencken wollen / ob solchs alles zu freundlich-
em Vetterlichen willen dienen könne / vnd ob sich
E. L. der Erbeinung gemes verhalte / vnd E. L.
vber solches alles gebüre / die ihenigen / so vns mit
Gifft vnd Mord / nach Leib vnd Leben trachten /
zuhausen / zuhegen / vnd zuuorthedigen / Wir
stellen es vnser teils zu der Key. Mayt. Chur
vnd Fürsten des heiligen Reichs / so E. L. so wol /
als vns verwandt / ermessen / Vnd weil wir je
E. L. dorzu die wenigste vrsache nicht gegeben /
so hoffen wir / es werde eine zeit kommen / das
E. L. iren vnflug selbst erkennen werden. Was
E. L. ferner erzehlung vnd einfürung / von des
Echters gelegenheit / vnd der Antwort / so E. L.
vnlängst der Key. Mayt. gegeben / neben andern
vberschickten Copien / betrifft / solches stellen wir
an seinen ort / vnd haben dieselben schriften zu-
uorn mit fleis gelesen / seind auch der Keyserlichen
Majestat antwort / auff Euer Lieb jüngst schrei-
ben berichtet /
Wollen vns zu Euer Lieb /
nachmals

nachmals freundlich versehen / Euer Lieb werde
der Keyserlichen Maiestat Mandaten / gehora
samlich pariren / vñnd sich gegen vns / vermöge
der geschwornen Erbeinung / vñnd vnserer hieba
vor an Euer Lieb gethanen schreiben vñnd such
ungen / vnwegerlich erzeigen / Wie solches Euer
Lieb von vns in gleichem fall gethan haben wol
ten. Vñnd seind hierauff Euer Lieb richtigen Anta
wort / bey gegenwertigem vnserem Reittens
den diener / welchen wir neben Euer
E. diener abgefertiget / darnach
wir vns zuachten / gewertig /
Datum Dreszden / den
12. Junij / Anno 66.



Augustus Churfürst
zu Sachsen.

ii Des Churs

Des Churfürsten zu Sachsen etc.
ferner schreiben an Herzog Johans Friederichs
en / che des Reichs Gesandten beantwort /
vnd inen dasselbig hinderhalten wor
den / auffm Honstein den 3. Julij
Datirt / Anno zc. 66.

R.

Hochgeborner Fürst

freundlicher lieber Better / Schwager / Bruder
vnd Geuatter / Was wir nun zum offtern des
Echters Grumbachs halben / an E. L. geschrie
ben / vnd Euer L. auff die nahe blutuerwantnüs /
dormit E. L. ons zugethan / auch die geschworne
Erbeinung vnd Verbrüderung / vnd des heiligen
Reichs Landfrieden / freundlich ersucht / des tra
gen E. L. gut wissen / Vnd hetten ons zu Euer L.
wol versehen / Euer L. solte sich auff vnser jüngst
schreiben / so wir den 12. tag Junij / von Dresden
aus / an E. L. gethan / berurter Erbeinung gemess
erzeigt / vnnnd mit anderer antwort / dann gesche
hen / begegnet sein / Das aber E. L. vnser freund
lich suchen vnnnd bericht / so im sachen vnser Leib
vnd Leben betreffent / geschehen / erst vor eine zu
nötigung

nötigung achten vnd deuten/ vnd nochmals des
Echters entschuldigung mehr dann vnser besten-
dige vnd warhafftige vorwendung/ bey sich gel-
ten laß/ müssen wir Gott vnd der zeit befehlen/
Vnd ob solches E. L. rümllich/ oder verantwort-
lich/ das sie vns dermassen vbergeben/ vnd zu-
wider der geschwornen Erbeimung / die ihenigen
bey sich hausen vnd hegen / so von dem heiligen
Reich inn die Acht gethan / vnd vns nach Leib
vnd Leben/ Landen vnd Leuten trachten/ würde
sich einsmals finden/ Die weil auch E. L. unge-
schewet schreiben dürfen/ Euer L. hette sich vn-
zweiflich versehen/ Wir solten Euer L. mit anzie-
hung der Erbeimung / nach gelegenheit / das die
ding noch nicht ausführlich gemacht / freundlich
verschonet haben/ Vnd wir aber zubeweisung
vnd ausführung der ding / E. L. des Grafen zu
Schwarzburg aussage/ vnd andere beständige
nachrichtung / zuerkennen gegeben/ So stellen
wir zu E. L. selbst/ vnd menniglichs ermessen/ Ob
E. L. an jrer verweigerung recht / vnd der Erbe-
imung gemesz gehandelt / Damit aber E. L. souiel
mehr zubefinden/ das wir vns nicht zu E. L. aus
blossem wahn nötigen / sondern den Grumbach-
en/ seines verrehterischen vnd Mörderischen vor-
nehmens wider vns oberflüssig zuüberweisen. So
thun wir E. L. hieneben eines vornemen vom

Adels bericht / welchen er vns freywillig gethan /
auch vberschicken / der zuuorsicht / E. L. werde nun
mehr erkennen können / das durch solche Grefliche
er vnd Adlicher Personen gezeugnis / des Echters
vorrehterischen bubensstück / gnugsam dar
gethan / vnd außfürlich gemacht sey / Wie sie
dann im fall der not / solche ire aussage auch eyd
lichen zubetewern / kein bedencken tragen werden /
Vnd wir verböttig sein / E. L. des vom Adels Pers
son / zu seinerzeit / vnd do es E. L. begeren / nam
haftig zumachen.

Vnd weil wir E. L. zu nach mehrer beglau
bigung / hiebeuor der zweier gefangenen Brgich
ten / immassen die dazumal ergangen / zuges
schickt / Hetten wir wol gehofft / E. L. vnd die
Echter / solten vmb fürstellung der selben / oder
zuuorordnung ehlicher Personen / so es von inen
angehort / bey vns angesucht haben / Dieweil es
aber vorblieben / vnd die Vbeltheter selbst gebe
ten / sie vber ihr bekentnis / mit dem Gefencknis
lenger nicht auff zuhalten / So haben wir sie
auch beide / nach eines jedern verdienst recht ferti
gen / vnd den Hans Behemen von Sant Micha
ael bey Freiberg auffm Brande / viertheilen / den
Plassen aber auffss Rath legen lassen. Soutel
nun E. L. Person betrifft / so von Hans Behemen
mit

mit angezogen/haben wir demselben Keinen glau-
ben gegeben (sintemal wir ein solches dem Fürst-
lichen Sechsischen Blut / keines weges zutraven
en sollen noch können) vielweniger E. L. etwas
dorunter zugemessen/ Aber doch E. L. dasselbige
nicht vorhalten wollen/dormit E. L. zuspüren/
Das wir mit der sachen / vngeschewet vnnnd auff-
richtig ombgingen/vnd der beiden Echter halben
hinder den rechten grundt / souiel mehr kommen
möchten / Haben auch nicht vnderlassen/densel-
ben Behemen ferner erinnern zulassen / das er
swider die warheit niemands / vnnnd sonderlich E.
L. mit lügen / dafür wirs eigentlich hielten / nicht
beschweren solte/ **Dorauff er ausgesaget/**
Das er E. L. nur derhalben gemeldet / das er ge-
hoffet/ wir würden ihme auff solch bekentnüs/
gnade erzeigen/ Sonsten aber ist er auff seinem
gütlichen bekentnüs vnd vrgicht / souiel Grun-
bachen vnnnd Wilhelmen vom Stein betrifft / be-
standen / vnnnd dieselbige mit seinem Todt bestetis-
get/ Wie E. L. aus beyuerwarten zweien Instru-
menten Num: 1. Num: 2. freundlich zuersehen
haben.

So vberschicken wir auch Euer Lieb / des
Plassen Instrumentirte vrgicht/ Nu: 3. dora-
uff derselbe bis in Todt verharret / doraus E. L.
alle vmbstende / des vorrehterischen anschlags
vnd

vnd der Personen / so darzu haben gebraucht
werden sollen / freundlich zuuernemen / Wann es
nun hierumb also geschaffen / so bitten wir E. L.
nachmals freundlich / sie wolte diese hochbes
schwerliche sachen / so vnser Leib vnd Leben bes
treffen / mehr dann bishero geschehen / beherz
igen / Vnd das angeborne Fürstliche Sächsische
geblüt / bey sich dermassen wircken lassen / domit
wir in der that zu spüren / das Euer L. an solchem
der Echter Mörderischen beginnen / kein gefallen
tragen / Sondern sich vermöge der geschwornen
Erbeinung gegen vns erzeigen / Welches wir auff
denen fall zuentpfinden / wann E. L. vnserm hiez
bevor rechtmessigen vnd billichem suchen / wider
Grumbachen stadt geben / Dessen wir vns dann
auff diesen bericht zu E. L. gewislich versehen /
Solte es aber vorbleiben / So wird vns Euer L.
nicht vordencken / das wir vnser notturfft dor
gegen betrachten vnd gebrauchen / Wolten wir
E. L. dero wir sonsten freundlich zudieneu wils
lig / nicht verhalten / Datum Honstein / den
3. Julij / Anno 66.

Augustus Herzog vnd Chur
fürst zu Sachsen ꝛc.

Herzog Johans Friederichs schre-
ben/an die Erbeintungs Chur vnd Fürsten/
bey nachvorzeichentem Buchstaben L.
angemeldet / Ist erslich auch ans
gezogen / vnd anfangs der
Copien vnter Numero
j. zubefinden.

L.

Heinrichen von Staupitz Entschül-
digung an den Churfürsten zu Sachsen / vnd
Herzog Johans Friederichen / am dato
den 16. vnd 26. Augusti / Anno
etc. Exvj.

Item / An Grumbachen.

M.

N.

Unerlauchtigster Hochgebor-
ner Fürst / Gnedigster Churfürst vnd
Herr / E. Churf. G. zwen vnderchiedliche / baldt
nacheinander folgende schreiben / deren des letz-
ten Datum zu Dresden den 27. Julij / jüngst
gestanden

gestanden/hab ich mit vnderthenigster Ehrerbietung
entpfangen/vñ doraus auch den ingelegten
Zettel oder Extract aus Herzog Johans Friede-
richs zu Sachsen/denen zu E. F. G. von Sten-
den des Reichs/vnlangst abgefertigten Gesand-
ten gegebener antwort/souiel vernomen/als sol-
te ich vor einnehmung der Stad Würzburg/zu-
uor vnd ehe solchs geschehen/dauon wissenschaft
gehabt/auch solchs E. Churf. G. berichtet/vnnd
E. Churf. G. solchs beliebet vnd ihr gefallen las-
sen/Mit ferner inhalts zc. Ob nu wol Gnedig-
ster Churf. vnd Herr/mir diese dinge anfenglich-
en vnd auch nicht vnbillich zu gemüt gangen/So
thu ich doch legen Euer Churf. G. der gnedigsten
vormeldung vnd nachlassung gebürliche vorant-
wortungen vnd darthuen meiner vnschuld/an die
hand zunemen/ich mich vnderthenigst bedancken/
Vnd sol darauff E. Churf. G. zu vnderthenigster
warhafftiger bestendiger antwort/nicht bergen/
Das/wer mir nachsagt/oder schreibt/es sey
Grumbach oder wer es wolle/das vñ viel erwen-
ter Einnehmungen der Stad Würzburg/ehe vnd
zuuor dieselbige erfolget/ich das allerwenigste
vorwissen gehabt/Vielweniger hab ich solchs E.
Churf. G. anzeigen vnd vermelden können/Vnd
das Euer Churf. G. solche handlungen beliebet/
oder mir darzu glück vnd heil gewüntschet haben
soltten/

soltten / Der leugt vñnd dichts mich an / als ein
Ehren vorgeffen heilos man / Wil mich auch des
sen gegen demselbigen vñ meniglichem / wie einem
Ehrlichen vom Adel gebürt / mit gutem bestande
vñnd warheit / vor mittelst Götlicher Hülff / ders
massen jederzeit vorantworten vñ entschuldigen /
auch hinfürder in vnderthenigkeit / also zuvorhal
ten wissen / damit E. Churf. G. meinthalben vn
beschwert vñ vnangestiet wol bleibe sollen / Dar
zu ich mich dann vnderthenigst also hirmit erbo
ten haben wil / Ganz vnderthenigliche bittend / E.
Churf. G. wolle diesen meinen vnderthenigsten /
warhafftigen beständigen Regenbericht / gnedigst
vormercken / Auch darauff bis zu fernere gebürli
che vorantwortungen / ob derselben vonnöten / aus
gnaden entschuldigt / auch ob diser antwort / weil
es eine sache / die mir meine Adelige Ehre vñ leu
mut betrifft / je kein vngnedigs misfallen haben /
sondern mein gnedigster Churfürst vñ Herr sein
vñ bleiben / Solchs vmb E. Churf. G. vnder
thenigst zuuordienen / bin ich schuldig / ganz willig
vñnd ge fließen / Actum Peltzig / den 16. Augusti /
Anno 7c. 66.

E. Churf. G.

Vnderthenigster gehorsamer.

Heinrich von Staupitz.

84

Köpen

Copen Heinrichen von Staupitz
entschuldigung / auff das vnwarhafftige Fürge-
ben vnd Bezichtigung / wegen Einnehmung
der Stad Würzburg / Anno

1 5 6 6.

S Brehleuchtiger / Hochgeborner
Fürst / gnediger Herr / E. F. G. kan ich vn-
derthenigst meiner Ehren notturfft nach / nicht vn-
uermeldet lassen / Das der Churfürst zu Sach-
sen / Mein gnedigster Churfürst vnd Herr / mir
kurtz verruckter zeit / zween vnderschiedliche schrei-
ben nacheinander / Welches das letzte den 27.
Julij zu Dreszden datirt vñ vberschickt / in solch-
em Schreiben einen Zettel oder Extract gelegen /
welchen E. F. G. vnder andern des Reichs ge-
sandten zur antwort gegebē haben zc. aus welch-
em ich soniel verstanden / als solte zuuor / vnd ehe
Würzburg eingekommen worden / ich des gut
wissenschaft gehabt / solches auch dem Churfür-
sten zu Sachsen vermeldet vnd angezeigt / welch-
es J. Churf. G. jr gefallen lassen / mir glück vnd
heil darzu gewünschet / mit fernern inhalt zc. Ob
nun gnediger Fürst vnd Herr / Euer F. G. etwan
durch meine misgünstigen / solcher vnrechtmessi-
ger Bericht / vielleicht möchte vorbracht worden
sein / stelle ich an seinen ort. Weil mir aber an solch-

er auflage vngütlichen/ auch mit warheit nimmer
mehr kan oder sol dargethan werden/ vnd mir ehr
vnd glimpff doran gelegen/ Als gelangt an E. F.
G. mein vndertheniges bitten/ E. F. G. wolten
mir solchen angeber vñ berichter/ durch schrift ver
melden/ anzeigen vnd namkündig machen lassen.
So wil ich mit Gottes hülffe dermassen meine vn
schuld darthun vñ ausfüren/ das der Churfürst
zu Sachssen/ E. F. G. vnd menniglichen vber meis
ner vnschuld/ ein gnediges gefallen tragen sollen/
Vngezweiffelter hoffnung/ E. F. G. werden sich
zu darthun meiner vnschuld vnd rettunge meiner
ehren/ mit vermeldung des angebers/ derselbigen
einer oder mehr gnedigst erzeigen/ Das wil vmb
E. F. G. ich in aller vnderthenigkeit hinswider zu
uordienen willig befunden werden/ Actum
Pelzigk den 26. Augustii/ Anno zc. 66.

E. F. G.

vndertheniger

Heinrich von Staupitz.

L Oer Ehrnuester Oberster/ Ewer antwort
auff mein schreiben/ hab ich den 24. ditz Mo
nats Septembris/ zu Görlitz empfangen
vnd verlesen/ Vnd wer wol billichen/ auch meine
cufferste vnd höchste notturfft/ das ich die vnuer
k ij diente

diente auflage/nach der lenge verlegte/ Sietwell
ichs aber jziger zeit/wegen meines auffziehens in
Hungern/füglichen nit thun kan/lasse ichs vmb
fürze willen/auch bey meiner vorigen verantwor-
tung beruhen vnd bleiben/ Vnd sage vnd schreibe
das noch vnuerholden / wer mir zumist vnd auff-
legt/das ich von ewern vnd den ewern mit Con-
sorten vornehmen mit der Stade Würzburgk/
vor der einnehmung etwas gewust/oder das mir
durch euch oder einigen Menschen vertraut/auch
dem Churf. zu Sachsen/vnnd Burggraffen zu
Magdeburg/M. G. H. ichs zuuorn angezeigt/
vñ jr Churf. G. mir darzu glück vñ heil gewünt-
schet solten haben/ Die liegen vnnd tichten michs
an/als ehruergessene verlogene lose Leuthe/ Vnd
sollens auch nimmermehr dardhun vnnd beweisen/
Vnd hette mich zu euch nit versehen/das ihr mich
in solchen handel mit vermengen soltet/ Aber ihr
soltis vor gewis wissen/do es zu einiger weitleuff-
tigkeit einreissen würde / so wil ichs ob Gott wil
dermassen mit hande vnd munde vorantworten/
vnd ewer schreiben vnd auflage mit warheit vnnd
bestande/wie solchs einem ehrlichen vom Adel/vñ
Kitternmeßigen Manne/der von Adlichen Ehren
vnd herrschaffen / nichts anders gebüret/ damit
menniglichen meine vnschuldt sehen vnd befinden
sollen/widerlegen vnd dermassen vorantworten/
das

das diese ding allein zuuerunglimpfung vomm
euch/ewer sachen vnd handel damit zuschmücken
vnd zubeschönen/zugemessen werden. Solches
ich euch ferner wissen zuhaben/nit verhalten wol-
len/
Datum Görlitz den 26. Septembris/
Anno 21. 66.

Heinrich von Staupitz.

Dreblauchtiger hochgeborner Fürst / gne-
diger Herr / E. F. G. seind meine vermög-
liche dienste beuorn / Gnediger Fürst vnd
Herr / E. F. G. antwort / so den 19. Septemb. zu
Grimmstein datirt / hab ich den 24. ditz monats
alhier zu Görlitz entpfangen vnd verlesen / Were
auch billich vnd meine höchste notturfft / das ich
mit lengern legenbericht solche vnbilliche vn vnge-
gründte vnuerschulte auflage vorlegte / Dieweil
ich aber wegen meines auffziehens im Hungern
verhindert / so lasse ichs bey meiner vorigen Ver-
antwortung nachmals bleiben vnd beruhen / vnd
sage das / wer E. F. G. berichtet / oder mir zumts-
set / das ich von Wilhelm von Grumbachs / Ernst
von Mandesloe vnd Wilhelm von Steins vor-
nehmen / wegen der Stad Würzburg / vnd densel-
ben einnehmung zuuor gewußt / oder mir dazu-
mal vertraut / des gleichen das ichs dem Churf.

zu Sachsen vnd Burggraffen zu Magdeburgk /
M. Gue. H. für der einnehmung angezeigt / vnd
ir Churf. G. mir darzu glück vnd heil solten ge-
wütschet haben ꝛc. Der leuget vnd dichts mich
an / als ein ehrloser vnd verzweiffelter bösewicht /
Es mus Grumbach auch selbst nicht anders sa-
gen / Wie dan sein ißiges schreiben klerlichen dor-
auff lautet / vnd klar vermag / Das ich vor der
einnehmung der Stadt Würzburgk / gar nichts
dauon gewußt / Wie kan ichs dann hochgedach-
ten Churf. zu Sachsen berichtet habē / Wil auch
solchs / da es zu weitter ausfürung komen solt /
ob Gott wil meinen Adlichen ehren vnd herkom-
men nach / dermassen verthedingen vnd vorant-
worten / damit mein vnschuldt gnugsam sol aus-
geführt werden / Vnd bit E. F. G. / solch mein
schreiben / dieweil ichs meiner ehren notturfft nach
nicht vmbgehen kan / inn vngnaden nicht zuuer-
mercken noch auffzunehmen / Solches E. F. G.
ich nicht verhalten wollen / Vnd bin E. F. G. vns-
dertheniger gebür nach zudienen willig / Datum
Görlitz den 26. Septembris / Anno ꝛc. 1566.

E. F. G.

Dienstwilliger

Heinrich von Staupitz.

An Johans Friederich
Herzogen zu Sachsen ꝛc.

Instrumenta/ober Hansen Behemen
vnd Plassen aussagen vnd bekentnis.

Numero

5. 6. 7.

Hansen Behemen Instrument
tirtē Aussage zc.
Nu: 5.

In dem Namen des

Herrn/Amen. Kund vnd wissen sey allen vnd
jlichen / was Wirten oder Standes die seind/
so diß öffentliche Instrument sehen oder hören les
sen/ Das nach Christi vnserß lieben Herrn vnd
Eeligmachers Geburt / Tausent Fünffhundere
vnd im Sechs vñ sechzigstien jare/in der Neund
ten Römer Zinszal/zu Lateln Indiction genant/
Donnerstags nach dem Contag Trinitatis/
welcher do war der Dreizehende Tag des Mo
nats Junij/vmb acht hora vor Mittage/bey zeit
vñnd Regierunge des Alldurchlauchtigstien/
Grosmechtigstien / vñnd Vñberwindlichstien
Fürstens

Fürstens vñ Herrns/Herrn Maximiliani/dieses
namens des andern/Römischen Keyfers / zu al-
len zeiten Mehrern des Reichs/ in Germanien/
zu Hungern / Bhem / Dalmatien / Croatien/
auch Schlawonien zc. König / Erzherzogs zu
Osterreich/ Herzogs zu Burgundien/ Steiern/
Kerndten/Crain/ vnd Wirttemberg zc. Grauen
zu Tyrol zc. vnsers aller gnedigsten Herrns/auf
befehle des Durchlauchtigsten/Hochgebornen
Fürsten vnd Herrn/Herrn Augusti Herzogs zu
Sachsen/des heiligen Röm. Reichs Erzmar-
schalls vñ Churfürstens/Landgraffens in Dür-
ringen/Marggraffens zu Meissen/vnd Burg-
graffens zu Magdeburg/vnsers gnedigsten Her-
rens/Die Ehrnuesten/vñ Erbare/Hans Jenitz
vnd Valerius Krakaw / beide Churfürstliche
Camier Secretarien/vnd Caspar Zipser/Chur-
fürstlicher Thürknecht/ In des Erbarn Rahts
alhier zu Dreßden vorwahrunge oder hause/so
man die Bütteley nennet/in der Vndterstuben/
Vor den Erbarn vnd Weisen Ambrosio Eriken
Amtschößern/Georgen Geiß StadRichtern/
vnd Hansen Johan vnd Christoffen Reichenbach
geschwornen Berichtschöppen/ Vnd vns hier-
nach geschriebenen dreien Notarien vnd offenbar-
ren Schreibern/mit namen Matheo de Quестier/
Bernharden Freidingern/vñ Laurentio Wincel-
man/

man/erschienen seind. Vnd haben alda in gegenwertigkeit/der hernach zu ende mit namen geschribenen vnd hierzu geforderten gezeugen / von wegen Hochgedachts vnseres gnedigsten Herrn des Churf. ꝛc. vns obgenante Notarien/ sembtlich vnd sonderlich vnseres Ampts halben Requirit / ersucht vñ begert / mit anzeigung / Nachdem einer Hans von Freiberg / sonst Behem genant / etzliche vnthaten vnd vorräterey / darzu er sich bestellen lassen / in gütlicher vnd auch Peinlicher frage bekant / Das sie jnen erinnern vnd Ratificiren lassen wolten / Das wir solches bekentnüs von jm auch anhören / vnd was er dessen geständig seyn würde / dasselbige vleissig auffzuzeichnen / vñ in eine oder wo es die notturfft erfordern würde / mehr öffentlich Instrument vnd Form bringen wolten / Darauff ist genanter Hans vñ Freiberg / sonst Behem genant / frey vñ vngewunden für gestellt worden / Welchen die Churf. Befehlhabere obgenant / alles vñ jedes / so er hiebevor in der güt vñ auch peinlichen frage bekant / stückweise erinnert / vñ zum höchsten als immer möglich gewesen / Chriftlich / getrewlich vñ fleissig vormanet / Das er seiner Seelen heil vnd wolffart bedenden / vnd niemand mit vntwarheit beschweren / sondern die rechte warheit bekennen wolte / mit gnugsamer vorwarnunge / was jm derauff sichen würde / ꝛc.

Als hat er auff alle vnd jede stücke / so er be-
fragt worden / vngewungen / freywillig vnd mit
gutem bedacht / geantwortet vnd ausgesagt /
Das alles war sey / was er zuuorn bekant habe /
vnd ist nochmals geständig / Das er anfänglich
bey Wilhelmen von Grumbach / drey jar gedienet
habe / vñ in Einnehmung der Stad Würzburg /
bey ime in diß vortrawen kommen sey / Das er imen
zu derselbigen vorreterey gebraucht habe / Habe
sich in der herberge doselbst / vor einen Herrn aus-
gegeben / vnd gesagt / das sein zugt nach Franck-
reich ginge / Vnd wie Grumbach zwischen drey
vnd vier vhrn vor tage / vor die Stad kommen /
hat er mit seinen gesellen vnd sechs Pferden / vnd
den andern Reutern / deren bis in vierzig pferde in
der Stad gewesen / so sich zuuorn hinin geschleif-
fet / die pforten innen gehalten / das die mit schrau-
ben geöffnet worden. Dornach sey er von Wil-
helmen von Grumbach / vnd Wilhelmen vom
Stein / zu Hilpergk abgefertiget worden / nach
Schwarzburgk / sich der wege vnd stege daselbst
vmbher zuerkündigen / Vnd das er sehen vnd er-
faren solte / wann der Churfürst zu Sachsen /
Herzog Augustus / alda jagen würde / Ist erst-
lich auffn Schneberg ankommen / vnd als er den
Churfürsten nicht antreffen / widerumb gegen
Gotha / dahin er bescheiden gewesen / gereiset / vnd
solchs

solchs Grumbachen angezeigt / hat damals Steben Taler vnd einen weissen Klepper / von Grumbachen empfangen. Weiter sagt er / Das er jzt Pfingsten zwey jar / von Wilhelmen von Grumbach / vnd Wilhelmen vom Stein / zum andern mahl von Gotha / die Dresznische Heiden / vnd dieselben hölzer zubesuchen / sey abgefertigt / Do-
mals jme ein Jegerhorn vnd eine Fürbüchse / gegeben worden / damit er sich vor einen Jeger oder Förster ausgeben solte / Vnd weil er so wol do-
selbst herumb bekant were / hat jme Grumbach ge-
rahten / Er solte sich mit den Jegern bekant mach-
en / vnd sehen / wo er dem Churfürsten auff die
seite / oder hinderwarts bekommen könnte / vnd
jm eine kugel schencken / Vnd wann er solchs vor-
bracht hette / das holz einmengen / oder sonst sehen
wie er dauon keme / Darauff er sich dann auch
vor des Churfürsten Diener ausgegeben / off-
t Jagten bestellet / vnd so nahe an Dreszden / bis
gegen Kötzschbar komen / Als aber der Churfürst
dieselbe zeit nicht gejagt / Habe er sich den ganzen
Sommer bey den Förstern umbher hin vnd wi-
der / auffgehalten / Vnd seind jme auff diese Reise /
acht Taler / vnd hernach noch sechs GULDEN /
vnd neun Taler gegeben worden / Darnach zum
dritten vnd letzten mahl / sey er vorm Jare in der
Weinlese zeit / zu Gota im Schlosse / in eine grosse
stuben

stuben/in dem obersten Gemache / durch Valter
Schönperg / des von Grumbachs Dienern / ge-
fordert worden / dornnen Herzog Johans Frie-
derich der nitler / Wilhelm von Grumbach / vnd
Wilhelm vom Stein / alleine gewest / hat Herzog
Johans Friedrich einen schwarzen rock von Da-
maschken / wie er sich deuchten lest / mit Sammet
vorbremet / vnd mit Zobeln gefüttert / vnd ein
schwarz Sammaten gestept Koller angehapt /
Grumbach aber habe einen Lündischen Mantel
mit Sammet vorbremet / gehabt / sey mit Wil-
helmen vom Stein / vor dem Tische gestanden /
der Herzog aber habe gefessen / Es sey auch ein
beschrieben Pappir auff dem Tische gelegen / dar-
aus ime der Eidt durch Grumbach / siehende für-
gesagt / welchen er siehende mit auffgerackten
Fingern geschworen / Das er / was ihme befoh-
len / ausrichten wolte / Vnd ob er darüber gefan-
gen würde / das er sich ehr zu stücken solte reissen
lassen / dann das er diese sache offenbaren oder
bekennen wolte / Vnd hetten ihme befohlen / das
er dem Churfürsten / wann S. Churf. S. mit
den Leithunden vorsuchten auff der Jagt nach
schleichen / vnd sehen / das er S. Churf. S. er-
schießen möchte. Weil er sich auch vornemen
lassen / das er einen Bettern an des Churfürsten
Hofe hette / So habe ime Grumbach ein Pulffer
gegeben /

gegeben/welches fahl gewesen/ in einem starcken
Pappir / vnd jme befohlen/ Er solte sehen/das
er etwa im des Churfürsten Küchen kommen/
vnd das Pulffer ihm die Speise bringen köndte/
Hat ihme auch zugesagt/ Wo er die sachen recht
ausrichten würde/das er zu einem reichen Gesels
len gemacht solt werden/ Der Fürst aber habe
jm nicht viel gesagt/ auch nichts vorheiffen/son
dern diese wort geredt/ Siehe Hans von Frei
berg/ das du die sache/ so dir befohlen/recht aus
richtest. Solch Pulffer aber / habe er darnach
dem Wirte zu Salfelt / Wolff Albrechten / auff
zuheben gegeben/ Jme auch vortrawet/ worzu er
solchs gebrauchen wolte/ Vm wol gedachter Al
brecht zuuorn nichts daruon gewust/ Dasselbe
Pulffer auch lange nicht vō jm annehmen wollen.
Er hab auch doneben demselben Wirte eine Bü
chffe auffzuheben gegeben / doran der Han zer
sprungen / wie er dann zwo kurze Büchffen von
Grumbach zu Gota bekommen/ auch sonst andere
büchffen mehr gehabt/ zu vier spannē lang/ sampt
einem Pirschrohr/welches er von einem Parwert
bekomen vnd entlehnet zu Schwarzfelt/ vnd jm
dargegen ein schwerd gegeben. Vnd ob wol deme
also/das er diesen End gethan/ so habe er es doch
nicht im hertzen gehabt/das er es het volbringen
können/ Habe auch den Churf. niemals gesehen/
Sondern

Sondern habe es alleine vmbß geldes willē/ vnd
der zusage halben/ so iñe beschēhen/ gethan.

Also vnd der gestalt/ ist er von den Churfürst-
lichen Befehlichhabern befragt worden/ vnd son-
derlichen auch/ Ob er auff solchem seinem bekent-
nis/ vor Gottes strengen Gerichte bestehen/ vnd
darauff sterben wolte/ Hat er zu ehlichen malen/
vber gnugsame erinnerunge/ so iñe zuuorn/ vnd
hernach geschehen/ seine gewissen/ vnd andere leu-
te/ mit vntwarheit nicht zubeschweren/ Ja/ darzu
geantwortet/ Vnd das er solchs Herzogen Jos-
hans Friedrichen/ Wilhelm von Grumbach/ vnd
Wilhelmen vom Stein/ auch wann er fürgestel-
let würde/ vnter ire augen sagen wolte/ Solche
seine Aussage/ habē die Churfürsilichen Befehl-
habere acceptirt/ auff vnd angenommen/ Vnd ist
von vns obgenanten Notarien/ mit vleis vors-
zeichnet/ vnd auff vorgehende Requisition/ wie
oben vormeldet/ in diese offentliche Form gebracht
worden/ Welchs alles geschehen vñnd ergangen
ist/ im Jare/ Tage/ zeit vnd stelle/ wie im eingange
angezeigt/ In beysein der Ehrenuesten/ Erbarn
vñnd Weisen/ Melchiorn Hauffen Hauptman/
Hansen Khün Bürgermeistern/ Magistern Lu-
cassen Kochen/ Hansen Waltern/ Marcussen
Fuchssen/ vnd Georgen Schwarzen/ welche wie
vnterscriebene Notarien/ zu Gezeugen hierzu er-
fordert vnd gebeten. Vnd

Vnd ich Matthheus de Queſter/ Keyſerlicher
er gewalt offener Notarius/ Nachdem ich ne-
ben den andern beiden Notarien/ bey ſolchen Ac-
ten vñ Handlung gewest/ ſolches alles also Per-
ſönlich geſehen vnd gehört/ habe ich daſſelb neben
inen / in dieſe öffentliche Form vnd Inſtrument/
bringen helfen / vnd mehrern glauben/ mein ge-
wönlich Notariat Zeichen vnterſchrieben/ hierzu
ſonderlich requirirt vnd erfordert.

Des gleichen auch ich Bernhard Freidinger/
von derſelben Keyſerlichen Autoritet vnd macht/
offener Notarius/ Die weil ich neben den an-
dern beiden alhier vnterſchriebenen Notarien / bey
ſolchen Acten gewest / Solches alles also ge-
ſehen vnd gehört / Habe ich diß öffentlich In-
ſtrument mit eigener hand geſchrieben / Auch mit
meinem Namen / zunamen / vnd gewönlichem
Notariat Zeichen/ vnterſchrieben/ hierzu Requis-
irt vnd erfordert.

Gleicher geſtalt auch ich Laurentius Winkel-
elman/ aus Keyſerlicher macht vñ gewalt offen-
barer Notarius / Die weil ich neben den andern
beiden alhier vnterſchriebenen Notarien / bey
in 1 solchen

solchen Acten vñ Handlung gewest / Solchs also
les also Persönlich gesehen vnd gehört / Habe ich
dasselbe neben jnen in diese öffentliche Form vñnd
Instrument / bringen helffen / Zu mehrer beglau-
bigung / hab ich mich mit meinem Namen / zuna-
men / vñnd gewöhnlichem Notariat Zeichen vnters-
schrieben / Hierzu von den Gerichten / sonderlichen
Requirirt vñnd erfordert.

Hansen Behemen Instrument
tirte Reuocation.

Numero 6.

In Gottes Namen :

Amen. Als man zelet nach der Geburt vnser
Erlösers vñnd Seligmachers / Tausent Fänff-
hundert vñnd Sechsvñndsechzig / in der Neund-
ten Römer Zinszal / zu Latein Indiction genant /
Freitags nach Vitz den einvñndzwanzigsten tag
des Monats Junij / zwischen Sechs vñnd sieben
Vhren vor Mittage / Bey Regierung des Allers-
durchlauchtigsten / Grosmechtigsten / vñnd Vns-
Abers

Abertwindelichsten Fürsten vnd Herrn / Herrn
Maximiliani / dieses Namens des andern Römischen
Keyfers / zu allen zeiten Mehrern des
Reichs / inn Germanien / zu Hungern / Behem /
Dalmatien / Croatien / vnd Schlaunien etc.
König / Erzherzogen zu Osterreich / Herzogen zu
Burgundien / Graffen zu Habsburg / Flandern
vnd Tyrol zt. vnser aller gnedigsten Herrn / S.
Key. May. Reiche / des Römischen im vierdten /
des Hungerschen im dritten / vnd des Behemischen
im achtzehenden / auff dem Rathhause alhier
zu Dreszden / in der grossen Kuchstuben / vor dem
Erbarn vnd Weisen Ambrosio Erichen Amba-
schöffern / vnd den Gerichtsuorwaltern alhier /
mit namen Herrn Hansen Rahn / Christoffen
Kenthman beyden Bürgermeistern / Anthonio
Glasern / Hansen Thon / Christoff Reichenbach /
Paul Behren / als Gerichtschöppen / vnd Ge-
orgen Weisen vorordenten Stad Richter / auch
in gegenwertigkeit / vnser beyder zu ende mit na-
men vnterschriebenen Notarien / vnd nachuor-
zeichneten gezeugen / Seind die Ehrnuesten vnd
Erbarn Hans Jenitz / vnd Valerius Cracaw /
Churfürstliche Cammer Secretarij / erschienen /
habende neben sich den Wirdigen Herrn / Anthonio
Rudolfum / alhier Diacenum / vnd Lo-
renzen Blman / Churfürstlichen Kanzley Se-
cretarium

cretarium/ vnd aldo vorgebracht/ Das sie von
Churfürslicher Durchlauchtigkeit vnserm gnes
digisten Herrn/ befehlich empfangen / sich an den
Gerichten zuerkunden / wie es mit der Reuocatis
on oder widerruffung des gerechtfertigten Hans
sen von Freibergs / sonst Hans Behem genant/
allenthalben gelegen / Welcher gestalt die gesche
hen / auch wiewiel stücke/ so er zuvorn in der pein
lichen Vrgicht / vnd nachfolgenden Ratificati
on/bekant/ Vnd was er der vor dem Peinlichen
halsgerichte/ehe er seine vordiente straff erlitten/
gestanden aber nicht / vnd vns Notarien Requis
rirt vnd erfordert / Was wir also vor bericht von
den Gerichten hören würden / das wir dasselbige
eigentlich auffzeichnen/ vnd in ein öffentlich Ins
strument bringen wolten/ Hierauff haben die Ge
richte / wie es mit der Reuocation oder wider
ruffung zugegangen / vnd welcher massen die gesche
hen/diesen mündlichen bericht gethan.

Erstlichen bericht der Ambtschösser zu Dresz
den/Ambrosius Erich/ Als Hans Behem am
dinstage nechstuorschieden den achtzehenden Jun
nij/aus des Rahts Fronueste/ vor dem Raht in
die Rahts stuben gefüret / vnd in gegenwertigkeit
des ganzen vorsambleten Rahts / durch ihnen
den Ambtschösser befragt worden/ Ob er noch
darauff

barauff beharrte / Das er durch Wilhelm von
Grumbach / vnd Wilhelm vom Stein / abgefertigt
sey / vnd men zugesagt hab / den Churfürsten
zu Sachsen zc. vnsern gnedigsten Herrn / zu
uorkundschaften / vnd S. Churf. G. nachzusiel
len / vnd wo er gelegenheit erschen würde / S.
Churf. G. nach dem leben zutrachten / Ist er des
gantz vnd gar ausgefallen / vnd gesagt / Er ken
nete Wilhelmen von Grumbach nicht / hette ihn
auch sein lebelang nie gesehen / Aber Wilhelm
vom Stein / den hette er einmahl gesehen / wüste
aber nicht / wo / Hierauff er solches auff allens
halben / widerumb eingefüret / vnd auff ein vorge
hent Vrtel / wider peinlich sollen gefragt werden /
Da hat er (ehe denn der Ambschösser / vnd der
Stadtrichter / sampt den andern Herrn Schöp
pen vnd Gerichts personen / hernach in die Fron
ueste kommen) dem Scharffrichter freywillig /
vnd one einigen zwang oder Tortur bekant / Das
es ja an deme sey / das er derhalben von den obge
melten zweien abgefertigt were / Vnd solchs / als
der Schösser / der StadRichter / vnd die andern
Herrn hernach kommen / nicht alleine also ohne
Tortur vor ihnen gleicher gestalt gestanden / son
dern auch darzu gesagt / Das domals / wie sie
jnen zum letzten mal abgefertigt / Wilhelmen von
Grumbach / sampt einem seiner Knechte / Hans

Reas genant / mit ihme von Salsfeldt bis gegen
Plawen geritten / vnd eine nacht bey der Henne-
bogerin / deren Mann vorrugker zeit erstochen
worden / zur herberg gelegen.

Vnd hette Grumbach damals mit ime vora
lassen / wle er die sachen finden würde / das solt er
im wider zuschreiben / vnnnd die Brieffe genantes
Wirtin der Hennebogerin zuschicken / die würde
dieselben ihme Grumbachen / fürder zufertigen /
Hat auch auff vielfaltige fleissige vormanung /
vor den Gerichts Personen darauff bestanden /
das es also war sey / Als er aber hierauff bea
fragt worden / Warumb er denn solchs / so es
doch zuuor bekant vnnnd gestanden / widerruffen
hette / hab er geantwort / Das er Wilhelm vom
Grumbach vnd dem vom Stein / einen Eydt vna
ter andern geschworen / Wann er gefangen / peina
lich gefragt / vnd gleich bekennen würde / das er
doch / wann er vor Gericht keme / alles / so er zu
uorn bekant / widerruffen / vnnnd sie beyde enta
schuldigen wolte / Vber diese der Gerichte kundta
schafft vnd auffage / Hat Herr Antonius Ru-
dolff Diaconus alhier zu Dresden / welcher
des gerechtfertigten Hansen Behemens Beichta
uater gewesen / auch berichtet / das er heute Freis-
tags acht tage / zu ime ins Gefengkis sey gefora
dert / men Beichte zu hören / vñ das Hochwürdige
Sacras

Sacrament zureichen / habe inen alda Christlich
vnd getrewlich vormanet / weder sich selbst noch
sonsten jemand's mit vnwarheit zubeschweren /
Darauff der gefangene bedenkzeit genommen / vnd
gebeten / Das er auff den Sonnabend wider zu
sime wolte kommen / Vnd als solchs geschehen /
vnd befragt worden / Worauff er denn bestünde /
Hat er gesagt / was seine vorige aussage / Wil-
helmen von Grumbachs / vnd des von Steins
abfertigung belangende / dasselbe sey war / Wie er
ihme denn solchs auch in der Beicht offenbaret
vnd bekennet / Aber mit dem Pulffer / das Herz-
zog Johannis Friederich zu Sachsen zc. neben
ihnen beyden ihme solten zugestalt haben / dem
Churfürsten damit zuuorgeben / desgleichen
auch mit dem Wirt zu Salfelt / deme ers sol auff-
zuheben geben haben / doran sey nichts / Darauff
er auch also / das Sacrament empfangen / vnd
bestendig vorharret / Valerius Krakaw Churf.
Kammer Secretarius / berichtet hieneben auch /
Das Hans Behem ine beneben dem Herrn An-
thonio Rudolffen Diacono / vñ dem Ambschöf-
fer / als sie alle drey bey im gewesen / bekant habe /
Das in Grumbach vñ Wilhelm vom Stein / al-
leine abgefertiget hettē / das er den Churfürstē zu
Sachsen vnsern gnedigstē Herrn vorkuntschafftē
/ auch S. L. F. G. nachschleichen / vnd wo er
S. Churf.

S. Churf. S. beykommen könnte/ eine Kugel schenck
en solte/ Es were aber Herzog Johans Friederich
dabey nicht gewesen / So were es auch mit dem
Puluer nichts/welches sie jure seinem vorigen bez
kentnüs nach/solten gegeben haben/ Also sage
auch Secretarius Lorenz Bliman / das er auch
angehöret/ Das Hans Behem in der Rahts
be/ehe dann er das erste mal vor gericht vorge
standen / gesagt / Er beschwere die Leute/ auff
welche er bekant habe / vnd kenne Grumbach
en nicht/ Als er aber bald dornach widerumb in
die Büttlen gefürt/ vnd vormahnet worden / die
rechte Warheit zubekennen/ habe er gesagt/ Es
sey ja also/ vnd alzuwar/ Er wolle auch dorauß
ersterben/ das ihnen Grumbach vnd Wilhelm
vom Stein/ abgefertigt haben / vnd wolte für
der nicht widerrufen / mit dem anhang/ das er
soleches / wie ob siehet / zuwiderruffen geschworen
hette/ Hierauß er widerumb vor Gerichte gestel
let / Ist er deme nach / von dem Amtschöffer/
StadRichter / auch lechlich von dem Scharff
richter/ vnterschiedlich gefrage worden/ ob er denn
noch darauff besiehe / Das er den Churfürsten
zu Sachsen -c. zuuorkundtschafften / vnd S.
Churf. S. nach dem leben zutrachten / von Wil
helmen von Grumbachen/ vnd Wilhelm von
Stein/ abgefertiget/ Hat er frisch vnd vber laut/
als

als er zuuor niehe geredt / das es menniglich hae
hören können / zum drittenmal / Ja / gesagt / Dar
auff der Stab zubrochen / die Gerichte auffge
haben / vnd die Executio / vormäige des Brtels era
folget / Solche der Gerichte / vnd der andern Pers
sonen aussage / haben die obbenanten Churfürst
lichen Befehlhabere / acceptirt vnd angenommen /
Vnd vns Notarien wie obgemelt / Requirit vnd
begetet / das wir es in eine öffentliche Form vnd
Instrument fassen vnd brengen wolten / welches
also von vns geschehen / Vnd seind hierbey ge
wesen / die obbenanten Personen alle / vnd darne
ben auch die Erbaru vnd Weisen / George
Schwarz vnd Bastian Wigke / Rahts freunde /
als Gezeugen / von vns herunter beschriebenen
Notarien / sonderlich hierzu erfordert vñ gebeten /
Geschehen im Jare / Tage vnd stunde / wie oben
im eingang vormeldet.

Vnd nachdem ich Bernhart Freidiger / von
Röm. Key. May. gewalt / offenbarer Schreiber /
neben dem andern hier vnderschiedenem Notaris
en / darbey gewest / da die Churfürstlichen Bes
fehlhabere / von den Gerichten des gerecht fertige
ten Hansen Behemens bekentnis / vnd widera
ruffung halben / bericht vnd kundtschafft beget /
Dasselbige / vnd auch was die Gerichtshaldere /

vnd andere Personen/so befragt worden/dorauff
ausgesagt/vnd bericht von sich gegeben/gehört/
habe ich dasselbige was ich vernomen vnd auffge-
zeichnet/in dieses Instrumente gesetzt/vnd in of-
fentliche Form bringen helfen/Auch des zu vr-
kund/mich mit namen vnd zunamen/sambt meis-
nem Notariat zeichen vnderschieden/hierzu Re-
quirirt vnd erfordert.

Vnd nachdem ich Laurentius Winkelman/
von Röm. Key. May. gewalt offener schrei-
ber/neben dem hienor vnderschiedenen Notaris
en dabey gewest/Da die Churf. Beuehlhabere/
vonden Gerichten des gerechtfertigten Hansen
Behemens bekentnis vnd widerruffung hal-
ben/bericht vnd kundschafft begert/dasselbige
vnd auch was die Gerichtshaldere/vnd andere
Personen so befragt worden/darauff ausgesaget
vnd bericht von sich gegeben/gehört/Habe ich
dasselbige/was ich vornomen/vnnd auffgezeich-
ent/in diese öffentliche Form bringen helfen/Vnd
diz Instrument mit eigener hand geschrieben/
Auch des zu Vr kund/mich mit meinem Tauff
vnd zunamen/sambt meinem Notariat zeichen
vnterschieden/Von den Gerichten hierzu sonder-
lich requirirt vnd erfordert.

Phillip

Philip Plassen Instrument
tirte Aussage.

Numero 7.

Gottes heiligen Na-

men angeruffen / Sey hiemit kund vnd offenbar /
Allen denen so diß öffentliche Instrument sehen
oder hören lesen / Das nach Christi vnsers lieben
Herrn vnd Seligmachers Geburt / Im Tau-
sent Fünffhundert vnd Sechsvndsechzigsten
Jare / in der Neunden Indiction oder Römischen
Zinszal / Montags am tage Joannis Baptiste /
welcher alzeit ist / der viervndzwanzigste des
Monats Junij / zwischen fünff vnd sechs horen
vor mittage / Bey Regierunge des Allerdurch-
lauchtigsten Grosmechtigsten Fürstens vnd
Herrens / Herrn Maximiliani / dieses Namens
des Andern Römischen Keyfers / zu allen zeiten
Mehrs des Reichs / in Germanien / zu Hun-
gern / Bhem / Dalmatien / Croatien / vnd zu
Schlauonten / ꝛ. Königes / Erzhertzogs zu
Osterreich / Hertzogs zu Burgundien / Steiern /
Kerndten / Crain / vñ Wirtemberg ꝛ. Grauen zu
Tyrol / vnsers Allergnedigsten Herrens / seiner
ii Keyfers

Kaysferlichen Mafestat Reichs / des Römischen
im vierdten / alhie zu Dreszden im des Erbar
Rahts Fromeste / vom gemeinen Volcke / die
Bütteley genant / im der Oberstuden / so dem
Hofe warts zu / zur rechten hand gelegen / Aus
befehl des Durchlauchtigsten / Hochgebornen
Fürstens vnd Herrens / Herren Augustii / Her
zogs zu Sachsen / des Heiligen Röm. Reichs
Erzmarschalchs vnd Churfürstens / Landgraf
fens in Düringen / Marggraffens zu Meissen /
vnd Burggraffens zu Madeburg / vnser gnes
digsten Herrns / die Hochgelarten Ehrnubesten /
vnd Erbar Herr Laurentius Lindeman auff
Sedelitz / der Rechten Doctor / Barthel Laut
terbach / Hans Jenitz / vnd Valerius Krakaw /
seiner Churfürstlichen Gnaden Rätthe / Kent
meister / vnd Cammer Secretarien / vnd in dieser
nachuolgenden sache vorordente Commissarien
vnd Befehlhabere / erschienen seind / Vnd also in
gegenwertigkeit / der Erbar vnd Weisen / Am
brosien Erichen Amtschöffers / Hansen Kühn /
Bürgermeisters / Paulu Behers / Hansen
Thons / vñ Georgen Geissens / Stad Richters /
von wegen der Gerichte / auch in beisein vnser bet
der zu ende dieses Instruments vnterzeichneten
Notarien / vnd dreier Namhaftiger Zezeugen /
so auch mit namen hernach geschrieben / fürge
bracht.

Nachdeme

Nachdem ein gefangener / Philip Plass ge-
nant / welcher domals auch persönlichen zugegen
gewesen / auff gütliche vnd auch peinliche frage /
eine Brgicht vnd bekentnüs gethan / dieselbige
auch zum offtermal freywillig widerholet / Welch
freywillig bekentnüs aus seinem munde in schrift-
ten vorfasset worden / So hetten sie befehl / inne
solche Brgicht / aussage vnd bekentnüs / noch ein-
mal in der Gerichte / vnd vnser aller gegenwertig-
keit / vorlesen zulassen / vnd zubefragen / Ob er
dor auff beharren wolle / mit begerung / das die
Gerichte / des so er gestendig / eingedenck / bey ihnen
als dem Gerichte Registriren / vnd dauon jeders-
zeit gezeugnüs geben wolten / Desgleichen auch
vns Notarien / von wegen vnser Ampts / Re-
quirirt vnd erfordert / Das wir solches in ein of-
fentlich Instrument fassen vnd bringen solten /
Damitte man sich des / so offte es die Notturffe
erfordern möchte / der Wahrheit zu steuer / zuge-
brauchen / Welchem also nach / ist des gefangenen
Philipfen Plassen Brgicht vnd bekentnüs / of-
fentlich vorlesen worden / des lauts vnd inhalt /
wie von worte zu worte hernach folget.

Ersilichen sagt genanter Philip Plass / das er
den Neuntzehenden / Zwanzigsten oder Einvnd-
zwanzigsten Augusti / nebstuorgangenen fünff-

vñ sechzigsten Jares zu Weimar / in einer Herber-
ge in der Gassen / wann man von Erffurd hienem
zeucht / wol hinein in die Stad / vor welchem haus
se ein Nothstul gewesen / Hansen von Hildens-
heim / so Herzog Johans Friederichen zu Sachs-
sen vortrawter Hoffdiener / mit zweien Pferden
anfenglichen seines Brudern Mertens halben /
so im Dorff Pischleben / im Ambt Sachsenburg /
an der Pestilenz krank gelegen / angeredt / das er
den Obristen / Ernsten von Mandeslo ansprech-
en wolte / das sein Bruder einen tag oder etlichen
aldo bleiben möchte / Welchs dann also bewillt-
get worden / Vnd weiter hette er jme seinen an-
schlag wider die von Erffurd / nach dem Zerbestier
Marckt entdeckt / vñnd mitte zureiten gebeten /
Darauff hette im Hans von Hildensheim hin-
wider einen andern anschlag vortrawet / Welchs
er gestalt der Churfürst zu Sachsen zc. wann
seine Churf. G. auff der Jagt vñnd weidewerck
sein / von den Kleppern absteigen / vñnd dem Wils-
prath nachtrachten vñnd nachschleichen würden /
vberfallen / gefangen vñnd weggeführt solte wer-
den.

Zu welchem anschlage ein Edelmann die
kundschaft selte eingebracht haben / das es jho
die rechte zeit were / solch fürnemen ins werck zu-
richten / vñnd den Churfürsten bey dem kopffe zu-
frieren

Kriegen/ Vnd wie er hernacher von Georgen Tü-
beln vorstanden/ solte dieser Edelman Anthoni-
us Pflugk vom Schradewalde gewesen sein/
vnd darauff hette inen Hans von Hildensheim
angesprochen/ vnd ersucht/ mitte zureiten/ Es
were auch solcher anschlagk albereit so weit be-
schlossen/ vnd abgeredt gewesen/ das man balde
auff sein sollen/ als wie man sagen möchte/ den
abend oder folgenden morgen/ Vnd zu solchem
ritte/ hetten Georgen Tübelns anzeige vnd be-
dünnen nach/ sollen zwölff oder vierzehen Pfer-
de gebraucht werden/ vnd hetten sollen mit reiten/
Anthonius Pflugk/ Ernst von Mandeslo die-
nere/ vnd George Tübel/ welcher der Führer sein
sollen/ wie sich Tübel des alles vormutet/ Vber
das sagt auch Plasse/ das George Tübel inie an-
gezeigt hette/ das man im Ampt Aldenburgk die
Leger halten müste/ wann man auff den Chur-
fürsten einen anschlagk machen wolte/ dann es
sich mit dem Posten zu lange vorweillete.

Es sol auch Hans von Hildesheim/ wie inen
Tübel hernacher berichtet/ ein hundert Taler zur
zerunge/ zu solchem Ritte empfangen haben/ Ob
aber auch hierüber mehr Pferde vorsteckt haben
sollen werden/ wisse er nicht/ Als er aber Hans-
sen von Hildensheim gefraget/ Was sie nun den
Churfürsten

Churfürsten bekennen / wo sie mit seinen Churf.
S. hin wolten / Hette er geantwort / darumb solt
er sich nicht bekümmern / seine Churf. S. solten
wol behalten werden.

Doneben hette auch Hans von Hildensheim
gesagt / Es were jzt die rechte zeit / dan von einem
Müller Propheceiet worden / das der Churfürst
gleich vmb die zeit einen sturz leiden solte / Wie
wol er nun wider diesen anschlag nichts reden /
noch demselbigen aus forchte / das er bey ihnen
nicht vordechtig würde / stracks abschlagen dörf-
fen / So hette er doch auff seinem ersten anschlag /
so er wider die von Erffurth / nach dem Zerbestier
Markte fürhette / gedrungen / der auch nicht vor-
zugt leiden wollē / Auch nachmals Hildensheim
vnd Tübeln gebeten / mitte zureitten / Darauff
Hildensheim gesage / das an diesem Anschläge
wider den Churfürsten mehr gelegen / Vnd weil
sich Plasse vff diesen fürsschlag nicht erkleren wol-
len / da hette er vormercket / das es Hildensheim
fast gerewen / das er mit diesem Anschläge gesch-
napffe / vnnnd so weit los gegangen / Vnd es were
auff solches alles weiter erfolget / das Plasse des
andern morgens seinem anschlage nachgezogen /
vnd von Weymar nach Gotha / vnd von dannen
nach Sangerhausen geritten / Auch Georgen
Tübeln

Zübeln sambt seinem Sone / Des gleichen Chri-
stoffer Müllendorffen / auch zwene Brauns-
schweigische Einspennige / Matheffen von Hals-
berstadt / vnd Georgen / so sich bey denen von Küss-
sen / auffheldet / mitte zurciten vormocht / Welche
dann auch auff solchem Ritth / als den Zerbesten
Marck auff Bartholomei / des nechstvorwichenen
fünff vnd sechzigsten Jahres / einen angriff auff
dem Mansfeldischen bodem gethan / vnd hetten
fünff Damaschken vnd andere wahre bekom-
men / Auff solchem Ritte hette George Zübel
von dem Weimarischen anschläge / mit Plassen
weiter geredt / Vnd sich vornemen lassen / Wann
sie denselbigen volbringen wolten / so weren jhr
doch noch genug aldo / Vnd würden es an ihnen
wol volbringen / Ob aber derselbige Ritt fürge-
nomen / oder wie es damitte ferner ergangen / das
könte er nit wissen / seines crachtens / möchte auch
dieser Rith dardurch verhindert worden / vnd vor-
blieben sein / Das er neben Zübeln nicht mitte ge-
ritten / dann er weiter berichtet / Weil Zübel dar-
umb zu Gotha am Hofe so wol gehalten / ihnen
auch Herzog Johans Friederich zu Sachsen /
mit einem hübschen Gaul vorsehen / das er an-
schlege / den Churfürsten zu Sachsen weg zufüh-
ren / fürgegeben / vnd er aber diese ding / der er nicht
befugt / zuuorrichte nicht gewust / So hette Zübel
o 1 denselben

denselben Ritt / dester lieber mit jme gethan / We-
re auch vngesehrlich vmb Michaelis des vor-
gangenen Jahres / vom Hofe heimlich hinweg ge-
ritten / vnd dardurch in vngnade vnd misztrauwen
komen / Also wie er durch floch rede vernomen /
das man jme / auch Romanussen Dehnen nach-
setzte / das sie möchten erschossen werden / damitte
man von ihnen nichts erfahren könnte / denn sich
einer vornemen lassen / das Grumbach gesagt /
das keinem mehr so bald sollte vortrawet werden /
vnd würde es ein anderer entgelten müssen /
Letzlich hat auch Plasz / vnder andern gesagt /
wie ihnen die sachen der Echter ansehen / so müste
Grumbach gewis einen vorstandt mit Fürsten
haben / dann die Heckenreuter würden es nicht
ausmachen / weil Grumbach offte seine Knechte
hin vnd wider vorschicket / Es hette sich George
Zübel auch gegen jhme vornemen lassen / das er
auff die Cammertwagen / wann die gegen Leipzigt
gingen / auch hernacher gegen andern / von deh-
nen ers gehört / vorlauten lassen / das er auff
die Kuttschen / so gegen Leipzigt giengen / seinen
Anschlag machen wolte / Wie ehr dann auch
Georgen den Braunschweiger ersucht vnd ange-
sprochen / mitte zureiten.

Vnd Plasse hielt es dauor / das Herzog Jo-
hanns

hanns Friederich zu Sachsen / Wilhelm von
Grumbach / Wilhelm vom Stein / vnnnd Ernst
von Mandeslo / von diesen Hansen von Hils-
densheim / vnnnd andern anschlegen wider den
Churfürsten zu Sachsen / gut wissenschaft ge-
habt / sonderlich weil Hans von Hildensheim /
des Herzogen vortrawter Diener were / das ders-
selbe mit seines Herrn vorwissen vnd willen / in
solchen dingen handeln müste.

Vnd weil in vorlesung solcher schrift / Phis-
lip Plasse sich etlicher wenig wort / besser erinnert /
seind dieselbigen aus seinem munde / in solche letz-
te schrift geendert vnd gesetzt / Er auch dorauß
zum andern vnd dritten mahle befragt / ob er auff
solchem seinem bekentnüs / zuuorharren vnd zu-
ersterben / willens / Demnach er auch zumehr-
malen / Ja / geantwortet / vnnnd auff solchem sei-
nem freywilligen bekentnüs / entlichen bestan-
den / welche widerholete vorshauunge / vnnnd offte-
mals bestandenem bekentnüs / die Herrn Com-
missarien vnd Befehlhabere / von ihme vor be-
kant / acceptirt vnd angenommen / vnd die Gerich-
te / sambt vns beiden Notarien Requirit / dersel-
ben also indeneß zusein / vnnnd wie vorgemelt / zu
Registrieren vnnnd zu Instrumentiren / Demfels-
ben also nach / haben wir die Erkarn vnnnd
ij Weissen

Weissen Magistrum Lucassen Koch / Nickel
Freundt / vnd Hansen Hasen / Rahtsfreunde /
so auch gegenwertig gewesen / vnd dis alles neben
vns Notarien gesehen vnd gehört / zu Gezeugen
gebeten / vnd dis Instrument darüber gemache
vnd vorfertiget / Geschehen im Jare / Indiction /
Monats tage / vnd stelle / wie oben im anfang
Erllich erzelet.

Vnd ich Bernhardus Freidiger / von Key-
serlicher Gewalt offenbarer schreiber / Nachdem
ich bey diesem allem gegenwertig gewest / solches
Philipsen Plassens zum offtermal Repetirt bes
kennnis / neben dem andern hiernebenen vnter-
schriebenen Notarien / vnd obbenanten Gezeu-
gen / aus seinem eygenen Munde selbs gehört /
vnd in vorzeichnüs genommen / Hab ichs zur bes
kennnis der warheit / inn dis öffentlich Instru-
ment / welches ich mit meiner eigenen hand ge-
schrieben vnd unterschrieben / darzu auch mit mei-
nem Notariat zeichen bekräftiget / brengen helf-
fen / Hierzu sonderlich requirirt vnd erfordert.

Vnd ich Laurentius Winkelman / von
Römischer Keiserlicher gewalt / offenbarer schrei-
ber / Dieweil ich bey diesem allem / wie in diesem
Instrument vorneldet / gegenwertig gewest /
solche

solche Philipsen Plassens zum offtermal Repetirte aussage vnd bekentnis / neben dem andern
hierneben vnderschrbenen Notario / vnd obbe-
nanté Gezeugen / aus seinem eigenen munde selb-
best gehört / vnd in vorzeichnus genommen / Habe
ichs zu mehrer beglaubigung / im dis öffentlich
Instrument bringen helfen / vnd mich mit
meinem Tauff vnd zunamen / auch mit
meinem gewöhnlichen Notariat zese-
hen / vnderschrben vnd bekrefft-
iget / Hierzu sonderlich
Requirirt vnd er-
fordert.



Herzog Johans Friedrichs bekent-
nis vnd antwort / auff des Churfürsten zu
Sachsen zc. an Sein F. G. vom Hono-
rlein aus am 3. Julij ausgegan-
gen schreibens.

D.

Wj

Wj

Unser Freundtlich

dienst/ vnd was wir liebs vnd guts
vormögen zuuorn/Hochgeborner Fürst/freund-
licher lieber Vetter / Schwager / Bruder vñ Ges-
uatter/ Wir haben E. L. schreiben/bey gegen-
wertigem Ihrem Reittenden Pohten / gesiern
Abents entpfangen/vnd seines inhaltts vorles-
sen/Vnd weren wol freundlich gensigt gewesen/
E. L. dorauß alsbalt/der notturfft nach/ hintwis-
derumb zubeantworten/ Wir mügen aber E. L.
freundlicher meinüg/ mit erfreudtem gemüt nicht
bergen/ Das der Barmherzige gütige Gott/
die Hochgeborne Fürstin/vnser freundliche hertz-
liche Gemahl/Fraw Elisabeth/ Geborne Pfälz-
gressin bey Rhein/ Herzogin zu Sachsen ꝛc. Irer
Weiblichen Bürden gestriges tages / mit allen
gnaden entbunden/vnd J. L. vnd vns abermals
Einen jungen Sohn vnd Landes Erben gnedig-
lich gegeben hat/ Dorumb wir dann S. Allmacht
von herzen lob/ ehr vnd danck sagen / Vnd es
E. L. sich mit J. L. vnd vns gleicher gestalt haben
zufreuen / hiermit freundlich vormelden thuen/
Vnd demnach an berurter vnser widerantwort/
dismals verhindert worden/ Seint aber freunda-
lich vhrböttig/dieselbige E. L. nach volbrachten
Kindtauffen/

Kindtauffen/bey eigener vnser Pottschaft zu zu-
fertigen/ Freundlich bittende/ E. L. wolte die klei-
ne zeit freundlich gedult tragen / Dann E. L.
freundlich zudieneu/ seind wir geneigt vnd willig/

Vnd haben es derselbigen auff diszmal freund-
licher meinung hinwider nicht wis-

sen vnangezeigt zulassen/ Das
tum Grunnenstein/den 10.

Julij/Anno 22.

66.

Von Gottes Gnaden Johans Frie-
derich der Mitter Herzog zu Sach-
sen / Landtgraff in Düringen / vnd
Marggraff zu Meissen.

Johans Frierich 22.

Wilhelm von Grumbachs vor-
meinte entschuldigung / auff
Zedwits Aussage.

P.

Gnediger

Gnediger Fürst vnd

Herr / Als E. F. G. mir heute dato den Fünfften
dis Monats Augusti / schriftlich behendigt /
was Christoff von Zedwitz / E. F. G. gewesener
diener / schriftlich an den Churfürsten zu Sach-
sen gelanget / das habe ich alles Inhalts vorles-
sen / Vnd het ich Christoffen von Zedwitz viel für
einen andern Mann gehalten / als das er in-
leichtem vñ vorgeblichem meertragen / bey Chur-
vnd Fürsten / gnad zuerlangen / sich beflüssigen
wollen / Da ich auch gewust / das Christoff von
Zedwitz / der vom Adel gewest / dauo hievor hoch-
gedachter Churfürst / in Irer Churf. G. schreib-
ben meldung gethan / So wolt ich auch ime Zed-
witz / in meinem beyliegendem schreiben / die
ding one schein / mit ausgedruckten worten vnd
namen / vorantwort haben / Vnd ist die warheit /
wie in meinem vnd Wilhelmen von Steins aus-
führlichem schreiben vormeldet / Das mir in-
zeit / als Georg von Geussaw gefangen gelegen /
vnd mir / auch meinen Mituorwandten / die zeit-
zung einkommen / das Ire Churf. G. steckbrieff
uber vns geben / vnd nach Leib vnd Leben trach-
ten lassen / durch vortratete ehrliche Leute / ein
anschlag zugescrieben worden / Welcher gestalt

Fre Churf. G. auffort vmb ende / da man es die
Harwiese nemet / zuergreiffen wer / dadurch ges
dachter von Geuffau gelediget / vnd wir also ges
sichert werden möchten / Die weil aber ich / noch
auch meine Mituorwandten / diese wiesen nicht
gewußt / auch dauon nicht gehört / darzu auch den
Churfürsten nieder zuwerffen / nicht gewillt ge
west / vnd gleich so wenig das ihenige / so inn mei
nen gedanken nicht gestanden / daruor achten
vnd halten können / das solchs zuthun möglich /
So hab ich solchen anschlag / wie der an mich ges
langet / nicht heimlich / sondern in beitswesen / vieler
vom Adel / vnd anderer ehrlicher Leute öffentlich
gesagt / Welchs Christoff von Zedwitz / sowol
als ander von mir auch gehört / Das ich aber
Christoffen von Zedwitz angezeigt / solchen für
schlag vorzunemen / oder ine gebeten / mir darzu
zuhelffen / das hab ich nicht gethan / Zu deme / vnd
da ich solche ding fürzunemen in willens gehabt /
so hette ich andere Leute darzu haben müssen / als
Christoffen von Zedwitz / Nachdem er Zedwitz
doch kein Reuter / vnd auch menniglich sein Leibs
gebrechligkeit weis / So hab auch ich zu ime Zed
wizen weiter oder anders nicht geredt / dan was
ich vor andern / auch öffentlich one schew gesagt /
Vnd haben E. F. G. leichtlich zuerachten / Wann
ich ein solchen anschlag vorhette / das ich den nicht

so öffentlich anzeigen würde / vñnd sonderlichen
Christoffen von Zedwitz / dieweil er darzu nicht
dienslich / Da auch E. F. G. darnach fragen /
so werden sie von vielen vornehmen / das ich
solche ding one hehle geredt / aber nicht / das ich
sie vornemen wöll / Vñnd wirdt sich nicht finden /
das ich mit einigem Menschen gehandelt / mir zu
solchem Anschlage zuhelffen / oder sich darzu ge-
brauchen zulassen / Vñnd mag ich mit Warheit
schreiben / Das ich den Meyenthaler / daruon
Zedwitzer meldung gethan / inn ezlichen Taren
nicht gesehen / So hab ich auch weder in Franck-
reich / Preussen / oder in die Graffschafft Olden-
burg / vñnd vnder schleiff des Churfürsten / ge-
schickt / Das ist sich an den orten leichtlich zu-
erfahren / Aber das ist war / das ich an diese drey
ort / sowol als inn ander Königreich mehr / ge-
schickt vñnd gesucht / mir meine Würzburgische
Bürger der ende einzu nemen / zugestatten / Was
aber mir dorauß zu Antwort worden / das ist
sich der ende auch zuerkündigen / Vñnd bin ich /
was dis fals halben an mich gelanget / niehe in
abrede gewest / noch dasselbige hehl gehabt / die-
weil ich doch das nicht in willens gehabt / auch
dauon nichts gehalten / Vñnd haben in ezlichen
Taren her / viel vñnd allerley fürs chleg / von Edel
vñnd Vnedel / so meine sachen gerne gut sehen / an
mich

mich gelanget / der ich keinen vorgekommen / noch
vorzunemen willens gewest / Das ich aber dar
umb die guten Ehrlichen Leute / so es trewlich
vnd gut mit mir meinen / anzeigen / vnnnd sie vor
melden solt / das stünd mir gar vbel an / Vnnnd
wolte ich viel lieber todt sein / als das ich mich mit
solcher vndanckbarkeit erweisen solt / Ob aber
Christoff von Zedwitz / das / so er obgemelter ges
talt gehort / vor warhafftig anzuzeigen / gebürt
hab oder nicht / das gib ich Euern Fürsilichen G.
vnderthenig zubedencken / Vnd ist dis der danck
vnnnd lohn / den ich vmb gedachten von Zedwitz
vordienet / Welchen ich nicht allein bey Meinem
Gnedigen Fürsten vnnnd Herren / Marggraff
Albrechten / Chrisilicher seliger gedechtnüs /
inn Seiner Fürsilichen Gnaden Leben / sonder
seind der zeit / bey andern Potentaten vnd gros
ssen Herrn / vnnnd sonderlich bey der Löblichen
Cron Franckreich / trewlich befördert / vnd auch
die gnedigste vortröstung bekommen / das ich ver
hofft / es würde ihm zu nützlicher wolgart gelan
gen / So hab ich auch ine Zedwitz / wie E. Fürst
liche G. selbst gnedig wissen / in derselbigen dienst
gebracht / aldo er solche städtliche vnderhaltung
gehabt / die er gewis nicht baldt bey Chur oder
Fürsten erlangen mögen / wie dann er in solchem
Dinst / wo fern er selbst gewolt / wol bleiben mögen /

Vnd hette ich jm auch noch mehr guts erweisen /
vnd zu aller wolffart helffen können / Ich hette es
gerne gethan / Wie er dann mich jeder zeit seinem
Vater geheiffen / Derwegen ich mich dieser dinge /
billichen nimmermehr vorsehen sollen / Ich mus
es aber Gott befehlen / der wird es nach seinem
Göttlichen willen wol zuuorgelten wissen / für
eins.

Zum andern / Das E. F. G. mir auch Copen
einer Vrkundt / so Graff Günter von Schwarz-
burg / hochgedachtem Churfürsten meinethal-
ben vbergeben / zugestellt / das lasse ich auff ihren
vnwerth beruhen / Vnd kan ich als (Gott hab
lob) ein ehrlicher vom Adel / von diesem Graffen
durch seine schriftliche vnd vnkrefftige Vrkundt /
so wenig als wann er darzu auch mit auffgeree-
ten fingern dieselbige Vrkundt / auff seinem Todt-
bette / vnd da ihme auch gleich die Seel auff der
Zungen fesse / beteuern wolte / vberzeuget wer-
den / Aber hiermit vnd dardurch / wil ich den
Hochgelobten Grefflichen Ehrenstandt / keines
weges vorkleinert / sondern das eines einzlichen
Mannes rede / vor keine vnwidersprechliche oder
vnwiderdringliche rede zu achten sey / gemeint ha-
ben / Vnd sag derhalben nochmals / in gemüt
vnd meinung niemands zuschmehen / sondern als
lein meine Adelige Ehr zuerretten / Vnd wie ich

in meinem schreiben auch vormeldet / das mich
der Graff in solcher auflage anticht / wie dann in
istgedachtem meinem hieorigen schreiben nach
notturfft ausgefurt / Vnd do sich der Graff sei-
ner sachen so recht bedünckt / so solt er der vorhör
kein schew tragen / Würd er dann die dinge wahr
machen / alsdann bin ich in meinem schreiben
mit meinem erbieten gehört / Im fall Er aber die
ding nicht war machen würde / alsdann er billich
für den Mann zuachten / so arme Gesellen / mit
vnerfündlichen dingen / vnbillich zubeschweren /
geneigt / Zu dem so thut sich ermelter Graff / auff
ekliche ehrliche vom Adel zu kundschafft ziehen /
die offentlich sagen / das er sie inn solchem an-
ticht / das sie auch die dinge nie gehört / vielweni-
ger dabey gewesen / Seind auch vrböttigt / solchs
mit mund vnd hand / auff den Graffen zuerwei-
sen / das er jnen hierinnen vnrrecht thue / Solchs
werden sie vor Hohen vnd Niedern Stenden /
offentlich zusagen / kein schew tragen / Derhalben
der Graff / vund damit er von den ehelichen vom
Adel / jren bericht selbst vornehmen möcht / der
offentlichē vorhör souiel weniger bedenckens ha-
ben solt / Das er aber anzeigt / ich sey ein Echter /
derhalben jne mit mir zutagleisten / nicht gebüren
wöll / Ist abermals hiraus sein hertz vnd gemüt
leichtlich abzunemen / Dann do er mich vor einen

schuldigen oder verwirckten Echter gehalten/so
hat jme ja nicht gebüret / mich in der Acht zu sich
in sein Haus zuladen / wie dan beschehen / Vñ mir
freie öffnung vnd sicherung / in allen seinen Heu-
fern vñnd Flecken / vngeschewet der Acht zuuers-
sprechen / da ich doch mein lebtag vor meine pers-
son / zu jme vnd in seiner Heuser vñ Flecken / ein zu
kommen / oder auch einige hülffe bey jme / wider bes-
gert noch gesucht hab / Was aber nu hieruon zu
halten / das gib ich den Ehrliebenden zubedencken.

Zu dem / vnd da diese sachen zuuorhör kom-
men würdet / Als dann sol sich ausfündig mache-
en / ob ich oder der Graff / Ihren Ehurf. G. vbel
vnd vorlezlich nachgeredt haben / Dobey ichs
auff dismal beruhen lasse / Vnd thue mich nach-
mals auff meinen hieuorigen warhafftigen ober-
schickten schriftlichen bericht / in allen Puncten
vnd Artickeln ziehen / Welchs alles ich dann mit
bestande vnd warheit / darzuthun weis zc. Vnd
hab solches E. F. G. beineben zu vnderthenigen
bericht / nicht vorhalten sollen / Vnd thu mich der
selben hiermit vnderthenig befehlen zc.

E. F. G.

Vndertheniger Gehorsamer
Kant vnd Diener.

Wilhelm von Grumbach.

